

**ಪೌಲನು ಕೊರಿಂಥದವರಿಗೆ ಬರೆದ ಮೊದಲನೆಯ
ಪತ್ರಿಕೆ
ಪೌಲನೆ ಕೊರಿಂಥವಾಳಾನ ಲೀಖ್ಯೋತೆ
ಪಹಿಲಿ ಚಿಟ್ಟಿ
ಮಾಲುಮ್ ಕರಾನು**

ಕ್ರಿಸ್ತ ಪೈದಹುಯಿನ್ 55 ವರಖ್ತ್ ಹುವಾನ ಬಾದ್ಮ ಅಪೊಸ್ತಲ ಹುಯಿರೋತೆ ಪೌಲ ಕೊರಿಂಥವಾಳಾನ ಆ ಚಿಟ್ಟಿನ ಲೀಖಿರಾಖ್ಯೊಸ್. 1:1 ಪೌಲನೆ ಕೊರಿಂಥ ಸಬೆವಾಳನ ಲೀಖ್ಯೋತೆ ಬೇ ಚಿಟ್ಟೇಮ ಆ ಪಹಿಲಿ ಚಿಟ್ಟಿ ಹುಯಿರಲ್ಲ್ಯೆಸ್. ಘಣೇಥಿ ಲೀಖಾನಿವಖ್ತ್ ಪೌಲನೆ ಎಫೆಸ ಖ್ವಯೇರ್ಥು ಇನೆ ಮೆಸೆಡೊನಿಯಾನಿ ವಾಟೆ ಜಾವಾನಿ ವಖ್ತ್ ಕೊರಿಂಥಾನ ಜೈನ್ ಮಳಾನ ಪಹಿಲೆ ಲೀಖಿರಾಖ್ಯೊಸ್ 16:5-9.

ಪೌಲನೆ ಸಬೇನು ಥೋಡಜಣಾಥು ಖ್ವಮ್‌ಜೋತೆ ಬಾರೇಮ ಉದಾಹರಣೆ ಕರೀನ್ ಲೀಖಿರಾಖ್ಯೊಸ್ ಕೈಯೇಕ್ ಬರಬರ್ ಕೊಂತೆ ಚಾಲ್‌ಚಲಣ್ ಥು ಕತೊ ಭಾಗ್‌ಖ್ವಾರು ಅಜ್ಜು ಪಾಪೇಲ ಸಂಬಂದ್ನು ಕಾಮ್‌ಖ್ವಾರು ಥು. ಕೊರಿಂಥ ಖ್ವಯೇರ್ ಪಾಪೇಲು ಸಂಬಂದ್‌ನಿ ಬಾರೇಮ ಘಣು ಚಾಲುಕರ್ತುಥು ಇನಖ್ವಾಜೆ ಸಬೇಮ ಆ ತಖ್ವಾಲಿಬ್‌ನ ಲ್ಯವಾನು ಅಶ್ಚರ್ಯನಿ ವಾತೆ ಕೊಹುಯಿರ್ಲ್ಲ್ಯೊನಿ. ಏಕ್ ಕೊರಿಂಥನು ಚಿಟ್ಟೇಮ ಪ್ಯಾರ್‌ನ ಸಂಬಂದ್ ಪಡಾನು ಘಣು ಪ್ರಸಿದ್ ಹುಯಿರುತೆ 13 ನು ಅದ್ಯಾಯ ಅನಾಮ ಛಾ.

ಕಾಡಿದೇಖೊ

1. ಪೌಲನೆ ಕೊರಿಂಥ ಸಬೆವಾಳನ ಖ್ವಲಾಮ್ ಅಜ್ಜು ಇವ್ಣಖ್ವಾಜೆ ದೇವ್‌ಕನ ಧನ್ಯವಾದ್ ಕರಾನು ಅಪ್ಲೆ ದೇಖ್‌ಯೇಸ್. 1:1-9
2. ಇನಪಾರ್ ಇನೆ ಕೊರಿಂಥ ಸಬೆಮ ಬೇಭಾಗ್ ರ್ವವಾನು ವಿಚಾರ್ನ್ ಬಾರೇಮ ಇನು ಜವಾಬ್ ದೇಸ್. 1:10—4:21

3. ಇನಪಾರ್ ಇನೆ ಪಾಪೇಲು ಸಂಬಂದ್ ಅಜ್ಜು ಏಕ್‌ಥಿ ಏಕ್‌ ನ್ಯಾಪ್‌ನು ಝಗೊ ಬುಲೈಲಿನ್ ಜಾವಾನಿ ವಿಚಾರ್ನ್ ಬಾರೇಮ ಬೋಲಸ್. 5:1—6:20
4. ಇನಪಾರ್ ಇನೆ ವ್ಯಹಾ, ಮೂರತ್ ಬಲಿ ದೈವಾನು ಅಜ್ಜು ಖ್ವಾರುಮಳಿನ್ ಆರಾದನೆ ಕರಾನು ಆತ್ಮಿಕ ಇನಾಮ್ ಜಿವಿನ್ ಉರಾನಿ ಬಾರೇಮ ವಾಟ್ ವತಾಳಸ್. 7:15
- 5 ಖರ್ತಿಮ ಇನೆ ಕರೈತೆ ತೀರ್ಮಾನ್ ಅಜ್ಜು ಶೊಂತ್ ಬಾರೇಮ ಬೋಲೊಹುಯಿನ್ ಚಿಟ್ಟಿನ ಖತಮ್‌ಕರಸ್. 16:1-24

¹ ಪೌಲ ಲೀಖುಕರಾತೆ ಚಿಟ್ಟಿ ಕ್ರಿಸ್ತಯೇಸುನೊ ಅಪೊಸ್ತಲ ಹುವಾನ ಮೇ ದೇವ್ನಿ ಖ್ವಯಾಲ್‌ಥಿ ಚೊಣೈಗಯೊ. ಮೇ ಆ ಚಿಟ್ಟಿನ ಕ್ರಿಸ್ತಮ ಮಾರೊ ಭೈಹುಯಿರೋತೆ ಸೋಸ್ಥಿನಿನಿ ಜೋಡ್ತಲೀಖುಕರುಸ್.

² ಕ್ರಿಸ್ತ ಯೇಸುಮ ಪವಿತ್ರ ಕರಿ ಬಣೈರಾಖೊತೆ ಕೊರಿಂಥಿನಿ ದೇವ್ನಿ ಸಬೆವಾಳನ ಆ ಚಿಟ್ಟಿ ಲೀಖುಕರುಸ್. ತುಮೆ ದೇವ್ನು ಪವಿತ್ರ ಅದ್ಮಿಹುವಾನಖ್ವಾಜೆ ಸ್ವೀಕಾರ್ ಹುಯಿರುತೆ ಇವ್ವುನ ಪ್ರಭು ಹುಯಿರೋತೆ ಯೇಸುಕ್ರಿಸ್ತನ ನಾಮ್ನ ವಿಶ್ವಾಸ್ ಕರಸ್ತೆ ಖ್ವಾರಸ್ ಅದ್ಮಿನಿಜೋಡ್ತ ತುಮೆ ಚೊಣೈರ್ದಾಸ್. ಯೇಸುಕ್ರಿಸ್ತ ಇವ್ವುನಾಬಿ ಅಪ್ಪುನಾಬಿ ಪ್ರಭು ಹುಯಿರ್ದೊಸ್.

³ ಅಪ್ಪೊಬಾ ಹುಯಿರ್ದೊತೆ ದೇವ್‌ಥೀಬಿ ಪ್ರಭು ಯೇಸುಕ್ರಿಸ್ತಥೀಬಿ ತುಮೂನ ವಾರ್‌ಖೊಬಿ, ಶಾಂತಿಬಿ ಮಳಾದೆ.

ಕ್ರಿಸ್ತಮ ಆಶೀರ್ವಾದ್

⁴ ದೇವ್ ಕ್ರಿಸ್ತಯೇಸುಥಿ ತುಮೂನ ದೀರಾಖೊತೆ ವಾರ್‌ಖ್ವಾನಖ್ವಾಜೆ ಮೇ ತುಮಾರಖ್ವಾಜೆ ಮಾರ ದೇವ್ನ ಕದೇಬಿ ಧನ್ಯವಾದ್ ಕರುಸ್.

⁵ ಶನಕತೊ ಯೇಸುಮ ಖ್ವಾರೀಸ್‌ಥರಾನಿ ಅಖ್ವಿ ಆಶೀರ್ವಾದ್‌ನ ಲೀರಾಖ್ತೆ ತುಮೆ ವಾತ್‌ಮಾಬಿ ಅಕ್ಕಲ್‌ಮಾಬಿ ಘಣ ಚಾತುರ್‌ವಾಳ ಹುಯಿರಾಸ್.

⁶ ಕ್ರಿಸ್ತನು ಬಾರೇಮಾನಿ ಸಾಕ್ಷಿ ತುಮಾರಮ ಘಟ್ ಛಾ.

7 ಅಮರ್ತ್ವವಾಪರ್, ಅಪೊ ಪ್ರಭು ಯೇಸುಕ್ರಿಸ್ತ ಪಾಟ್ಲೊ ಆವಾನುಸ್ ಟಿವೈ ದೇಖುಕರಾತೆ ತುಮೆ, ದೇವ್‌ಧಿ ಆವಾತೆ ಹರೇಕ್ ವರಾನ ಲೀಲ್ಯಾವಾಳ ಹುಯಿರಾಸ್.

8 ಯೊ ತುಮೂನ ಖ್ವರ್ತಿಲಗು ಘಟ್‌ರಾಖಿನ್ ಬಚ್ಚಾಡ್‌ಪೆ. ಅಮ್ಮಸ್ ಅಪೊ ಪ್ರಭು ಯೇಸುಕ್ರಿಸ್ತ ಬಿಚ್ಚು ಪಾಟ್ಲೊ ಆವಾನ ವೇಳ್ ತುಮೆ ನಿರ್ದೋಷಿ ಹುಯಿರ್ದೆಶು.

9 ದೇವ್‌ನೊ ಛಿಯೋಬಿ ಅಚ್ಚು ಅಪೊ ಪ್ರಭು ಹುಯಿರೋತೆ ಯೇಸುಕ್ರಿಸ್ತನಿ ಜೋಡ್ ಮಳಿನ್ ರ್ವಾಪಾನಖ್ವಾಜೆ ತುಮೂನ ಬುಲಾಯೋತೆ ದೇವ್ ವಿಶ್ವಾಸ್‌ವಾಳೊ ಹುಯಿರ್ದೊಸ್.

ಸಬೆಮ ಭಾಗ್ ಹುಯುತೆ

10 ಬೇನೆ, ಬೈಯೇವೊ, ಅಪೊ ಪ್ರಭು ಯೇಸುಕ್ರಿಸ್ತನ ನಾಮ್‌ಧಿ ಮೇ ತುಮೂನ ಬಿಂತಿ ಕರುಸ್ತೆ ಶಾತ್‌ಕತೊ, ಅಬ್ಬಾಜ್‌ಬಿ ನಾ ಬೋಲ್ತುತೆ, ಅಷಿಲ್ ಕಮ್‌ಶಿಲ್ ಕರಿ ಬೇಭಾಗ್ ನಾ ರ್ವೆವ್ವ ಎಕ್ಕ್‌ಸ್ ದಿಲ್‌ಧಿ ಎಕ್ಕ್‌ಸ್ ಖ್ವಿಯಾಲ್‌ಧೀಬಿ ಎಕ್ಕ್‌ರ್ವೆನ್ ಜಿವ್ವು ಕರೊ,

11 ಶನಕತೊ ಭೇನೆ ಬೈಯೇವೊ ಖ್ಲೋಯೆನ ಘರ್‌ಧು ಆಯುಹುಯು ಥೋಡ ಜಣಾನೆ ತುಮಾರ ಇಚ್‌ಮ ಲಡೈ ಚಾಲುಕರಸ್‌ಕರಿ ಮನ ಬೋಲ್ಕು.

12 ಕತೊ ತುಮಾರಮ ಏಕ್‌ಜಣೊ, “ಮೇ ಪಾಲನ ಪೀರೆ ಜವುಸ್” ಕರಿ ಬೋಲಸ್, ಬಿಜೇಕ್‌ಜಣೊ “ಮೇ ಅಪೊಲ್ಲೋಸನ ಪೀರೆ ಜವುಸ್” ಕರಿ ಬೋಲಸ್. ಅಚ್ಚು ಬಿಜೇಕ್ ಜಣು, “ಮೇ ಕೇಫನ ಪೇತ್ರನ ಪೀರೆ ಜವುಸ್ ಕರಿ ಬೋಲಸ್. ಅಜೇಕ್‌ಜಣೊ, “ಮೇ ಕ್ರಿಸ್ತನ ಪೀರೆ ಜವುಸ್” ಕರಿ ಬೋಲಸ್.

13 ಕ್ರಿಸ್ತ ವಾಟಪಡಿರ್ದೊಸ್ ಕಿಶು? ಪಾಲ ತುಮಾರಖ್ವಾಜೆ ಶಿಲ್‌ಬೇಪರ್ ಮರ್ದೊಕಿಶು? ತುಮೆ ಪಾಲನ ನಾಮ್‌ಧಿ ಬ್ಯಾಪ್ತಿಸ್ಮ ಕರೈಲಿದ ಕಿಶು?

14 ತುಮಾರಮ ಕ್ರಿಸ್ತನ ಬಿಚ್ಚು ಗಾಯನ ಮ್ಹೆಲ್ಯತೊ ಬಿಚ್ಚು ಕಿನಾಬಿ ಮೇ ಬ್ಯಾಪ್ತಿಸ್ಮ ಕರಾಯೊಕೊಂತೆ ಇನಖ್ವಾಜೆ ದೇವ್ ಧನ್ಯವಾದ್ ಕರುಸ್.

15 ಇನೇಥಿ ಮಾರ ನಾಮ್‌ಪರ್ ಬ್ಯಾಪ್ತಿಸ್ಮ ಕರ್ಯೆರಾಖ್ಯಾನ್‌ಕರಿ ಬೋಲಾನ ತುಮಾರಮ ಕಿನೇಥೀಬಿ ಹಮ್ಮೆ ಉಷೆಕೊಯ್ತಿ.

16 ಮೇ ಸ್ತೆಫನನ ಘರ್‌ವಾಳಾನ ಮ್ಹೇಲಿನ್, ಬಿಜು ಕಿನಾಬಿ ಬ್ಯಾಪ್ತಿಸ್ಮ ಕರಾವನಿತರ ಮನ ದೇಖಾವಕೊಯ್ತಿ.

17 ಕ್ರಿಸ್ತನೆ ಮನ ಮೋಕ್‌ಲ್ಯೊತೆ ಬ್ಯಾಪ್ತಿಸ್ಮ ದೈವಾನ ಕಾಹೆ. ಸುವಾರ್ತೆನ ಖ್ವಮ್‌ಜಾಡನಖ್ವಾಜೆ ಎತ್ರೇಸ್. ಕತೋಬಿ ಖಾಲಿ ಅದ್ವಿನಿ ಅಕ್ಕಲ್‌ಥಿ ಬೋಲಿ ಖ್ವಮ್‌ಜಾಡನ ಮನ ಮೋಕ್‌ಲ್ಯೊ ಕೊಯ್ತಿ. ಮೇ ಕಾಯ್‌ತೋಬಿ ಲೋಕ್‌ನಿ ಗ್ಯಾನ್‌ಥಿ ಸುವಾರ್ತೆ ಬೋಲ್ಯೊಹೊತ್ತೊ ಕ್ರಿಸ್ತನಿ ಶಿಲ್‌ಬೇನಿ ಶಕತ್ ಫಾಯಿದೊಕೊಂತೆ ಹುಯುಹೊತ್ತ್.

ಕ್ರಿಸ್ತ ದೇವ್ನಿ ಶಕತ್ ಅಜು ದೇವ್ನಿ ಗ್ಯಾನ್

18 ಶನಕತೊ ನಾಶನ ಮಾರಗ್‌ಮಲ್ಲಾತೆ ಅದ್ವಿಖ್ವಾರಾನ ಶಿಲ್‌ಬೇನು ಬೋಧನೆ ಪಾಗಲ್‌ಪನ್ ಹುಯಿರಲ್ಲ್ಹಾಸ್. ಕತೋಬಿ ರಕ್ಷಣೆನ ಮಾರಗ್‌ಮ ಛಾತೆ ಅಪ್ಪುನತೋ ಯೋ ದೇವ್ನಿ ಶಕತ್ ಹುಯಿರಲ್ಲ್ಹೇಸ್.

19 ಪವಿತ್ರ ದಪ್ತರ್‌ಮ ಅಮ್ ಲಿಖ್ತಿರಲ್ಲ್ಹಾಸ್, 'ಗ್ಯಾನ್ನಿ ಗ್ಯಾನ್ ನಾಶ್ ಕರೀಸ್. ಬುದ್ಧಿವಾಳನಿ ಬುದ್ಧಿನ ಫಾಯಿದೊ ನಾ ರಲ್ಹೆವ್ಣುತೆ ತಿಮ್ ಕರೀಶ್'.

20 ಅಮ್‌ರಲ್ಹವಾಪರ್ ಅಕ್ಲಿ ಕಿಜ್ಜಲ್ಲಾ? ಪಡಂತಿ ಕಿಜ್ಜಲ್ಲಾ? ಆ ಹಗಾಮ್‌ನೊ ನವಿ ಗ್ಯಾನ್ನಡುಂಡಾವಾಳೊ ಕಿಜ್ಜಲ್ಲಾ, ದೇವ್‌ಜಗತ್ತಿ ಗ್ಯಾನ್ನ ಘೈಲು ಕರಿನಾಖ್ಯೊ!

21 ಹೈರೂತೆ ದೇವ್ನಿ ಗ್ಯಾನ್ನಿ ಖ್ವೊಜ್ ಹುಯಿರಲ್ಲ್ಹಾ. ಜಗತ್ ಇನಿ ಶೊಂತ್ ಗ್ಯಾನ್‌ಥಿ ದೇವ್ನಿ ಖ್ವಮ್‌ಜಿರಾಖ್ಯಾಧು ಕೊಯ್ತಿ. ಇನಖ್ವಾಜೆ ಘೈಲಾನಿತರ ದೆಖಾವತೆ ಬೋಧನ್‌ಥಿ ವಿಶ್ವಾಸ್ ಕರವಾಳನಿ ರಕ್ಷಣೆ ಕರಾನು ದೇವ್ನಿ ಅಟ್ಟುಕರಿ ದೆಖಾಯು.

22 ಯೆಹೂದ್ಯರ್‌ಖ್ವಾರ್ರು ಸಾಕ್ಷಿನಖ್ವಾಜೆ ಖ್ವಣೇದ್‌ನಕಾಮ್ನ ಖ್ವಮ್‌ಞಸ್. ಗ್ರೀಕ್‌ವಾಳಾನ ಗ್ಯಾನ್ನ ಡೂಂಡಸ್.

23 ಅವೆತ್ತೋಬಿ ಶಿಲ್‌ಬೇಪರ್ ಮರೈಗಯೋತೆ ಕ್ರಿಸ್ತನಿ ಬಾರೇಮ ಬೋಲಿಯೇಸ್. ಆ ಹೈರುತೆ ಯೆಹೂದ್ಯರ್‌ನ ಅಡ್ಡಿ ಹುಯಿರ್ದೋಸ್. ಯೆಹೂದ್ಯರ್‌ಕಾಹೆತೆ ಅದ್ವಿನ ಫೈಲಾನಿತರ ದೇಖಾವಸ್.

24 ಕತೋಬಿ ದೇವ್‌ಧಿ ಬುಲೈಲಿದಹುಯ ಅದ್ವಿ ಯೆಹೂದ್ಯರ್ ಹುಯಿರ್ದತ್ತೋಬಿ ಯೆಹೂದ್ಯರ್‌ಕಾಹೆತೆ ಹುಯಿರ್ದತ್ತೋಬಿ ಇವ್ವುನ ಕ್ರಿಸ್ತಾಸ್ ದೇವ್ನಿ ಶಕತ್ ಹುಯಿರ್ದೋಸ್. ಅಜ್ಜು ದೇವ್ನಿ ಅಕ್ಕಲ್ ಹುಯಿರ್ದೋಸ್.

25 ಶನಕತೊ ದೇವ್ನಿ ಕಮ್‌ಜೋರ್ ಅದ್ವಿನಿ ಅಕ್ಕಲ್‌ಧಿ ಮಹಾನ್ ಹುಯಿರುಸ್. ದೇವ್ನಿ ಕಮ್‌ಜೋರಿಕತೊ ಅದ್ವಿನಿ ತಾಖಧಿಬಿ ಘಣು ಶಕತ್ತು ಹುಯಿರುಸ್.

26 ಭೇನೆ, ಬೈಯೇವೊ, ದೇವ್ ತುಮೂನ ಬುಲಾವನಿ ವಖ್ತಮ ತುಮೆ ಕಿಮ್‌ಥಾಕರಿ, ಯಾದ್ ಕರಿಲೆವೊ. ಜಗತ್ತಿ ಗಣ್ತೆಮ ತುಮಾರಮ ಕೈಏಕ ಜಣು ಅಕ್ಕಲ್‌ವಾಳು ಕೋ ಹುಯಿರ್ದಾಧಾನಿ: ಅದಿಕಾರಿ ಕೋ ಹುಯಿರ್ದಾಧಾನಿ; ಮರ್ಯಾದಿನೊ ಕೋ ಹುಯಿರ್ದಾಧಾನಿ.

27 ಕತೋಬಿ ಆ ಜಗತ್ತ ಅಕ್ಕಿಖ್ವಾರಾನ ಖ್ವರಮ್ ಕಾಡಾನಖ್ವಾಜೆ ದೇವ್ನಿ ಕಮ್‌ಜೋರ್ ಲ್ಲಾತೆ ಇವ್ವುನ ಚೂಣಿರಾಖ್ಯೊಸ್; ಶಕತ್‌ವಾಳಾನ ಖ್ವರಮ್ ಕಾಡಾನಖ್ವಾಜೆ ಕಮ್‌ಜೋರಿ ಶಕತ್‌ವಾಳನ ಚೂಣಿರಾಖ್ಯೊಸ್.

28 ಜಗತ್ ಖೆವಾನ ಮುಖ್ಯಕರಿ ಸೋಚಸ್ಕಿ ಇನ ನಾಶ್‌ಕರಾನ ದೇವ್ನಿ ಲ್ಲಾಯೇಕ್‌ಕೊಯ್ನಿ ಕರಿ ಸೋಚಾತೆ ಇವ್ವುನ ದೇವ್ನಿ ಚೂಣಿಲಿದೊ.

29 ಅಮ್‌ರ್ದವಾಪರ್ ದೇವ್ನಿ ಖ್ವಾಮ್ಣೆ ಮೋಟೊಕರಿ ಖ್ವರೈಲ್ಯವಾನ ಕಿನಾಬಿ ಮೋಕಕೊಯ್ನಿ.

30 ತುಮೂನ ಕ್ರಿಸ್ತಯೇಸುಮ ಏಕ್‌ಭಾಗ್ ಕರಿ ಬಣಾಯೋತೆ ದೇವ್ನೇಸ್. ಕ್ರಿಸ್ತ ಅಪ್ಪಖ್ವಾಜೆ ದೇವ್‌ಕಂಥು ಆಯೋತೆ ಗ್ಯಾನಿ ಹುಯಿರ್ದೋಸ್. ಅಪ್ಪೆ ನೀತಿವಾಳ ಹುಯಿರ್ದವಾನ, ಅಪ್ಪೆ ಅಖ್ವಿ ಪವಿತ್ರಹುಯಿರ್ದೋಸ್.

31 ಇನಖ್ವಾಜೆ ಪವಿತ್ರ ದಪ್ತರ್ ಬೋಲಸ್ತೆ ಇಮ್ ಭಡವಾಳೊ ಪ್ರಭುಮಾಸ್ ಭಡಾದೆ.

2

ಶಿಲುಬೆಪರ್ ಛಡಾಯತೆ ಕ್ರಿಸ್ತನಿ ಬಾರೇನಿ ಸಂದೇಶ್

1 ಪ್ಯಾರನ ಭೈಯೇ ಭೇನೆವೊ, ಮೇ ದೇವ್ನ ಖಾಚ್ಕನ ಖ್ವಮ್‌ಜಾಡ್‌ತೊಹುಯಿನ್ ತುಮಾರಕನ ಆಯೊ. ಕತೋಬಿ ಮೇ ಚಾತುರ್ ವಾತೇಥಿ ರ್ವೊವೊ ಅಕ್ಕಲ್‌ಥಿ ರ್ವೊವೊ ಕೊ ಆಯೋನಿ.

2 ಶನಕತೊ ಮೇ ಶಿಲಾಬೇಪರ್ ಮರಾಯೋತೆ ಯೇಸು ಕ್ರಿಸ್ತನಾಸ್ ಪಣ್ಣಿ ಬಿಜು ಶನಾಬಿ ತುಮಾರಮ ಮಾಲುಮ್ ಕರಾವವಾಳೊ ಕೊ ಹುಯಿರ್ತ್ವಿಶ್‌ನಿ ಕರಿ ತೀರ್ಮಾನ್ ಕರಿರಾಖ್ಯೊಸ್.

3 ಆ ನಾಹುಯಿನ್ ಮೇ ತುಮಾರಕನ ಆಯೋತೆ ತದೆ, ಲಾಚರ್‌ಥೊ; ಅಜು ಡರ್‌ಥಿ ಕಾಪವಾಳೊ ಹುಯಿರೋಥೊ.

4 ಮಾರು ಉಪದೇಶ್ ಅಜು ವಾತೆಮ ಅದ್ಮಿನಿಖ್ವಯಾಲ್‌ನ ರ್ವವಾನುಬಿ ಅಜು ಅಲ್ಪಿ ವಾತೇಥಿ ಮಳಿರ್ಲ್ವೊ ಕೊಯ್ನಿ. ಕತೋಬಿ ದೇವ್ನಆತ್ಮ ದಿಲ್‌ಫರಾವನಿ ಸಾಕ್ಷಿಹುಯಿರ್ಲ್ವಸ್ತೆ ಶಕಥಿ ಮಳಿಹುಯು ಹುಯಿರ್ಲ್ವೊ.

5 ತಾರಿ ವಿಶ್ವಾಸ್ ಅದ್ಮಿನಿ ಖ್ವಯಾಲ್‌ಪರ್ ನಾ ಥೊವೈರ್ವ್ವೆವ್ವೆ ತೆ ದೇವ್ನಿ ಶಕತ್‌ಪರ್ ಥೊವೈರ್ವ್ವೆವ್ವೆ ಕರಿ ಮೇ ಅಮ್ ಕರಯ್ವೊ.

ದೇವ್ನಿ ಅಕ್ಕಲ್

6 ರ್ವಯುತೋಬಿ ಆತ್ಮಿಕಥಿ ಭಡಿರ್ವ್ವಾಳನ ಅಪ್ಪೆ ಗ್ಯಾನ್ನಿ ಬೋಧನೆ ಕರೇಸ್. ಪಣ್ಣಿಯೊ ಜಗತ್ವಕಾಹೆ; ನತರ್ ಆ ಹಗಾಮ್ನ ಅದಿಕಾರಿಯೇವನಿ ಅದಿಕಾರ್‌ನ ಸಂಬಂಧ್ನ ಕಾಹೆ.ಯೊ ಅದಿಕಾರಿಖ್ವಾರ್ ಇವ್ವಿ ಅದಿಕಾರ್‌ನ ಗುಮೈಲೆವಕರಸ್.

7 ಅಪ್ಪೆತೋಬಿ ಹಮೈಲಗು ದೇವ್ನಿ ಗಪ್ಲತ್ ಹುಯಿರ್ವ್ವಾನು ಅಕ್ಕಲ್‌ನಾಸ್ ಬೋಲೆಸ್. ಆ ಅಕ್ಕಲ್ ಅದ್ಮಿಖ್ವಾರೇಥಿ ಲಪಾಡೈರ್ಲ್ವೊಸ್. ದೇವ್ನಿ ಅಪ್ಪ ಮಹಿಮೆನಖ್ವಾಜಿ ಆ ಅಕ್ಕಲ್‌ನ ಜಗತ್‌ನು ಉಬ್‌ಜಾಪ್ಪಿನ ಶುರುವಾತ್ಸ ಅಗಾಡಿಸ್ ಚೂಣಿರಾಖ್ಯೊಸ್.

8 ಅನ ಆ ಜಗತ್‌ನು ಅದಿಕಾರಿ ಖಿವೂಬಿ ಆ ಅಕ್ಕಲ್‌ನ ಮಾಲುಮ್ ಕರಿರಾಖ್ತು ಕೊಯ್ತಿ. ಮಾಲುಮ್ ಕರಿರಾಖ್ತುಹೊತ್ತೊ ಇವ್ಣೆ ಮಹಿಮೆನೊ ಪ್ರಭುನ ಶಿಲ್‌ಬೆಪರ್ ಕೋ ಮರಾಯುಹೊತ್ತಿ.

9 ಇನಖ್ವಾಜೆ ದೇವ್ನಿ ವಚನ್‌ಮ ಲೀಖಾವನಿತರ, ದೇವ್ನಿ ಇನ ಪ್ಯಾರ್ ಕರವಾಳನಖ್ವಾಜೆ ಕರಿರಾಖ್ತೊತೆ ಖ್ವಾರಸ್ಸ ಖಿವು ಡೋಳೊಬಿ ದೇವ್ನಿಕೊಯ್ತಿ. ಖಿವು ಕಾನ್‌ಬಿ ಖ್ವಮ್‌ಜ್ಜುಕೊಯ್ತಿ, ಯೊ ಏಕ್‌ಭಣಾನ ದಿಲ್ಲಿ ಖ್ವಯಾಲ್‌ಮಾಬಿ ಕೊಆಯುನಿ.

10 ಕತೋಬಿ ದೇವ್ನಿ ಇನ ಪವಿತ್ರಾತ್ಮಧಿ ಆ ಗಪ್ಲತ್‌ನ ಬೋಲಿವತಾಳ್ಯೊ ಯೊ ಪವಿತ್ರಾತ್ಮಸ್ ಆ ಅಖ್ವು ದೇವ್ನಿ ಗಪ್ಲತ್‌ನಿ ವಿಚಾರ್ನ್ ಗಧಾರ್‌ಧಿ ಡೊಂಥವಾಳೊ ಹುಯಿರ್ದೊಸ್.

11 ಶನಕತೊ ಏಕ್‌ಭಣಾನಿ ಖ್ವಜ್ಜೊನಿ ಬಾರೇಮ ಇನಾಮ ಛಾತೆ ಆತ್ಮಾನ ಕಾಹೆತೆ ಕಿನಾಬಿ ಮಾಲುಮ್ ಕೊಯ್ತಿ. ಇಮ್‌ಮ್ ದೇವ್ನಿ ಖ್ವಜ್ಜೊನ ದೇವ್‌ನೊ ಆತ್ಮಾಸ್ ಮಾಲುಮ್ ಕರ್ನ್ ಪಣ್ಣಿ ಬಿಜು ಖೆವಾನಬಿ ಹುವಾನು ಕಾಹೆ.

12 ಅಪ್ಪೆ ಜಗತ್‌ಮಲ್ಲಾತೆ ಆತ್ಮಾನ ಲೀರಾಖ್ತೊಕೊಯ್ತಿ ದೇವ್ ಅಪ್ಪುನ ಪುಗಟ್ಟಿ ಗೋರ್‌ಧಿ ದಿದೊತೆ ವರಾನ ಮಾಲುಮ್ ಕರಿಲ್ಯವಾನಖ್ವಾಜೆ ದೇವ್‌ಧಿ ಆಯಿತೆ ಆತ್ಮನಾಸ್ ಲೀರಾಖ್ತಸ್.

13 ಅನಖ್ವಾರು ಬೋಲಾನಿವಖ್ವೆತೆ ಅದ್ವಿನಿ ಅಕ್ಕಲ್‌ಧಿ ಶಿಕಿಹುಯಿ ವಾತೆಖ್ವಾರು ಕೋಬೊಲ್ಯೊಂತೆ ಪವಿತ್ರಾತ್ಮನೆಸ್ ಶಿಕಾಡಿದಿದೋತೆ ವಾತೆನಾಸ್ ಬೋಲಿಲ್ಯವಾಳ ಹುಯಿರಾಸ್. ಅಮ್ ಆತ್ಮಿಕಧಿ ರ್ವೆಸ್ತೆ ಖ್ವಾಚನ ಆತ್ಮಾಮ ರ್ವೆವಾಳನ ರಹಾಧಿ ಬೋಲಿವತಾಳಸ್.

14 ಜಗತ್‌ನು ಹುಯಿರ್ದಾವಳೊ ದೇವ್ನಿ ಆತ್ಮಾನಿ ವಾತೇನ ಸ್ವೀಕಾರ್ ಕೋಕರಾನಿ; ಯೊ ಅಖ್ವು ಇನ, ಫೈಲಿ ವಾತೆನಿಫೋಣಿ ದೇಖಾವಸ್. ಯೋ ಅದ್ವಿ ಪವಿತ್ರಾತ್ಮನಿ ವಾತೇನ ಸೋಚಾನ ಕೊ ಹುವಾನಿ; ಶನಕತೊ ಯೊ ವಾತೇವ್ ಆತ್ಮಿಕ್ ಪರಕ್ವಾಸ್ ವಿಚಾರ್ ಕರ್ನ್.

15 ಪವಿತ್ರಾತ್ಮನ ಲೀರಾಖವಾಳೊ ತೀರ್ಪ್ ಕರೆಜಾಯ್. ಕತೋಬಿ

ಇನ ಬಿಜು ಕೋಣ್‌ಬಿ ವಿಚಾರ್ ಕರಾನ ಕೋ ಹುವಾನಿ.

16 ಪವಿತ್ರ ದಪ್ತರಮ ಬೋಲಾನಿತರ, “ಪ್ರಭುನ ದಿಲ್ವ ಕೋಣ್ ಮಾಲುಮ್ ಕರಿರಾಖ್ಯುಸ್? ಇನ ಖೂಜ್ ಬೋಲಿ ದಿಶೆ ಕೋಣ್?” ಅಪ್ಪೆತೋಬಿ ಕ್ರಿಸ್ತಯೇಸುನೊ ದಿಲ್ವ ಲೀರಾಖವಾಳ ಹುಯಿರ್ದಾಸ್.

3

ದೇವ್ನು ಸೇವೆಕರಾವಳು

1 ಬೈಯಿ. ಭೇನೆವೊ. ಮೇತೊ ಆತ್ಮಿಕಧಿ ರ್ವಿಯಿತೆ ಇವ್ಣಿಜೋಡೆ ವಾತೆ ಬೋಲುತೆ ತಿಮ್ ತುಮಾರಿಜೋಡ್ಡ ವಾತೆ ನಾಬೋಲ್ವುಧು. ಕ್ರಿಸ್ತನಿ ವಿಶ್ವಾಸ್‌ಮ ಅಡ್ಡಾಣಿ ಲಡ್ಕನಿತರ ಛಾತೆ ತುಮಾರೇಧಿ ಆ ಜಗತ್ತ್ ಬೋಲಾನಿಮತ್ ಮೇ ತುಮಾರೇಧಿ ವಾತೆಬೋಲ್ವು ಪಡ್ತುಧು.

2 ತುಮುನ ದೂದ್ ಪಿಡಾಯೊ ಖಾಣು ದಿದೋಕೊಯ್ಚಿ. ಖಾಣು ಖಾವಾನ ತುಮೆ ಬಿಜೂಬಿ ತಾಖತ್ತಿ ಕೊಹುಯಿರಾಥಾನಿ. ಹಮ್ಮೆಬಿ ತುಮೆ ತಾಖತ್ತಿಕೊಯ್ಚಿ.

3 ಶನಕತೊ ತುಮೆ ಅಜೂಬಿ ಜಗತ್‌ವಾಳ ಹುಯಿರ್ದಾಸ್, ತುಮಾರಮ ಪೇಟೊ ಬಳಾಪೊ ಲಡೈರುಗ್‌ಡೊ ರ್ವಾವಾನಿಫೋಣಿ, ತುಮೆ ಜಗತ್‌ವಾಳ ಹುಯಿರ್ದಾಸ್ ಖಲಿ ಬಿಜಾಅದ್ವಿನಿಮತ್ ಚಾಲಸ್ ಕೊಯ್ಚಿಶು?

4 ತುಮಾರಮ ಏಕ್ಲಣೊ “ಮೇ ಪೌಲಭಣಿನೊಕರಿ ಅಜು ಬಿಜೇಕ್ಲಣೊ ಅಪೊಲ್ಲೋಸನ ಭಣಿನೊ ಕರಿ, ತುಮೆ ಮಹಿ ಆಡಫೇಡ್ ಬೋಲಿನ್ ಜಗತ್ತ್ ಅದ್ವಿನಿತರಸ್ ಚಾಲಿಲ್ಯಾವಾಳ ಹುಯಿರ್ದಾಸ್ ಕೊಯ್ಚಿಶು?

5 ಇಮ್‌ಕತೊ ಅಪೊಲ್ಲೋಸ ಕೋಣ್? ಪೌಲ ಕೋಣ್? ಇವ್ಣಿ ಸೇವಾಧಿ ತುಮೆ ಕ್ರಿಸ್ತಾನ ವಿಶ್ವಾಸ್ ಕರಾನಿ ಫೋಣಿಹುಯು. ಪ್ರಭು ಹರೇಕ್‌ಧಿ ಜ್ಞಾನ ದೆವೈರ್ದಾತೆ ಇನ ಅಪ್ಪೆ ಸೇವೆ ಕರಾವಾಳ ಹುಯಿರ್ದಾಸ್.

6 ಮೇ ಪಂಡುಗಾಡ್ಯೋ. ಅಪೊಲ್ಲೋಸನೆ ಪಾಣಿನಾಖ್ಯೋ. ಕತೋಬಿ ಇನ ಪೋಡಾಯೊತೆ ದೇವ್ನೇಸ್.

7 ಇನ ಖ್ವಾಜೆ ಗಾಡವಾಳು ಹುಯಿರ್ದೆವೊ, ಪಾಣಿ ನಾಖಾವಾಳು ಹುಯಿರ್ದೆವೊ ಮುಖ್ಯಕಾಹೆ. ಮೋಟುಕರಾವಳೊ ದೇವ್ ಎಕ್ವಸ್‌ಜಣೊ. ಮುಖ್ಯ ಹುಯಿರ್ದೆವೊ.

8 ಪಂಡಾನ ಗಾಡವಾಳು ಅಜ್ಜು ಪಾಣಿ ನಾಖಾವಾಳನಿ ಖ್ವಾಜ್ ಎಕ್ವಸ್ ಹುಯಿರ್ದೆವೊ. ಕತೋಬಿ ಹರೇಕ್ ಇವ್ವಿ ಮ್ಹಿನ್‌ತನಿ ಘೋಣಿ ಇವ್ವುನ ಪ್ರತಿಫಲ್ ಮಳಸ್.

9 ಶನಕತೊ ಹಮೆ ದೇವ್‌ಖ್ವಾಜೆ ಜೋಡ್ತಕಾಮ್ ಕರಾವಾಳ. ತುಮೆ ದೇವ್ನು ಖೇತರ್ ಹುಯಿರ್ದೆವೊ. ದೇವ್ನು ಪ್ರಾರ್ಥನೇನಿ ಮಂದಿರ್ ಹುಯಿರ್ದೆವೊ.

10 ದೇವ್ನು ಮನದಿದೋತೆ ವಾರ್‌ಖ್ವಾಜಿ ಪರಕ್ತ ಘರ್ ಭಾಂದಾವಾಳ ಚಾತುರ್ದೆ ಘೋಣಿ ಯೋ ಘರ್‌ನ ಮೆ ಹದಿಪಾಯ ನಾಖ್ಯೊ ಬಿಜುಜಣು ಇನಾಪರ್ ಭಾಂದಸ್. ಕತೋಬಿ ಹರೇಕ್‌ಜಣು ಯೋ ಕಿಮ್ ಭಾಂದು ಕರೂಸ್‌ಕರಿ ಹೊಶಾರ್ಥಿರ್ದೆವೊ ಭಾಂದಾಣು.

11 ಶನಕತೊ ದೇವ್ ಯೇಸುಕ್ರಿಸ್ತನ ತದೇಸ್ ಏಕ್‌ನಿಏಕ್ ಹದಿಪಾಯ ಕರಿ ಬಣೈರಾಖ್ಯೊಸ್. ಅಜ್ಜು ಬಿಜು ಖಿವು ಹದಿಪಾಯನ ನಾಖನ ಕೋಲುಪೇನಿ.

12 ಹದಿಪಾಯಪರ್ ಥೋಡುಜಣು ಖೊನ್ನು ರೂಪು, ಘಣ ಮೋಲ್ವ ಬಂಡಾಡಿ ಭಾಂದಸ್. ಅಜ್ಜು ಥೋಡುಜಣು ಲಾಕ್ವ ಘಾಖ್ವಾಡಿ ಭಾಂದ್ತೊಬಿ,

13 ಆ ಅಖ್ವಾಮ ಶನೇಡಿ ಭಾಂದ್ತೊಬಿ ತದೆ ಹರೇಕ್ ಜಣಾನುಕಾಮ್ ಅಲ್ಪಿನಿತರ ದೆಖಾವಾಶೆ; ಶನಕತೊ ಕ್ರಿಸ್ತ ಆವಾನೊದನ್ ಆಗ್‌ಡಿ ನಿಕ್ಕಿನ್ ಯೋ ಕಾಮ್ನ ಆಲ್ಪಿಂತರ ದೆಖಾಡಾಶೆ. ಅಜ್ಜು ಯೋ ಆಗ್ ಪರ್ವಿನ್ ಇನು ಖ್ವಾಜು ಮೋಲ್ವ ವತಾಳಾಶೆ.

14 ಏಕ್‌ಜಣಾನೆ ಯೋ ತಳಹದಿಪರ್ ಭಾಂದಿಹುಯು ಬಚಿರ್ದೆಯುತೊ ಯೋ ಭಾಂದವಾಳನ ಪ್ರತಿಫಲ್ ಮಳಾಶೆ.

15 ಏಕೆಂದರೆ ಭಾಂದಿಹುಯು ಬಳಿಗಯುತೊ ಇನ ಲುಕ್ಸಾನ್ ಉಷೆ. ರ್ವಯುತೋಬಿ ಆಗ್ಧಿ ಬಚಿಭಾವಳನಿತರ ರಕ್ಷಣೆ ಲೀಲಿಶೆ.

16 ತುಮೆ ದೇವ್ನು ಮಂದಿರ್ ಹುಯಿರ್ಟ್ವಾಸ್ ಕರಿ ದೇವ್ನಿ ಆತ್ಮ ತುಮಾರಮ ಜಿವ್ವುಕರಸ್ಕರಿ ತುಮೂನ ಮಾಲುಮ್ ಕೊಯ್ನಿಕಿಶು?

17 ಕೋಣ್ತೋಬಿ ದೇವ್ನು ಮಂದಿರ್ನ ನಾಶಕರ್ಯ್ತೊ ದೇವ್ ಇನ ನಾಶಕರಾವಾಳೊ ಹುಯಿರ್ಟ್ವಾಸ್. ಶನಕತೊ ದೇವ್ನು ಮಂದಿರ್ ಪರಿಶುದ್ ಹುಯಿರ್ಟ್ವಾಸ್. ಯೊ ಮಂದಿರ್ ತುಮೇಸ್ ಹುಯಿರ್ಟ್ವಾಸ್.

18 ಖೆವೋಬಿ ಏಕೆಂದರೆ ಇನಾಯೋಸ್ ಧೋಕ ನಕೊ ಕರಿಲ್ವಾವದೆ ತುಮಾರಮ ಖಿವುತೋಬಿ ಲೋಕ್ನಿ ಬಾರೇಮ ಅಕ್ಕಿ ಹುಯಿರ್ಹೋಸ್ ಕರಿ ಲ್ವಾಯತೊ ಯೋ ಅಕ್ಕಿಹುವಾನಖ್ವಾಜೆ ಪೆದ್ದೊಹುವಾದೆ.

19 ಶನಕತೊ “ಪವಿತ್ರ ದಪ್ತರಮ ಲೀಖ್ತಿರ್ಟ್ವಾನಿತರ ಆ ಲೋಕ್ನಿ ಅಕ್ಕಲ್ ದೇವ್ನು ಖ್ವಾಪ್ಪೆ ಖ್ವೆಲು ಹುಯಿರ್ಟ್ವಾಸ್. ದೇವ್ ಅಕ್ಕಿನ ಇವ್ವಿ ಹಿಕ್ಮತಿಧೀಸ್ ಖ್ವಿಪ್ಪೆಡೈನಾಖಸ್”.

20 ಶನಕತೊ, “ಅಕ್ಕಿಖ್ವಾರಾನು ಖ್ವಿಜ್ಜ್ ಫಾಯಿದೊಕೊಯ್ನಿ ಕರಿ ಪ್ರಭುನ ಮಾಲುಮ್ ಲ್ವಾ ಕರೀಬಿ ಲೀಖ್ತಿರುಸ್ಸಿ”.

21 ಅನಖ್ವಾಜೇಧಿ ಖಲಿ ಅದ್ಮಿಯೇವ್ನಿ ಬಾರೇಮ ಕೋಣ್ಬಿ ಖ್ವಿರೈಲೇವ್ವುನಾ. ಶನಕತೊ ಖ್ವಾರೂಸ್ ತುಮಾರಖ್ವಾಜೇಸ್ ಲ್ವಾ.

22 ಪಾಲರ್ಟ್ವೊ ಅಪೊಲ್ಲೋಸ ರ್ಟ್ವೊ ಕೇಫನರ್ಟ್ವೊ, ಜಗತ್ತಾರ್ಟ್ವೊ ಜಾನ್ರ್ಟ್ವೊ, ಮರಣಸ್ರ್ಟ್ವೊ, ಹಮ್ಮೆನಿವಾತೆರ್ಟ್ವೊ, ಅಗ್ನಿವಾತೆರ್ಟ್ವೊ ಆ ಖ್ವಾರು ತುಮಾರುಸ್.

23 ಅಜ್ಜು ತುಮೆ ಕ್ರಿಸ್ತವಾಳ ಹುಯಿರ್ಟ್ವಾಸ್ ಕ್ರಿಸ್ತ ದೇವ್ನೊ ಹುಯಿರ್ಟ್ವಾಸ್.

4

ಕ್ರಿಸ್ತನು ಅಪೊಸ್ತಲರ್

1 ಅಪೊ ಕ್ರಿಸ್ತ ಯೇಸುನೊ ಸೇವಕ್ ಕರೀಬಿ ದೇವ್ವೆ ಇನು ಲಪಿರ್ದವಾನು ಖ್ವಾಚ್ಚನ ಅಪ್ಪುನ ದೇಖಿಲ್ಯವಾಳಾಬಿ ಕರೀಬಿ ಗಣ್ಣಿಮಲೆವ್ವು.

2 ಅಮ್ಮ ಸೇವಕ್‌ನ ಇನ ಮಾಲಿಕ್‌ನ ವಿಶ್ವಾಸ್‌ವಾಳ ಹುಯಿನ್ ರ್ವವಾನು ಜರೂರತ್ ಛಾ.

3 ಮಾರಿ ಬಾರೇಮ ಬೋಲಾನಗಯೋತೊ, ತುಮಾರೇಧಿ ರ್ವವೊ ಅದ್ಮಿನು ನಿಯಮ್ಮ ನ್ಯಾವ್‌ನ ಮಂದಿರ್ಮರ್ದವೊ ಮನ ವಿಚಾರ್ ರ್ವಯುತೋಬಿ ಮೇ ಖ್ವಯಾಲ್ಮಲೆವ್‌ಕೊಯ್ನಿ. ಕಾಹೆತೆ ಮಾರುಮೇಸ್ ನ್ಯಾಯತೀರ್ಪ್ ಕೋ ಕರಿಲೇವ್ನಿ.

4 ಮಾರಮ ದೋಷ್ ಛಾಕರಿ ಮಾರ ಮನ್‌ಮ ದೇಖಾವಕೊಯ್ನಿ, ತೋಬಿ ಮೇ ಖ್ವಾಚ್ಚಮಾಬಿ ನಿರ್ದೋಷ್‌ಕರಿ ಸಬೂತ್ ಕರಾನುಕೊಯ್ನಿ. ಮನ ನ್ಯಾವ್ ಫೇಡವಾಳೊ ಪ್ರಭುಸ್.

5 ಅನಖ್ವಾಜೆ ಕಬ್ಲಗು ಪ್ರಭು ಕೊ ಆವಾನಿಕಿ ಯೊ ವಖ್ವತ್‌ನ ಅಗ್ಗಳಸ್ ಶನುಬಾರೇಮಾಬಿ ನ್ಯಾವ್‌ನು ತೀರ್ಪ್ ನಕೊಕರ್ಪು; ಇನೆ ಅಂಧಾರಮಾನು ಲಪಿಹುಯು ಕಾಮ್‌ಖ್ವಾರು ಉಭಾಳಾಮ ಲೀನ್ ಆವಾಶೆ. ಅದ್ಮಿನಿ ದಿಲ್ಲಿಖ್ವಾರಿ ಸೋಚ್ಚ ಭಾರ್ ಕಾಡಾಶೆ. ತದೆ ಹರೇಕ್‌ಜಣಾನ ಆವ್ಣತೆ ಖ್ವರಾವ್ಣಿ ದೇವ್‌ಧೀಸ್ ಮಳಾಶೆ.

6 ಬೈಯೇ ಭೇನೆವೊ, ಮೇ ತುಮಾರಖ್ವಾಜೇಧಿ ಮನಾಬಿ ಅಪೊಲ್ಲೋಸನಾಬಿ ಮತ್ಲಬ್ ಲೀನ್ ಬೋಲಿರಾಖ್ಯೊಸ್ ಅನಖ್ವಾಜೆ ತುಮೆ “ಲೀಖೈರುತೆ ಖ್ವಾರು ನಿಯಮ್ಮ ಮೀರಿನ್ ಚಾಲ್‌ನುಕರಿ ಆ ವಚನ್ನಿ ಮತ್ಲಬ್‌ನ ಹಮಾರೇಧಿ ಶಿಕಿಲಿನ್, ತುಮಾರಮ ಕೋಣ್‌ಬಿ ಏಕ್‌ಜಣಾಭಣಿ ಮಳಿನ್ ಬಿಜೇಕ್‌ಜಣಾನ ಚಿಂಫಾವ್ಣಿ ನಾಕಾಡ್ನು.

7 ತುನ ಬಿಜ ಖ್ವಾರಾಧೀಬಿ ಊಚೊಕರೈಕೊಣ್? ದೇವ್‌ಧಿ ಲಿದೊಕೊಂತೆ ತಾರಾಮ ಏಕ್‌ತೋಬಿ ಛಾಕಿಶು? ಅಮ್ ಅಖ್ವೊಸ್ ದೇವ್‌ಧಿ ಲ್ಯವಾಪರ್ ಲಿದೊಕೊಂತೆ ತಿಮ್ ಖ್ವರಾವ್ಣಿ ಶನಕಾಡಿಲೇಸ್?

8 ತುಮೂನ ಜರೂರ್‌ನು ಅಖ್ವು ಛಾಕರಿ ತುಮೆ ಲಹಿರಾಖ್ಯಸ್ ತುಮಾರುತುಮೆ ಧನ್‌ದೌಲತ್‌ವಾಳ ರಾಜ್‌ವ್ ಕರಿ ಲಹಿರಾಖ್ಯಸ್. ತುಮೆ

ಖ್ವಾಚಮಾಬಿ ಹಮೂನ ಮ್ವೇಲಿನ್ ರಾಜ್‌ಭಾರ್ ಚಲಾಯಹೊತ್ತೊ ಮನ ಖುಷಿ ಹುಯಿರ್ದೊಹೊತ್. ತದೆ ಹಮೆಜಿನು ತುಮಾರ ಜೋಡೆ ಮಳಿನ್ ರಾಜ್‌ಭಾರ್ ಕರೈಹೊತ್.

9 ಇಮ್ ನಾಹುಯಿನ್ ದೇವ್ವೆ ಅಪೊಸ್ತಲರ್ ಹುಯಿರ್ದೊಸ್ತೆ ಅಪ್ಪುನ ಮರಣ್ಣಿ ತೀರ್ಪ್ ಲೀಲ್ಯಾವಳಾನಿತರ ಕಡ್‌ಶೀನೊ ಟಿಪ್ಪೊ ದೀರಾಖೊಸ್‌ಕರಿ ಮನ ದೇಖಾವಸ್. ಅಪ್ಪೆ ಜಗತ್‌ಮ ದೇವ್ ದೂತರ್‌ನಾಬಿ ಅದ್ಮಿನಾಬಿ ಕತೊ ಜಗತ್‌ವಾಳನ ಖ್ವಾಮ್ಜೆಸ್ ಚಿಂಫಾವ್ಣಿ ಕಡೈಲಿದ.

10 ಹಮೆ ಕ್ರಿಸ್ತನಖ್ವಾಜೆ ಖ್ವೈಲು ಹುಯಿರಾಸ್. ಕತೋಬಿ ಕ್ರಿಸ್ತಮ ತುಮೆ ಭಾಖ್ತೆ ಅಕ್ಕಿಕರಿ ಲಹಿರಾಖ್ಸ್. ಹಮೆ ಶಕತ್‌ಕೊಂತೆ ಹುಯಿರಾಸ್. ಕತೋಬಿ ತುಮಾರು ತುಮೇಸ್ ತಾಖ್ತಿಕರಿ ಲಹಿರಾಖ್ಸ್! ಹಮೆ ಚಿಂಫೈಲಿದಹುಯ, ತುಮುನ ಮರ್ಯಾದಿವಾಳ ಹುಯಿರ್ದೊಸ್.

11 ಹಮ್ಲಗೂಬಿ ಹಮೆ ಭುಕ್ಕುಲಿಂಯ್; ಲೋಖ್ವೊಲಾಗ್ಯಹುಯ ಹುಯಿರ್ದೊಸ್; ಫೆರಾನಖ್ವಾಜೆ ಹೋಣುತೆ ಎತ್ತು ಲುಂಗ್ಗು ಕೊಯ್ತಿ; ಕದೆಕದೆ ಮಾರ್ ಖಾವವಾಳ; ಹಮುನ ಘರ್‌ಬಿಕೊಯ್ತಿ.

12 ಶೊಂತ್ ಹಾಧಿ ಮ್ಹಿನ್‌ತಕರಿನ್ ಜಿವೇಸ್. ಹಮುನ ಶಾಪದಿದೂತೆ ಇವ್ವುನ ವಾರ್‌ಖೊ ದಿಯೇಸ್. ಲೋಗ್ ಖ್ವತಾಪ್ಪಿ ದೈವಾನಿ ವಖ್ವೆತೆ ಹಮೆ ಖ್ವಮಾಳಿಲಿಯೇಸ್.

13 ಹಮುನ ಫಾವ್‌ಣ್ಯಕಾಡನಿ ವಖ್ವೆತೆ ಗೋರ್‌ಥಿ ಜವಾಬ್ ದಿಶು. ಆ ಜಗತ್ತಿ ರ್ಹಿಟಾರ್‌ಥಿ ಮೋಟ ಶಾಪ್ಪಿ ಕಾಹೆ. ಹಮೆ ಹಮ್ಲಗೂಬಿ ಜಗತ್‌ಮ ಜಮೀನ್ ಕಫ್ಲಾನಿತರಸ್ ಲಿಂಯ್.

14 ತುಮೂನ ಖ್ವರಮ್ ಕಾಡನಖ್ವಾಜೆ ಲೀಖೊಕೊಯ್ತಿ. ಮಾರ ಪ್ಯಾರ್‌ನ ಲಡ್ಕಾನಿಫೊಣಿ ಸೋಚಿನ್ ತುಮೂನ ಅಕ್ಕಲ್ ಬೋಲಾನ ಖ್ವಾಜೇಸ್ ಆ ವಾತೆಖ್ವಾರಿ ಲೀಖಿರಾಖೊಸ್.

15 ತುಮೂನ ಕ್ರಿಸ್ತಮ ಬೋಧನೆ ಕರಾವಾಳು ದಖ್ವೆ ಹಜಾರ್

ಜಞು ರ್ವಯುತೋಬಿ ಬಾಕರಿ ಬೋಲೈಲ್ಯಾವಾಳೊ ಎಕ್ಕ್‌ಸ್ ಜಣೊ. ಕ್ರಿಸ್ತ ಯೇಸುಮ ಸುವಾರ್ತೆಥಿ ತುಮುನ ಲೀಲಿದೋತೆ ಬಾ ಮೇಸ್ ಹುಯಿರರ್ವೊಸ್.

16 ಅನಖ್ವಾಜೆ ಮಾರಿನಿಫೋಣಿಸ್ ರ್ವೆವ್ವುಕರಿ ಮೇ ತುಮುನ ಗಿಂಗೈಲೆವುಸ್.

17 ಆ ಕಾರಣ್‌ಥಿ ಪ್ರಭುಮ ಮಾರ ಪ್ಯಾರ್‌ನೊ ಅಜ್ಜು ವಿಶ್ವಾಸ್‌ನೊ ಛಿಯೊ ಹುಯಿರರ್ವಾವಾಳೊ ತಿಮೊಥೆನ ತುಮಾರಕನ ಮೋಕ್ಲಿರಾಖ್ಯೊಸ್. ಯೊ ತುಮುನ ಕ್ರಿಸ್ತಯೇಸುಮ ಮಳಿರರ್ವಾಮ ನವ ಜಿವ್ವಮ ಅಜ್ಜು ಅಖ್ವೀಸ್ ಬಾಜೂಮ ಮೇ ಹರೇಕ್ ಸಬೆಮಾಬಿ ಶಿಕಾಡನು ಚಾಲ್‌ಚಲಣ್ ಯೋ ತುಮಾರ ಖ್ವಿಯಾಲ್ಮಲೀನ್ ಆವ್‌ಶೆ.

18 ಅಜ್ಜು ಮೇ ತುಮಾರಕನ ಕೊ ಆಯಿಶ್ಚಿಕರಿ ಲಹಿನ್ ಥೋಡುಜಞು ಹಂಕಾರಿಹುಯಿನ್ ಚಾಲುಕರಾಸ್.

19 ಕತೋಬಿ ಪ್ರಭುನಿ ಮರ್ಜಿಹುಯುತೆ ಮೇ ಒಗ್ಗಿಸ್‌ಮ ಐನ್ ಅಜ್ಜು ತದೆ ಯೊ ಹಂಕಾರಿಥಿ ಭರೈರರ್ವವಳನಿ ವಾತೇಸ್ ಖಲಿ ಕಾಹೆ ಮೇಸ್ ಇವ್ವಿ ಶಕತ್‌ನಾಬಿ ಮಾಲುಮ್‌ಕರೀಷ್.

20 ದೇವ್ನಿ ರಾಜ್ಯ ಖಲಿ ವಾತೇಮ ಕಾಹೆ ಶಕತ್‌ಮಾಬಿ ಭರೈರರ್ವ್.

21 ತುಮೆ ಶಾತ್ ಪಸಂದ್ ಕರಾಸ್? ಮೇ ಲಾಕ್ಡು ಲೀನ್ ತುಮಾರಕನ ಆವ್ವುಕಿ? ಪ್ಯಾರ್‌ಥೀಬಿ ಶಾನ್‌ಧಾನ್ ಆತ್ಮಥೀಬಿ ಭರೈನ್ ಆವ್ವುಕಿಶು?

5

ಸಬೆಮ ವ್ಯಬಿಚಾರ್ ತಕಲೀಬ್

1 ತುಮಾರಮ ವ್ಯಬಿಚಾರ್ ಛಾಕರಿ ಖಬರ್‌ನ ಮೇ ಖ್ವಿಮ್‌ಜ್ಯೊ ಏಕ್‌ಜಣೊ ಇನ ಬಾನಿ ಬಾವಣ್ಣಾಸ್ ರಾಖಿಲಿದೋಕಸ್. ಅಧ್ರಾನು ವ್ಯಬಿಚಾರಿ ಅಲಕ್ ಅದ್ಮಿಮಾಬಿ ಅಧ್ರಾನು ವ್ಯಬಿಚಾರ್ ಕಾಮ್ ಕೊದೆಖಾವನಿ.

2 ಕತೋಬಿ ತುಮೆ ಊಚ್‌ಹುವಾನ ದೇಖುಕರಸ್. ಕಿಮ್ ರ್ವಯುತೋಬಿ ತುಮೆ ದುಖ್ ಕೋ ಕರ್ರಾನಿತೆ, ಆ ಕಾಮ್ ಕರವಾಳನ ತುಮಾರಮಾಥು ಭಾರ್ ಕಾಡಾನ ಕೊ ಹೊಯ್ವಿಶು?

3 ಮೇತೊ ಶರೀರ್‌ನಿ ಪರಕ್ಕ ತುಮಾರೇಥಿ ದೂರ್ ರ್ವಯುತೋಬಿ ಆತ್ಮಿಕ್ ಪರಕ್ಕ ಖನ್ನೆ ಲ್ಲೊ. ಮೇ ತುಮಾರಿ ಜೋಡ್ ರ್ವವಾನಿ ಪರಕ್ಕಾಸ್ ಆ ಅಧ್ರಾನು ಕಚಿಂಡ್ ಕಾಮ್ ಕರವಾಳನಿ ಬಾರೇಮ ತದೇಸ್ ಇನ ಶಾತ್‌ಕರ್ನ್ವಕರಿ ತೀರ್ಮಾನ್ ಕರಿರಾಖ್ಲೊಸ್.

4 ತುಮೆ ಎಕ್ವಹುಯಿನ್ ಅವಾನಿತರ ಮೇಬಿ ತುಮಾರಿ ಜೋಡೆ ಮಾರ ಆತ್ಮಿಕ್ ರೂಪ್‌ಮ ಅಪ್ಲೊ ಪ್ರಭು ಯೇಸುನ ನಾಮ್‌ಥಿ ಹಮಾರ ಜೋಡೆ ರ್ವವಾನಿಘೋಣಿನಿ ತಾಖತ್ತಿ ತುಮಾರಿ ಜೋಡ್ ಎಕ್ವ ಹುಯಿರ್ದೊಸ್.

5 ಅಜ್ಜು ಯೋ ಅದ್ವಿನು ಶರೀರ್ನ್ವ ಸ್ವಭಾವ್ ನಾಶ್ ಹುವಾನಖ್ವಾಜೆ ಇನ ಶೈತಾನ್ವ ಹಾತ್ಮಖ್ವಪ್‌ಡಾವೊ ಶನಕತೊ ಪ್ರಭು ಯೇಸುನ ದನ್ಮ ಇನು ಆತ್ಮ ಬಿಚಾವನಖ್ವಾಜೆ ಅಮ್‌ಕರ್ನ್ವ.

6 ತುಮಾರು ಹಂಕಾರ್ ಕರಾನು ಅಲ್ಪುಕಾಹೆ; ದರಾಖ್ವು ಶೋಡ ಘುಂದಾಸ್ತೆ ಆಟಾನ ಫುಲಾವಸ್‌ಕರಿ ಬೋಲಾನು ತುಮೂನ ಮಾಲುಮ್ ಕೊಯ್ತಿಕಿ ಶು?

7 ತುಮೆ ಭರ್‌ಪೂರ್‌ಥಿ ಪಾಕ್ ಹುವಾನಖ್ವಾಜೆ ಪಾಪ್ಪು ಜೂನು ಶೋಡಾನ ಕಾಡಿನಾಕ್ವು ತದೆ ತುಮೆ ಖಿವೂಬಿ ಶೋಡ ನಾಖ್ಯಹುಯ ಕೊಂತೆ ನವೊ ಆಟೊ ಹುಯಿರ್ದೊಸ್. ಶನಕತೊ ತದೇಸ್ ಅಪ್ಲೊ ಪಸ್ಕ ಬಾಳಾನಿಬಲಿ ಹುಯಿರ್ದೊಸ್ ಯೋ ಮೆಂಥಾನು ಚೆಲ್ಕು ಕ್ರಿಸ್ತಸ್ ಶಿಲ್‌ಬೆನಪರ್ ಬಲಿಹುಯೊ.

8 ಇನಖ್ವಾಜೆ ಅಪ್ಲೆ ಖರಾಬ್ ಫನ್ಯೆ ಖರಾಬ್‌ಚಾಲ್‌ಕರಿ ಬೋಲಾನು ಖಾಟಾಆಟಾನ ರ್ವಿಟ್‌ಕಾರಿದಿಯೆ, ಪರಿಶುದ್ ಅಜ್ಜು ಖ್ವಾಚುಕರಿ ಬೋಲಾನು ಖಾಟುಕೊಂತೆ ನವರೋಟಾನ ಖೈನ್ ಪೂಜ್ ಕರಯೇ.

9 ಮೇ ತುಮೂನ ಚಿಟ್ಟಿ ಲೀಖ್ಲೋತೆ ಚಿಟ್ಟೇಮ ವ್ಯಬಿಚಾರಿನೊ ಖ್ವಿಂಗ್ ನಾ ಕರ್ನುಕರಿ ಲೀಖಿರಾಖ್ಲೊಸ್.

10 ಕತೋಬಿ ಆ ಜಗತ್‌ಮಾನು ವ್ಯಬಿಚಾರಿ ಆಖ್ವಾಭರ್ನ್ವ ಛಿನ್ನೈಲ್ವಾಳು, ಮೂರತ್ವ ಪೂಜ್‌ಕರವಾಳು ಹುಯಿರಾತೆ ಎಧ್ರಾನವಾಳನ ಖ್ವಿಂಗ್ ಮ್ಹೇಲಿದೇವ್ವಕರಿ ಕಾಹೆ. ಇಮ್ ಮ್ಹೇಲ್‌ನುಕತೊ ತುಮೆ ಆ

ಜಗತ್‌ನಾಸ್ ಮೈಲಿಜಾವ್ಣು ಪಡ್‌ಶೆ.

11 ಕತೋಬಿ ಕ್ರಿಸ್ತಮ ವಿಶ್ವಾಸ್ತು ಭೈ ಭೇನೆಕರಿ ಬೋಲಿಲ್ಯವಳೊ ವ್ಯಬಿಚಾರ್ ಕರಾವಳೊ, ಲಾಲಚ್, ಮೂರತ್ನ ಪೂಜಕರವಳೊ, ಲಡೈಕರವಳೊ, ಗಾಳಿ ದ್ಯವಳೊ, ಪೀಯ್ಯವಳೊ, ಛಿನ್ನೈಲ್ಯವಳೊ ಹುಯಿರ್ಲ್ವಾನಿ ಪರಕ್ತ ಇನ ಖ್ವಿಂಗೆ ನಾಕರ್ನ್. ಎಥಾನ ಜೋಡ್ಡ್ ಖಾಣುಬಿ ನಾ ಖಾವ್ಣು.

12 ಸಭೆನ ಭಾರ್ ರ್ವವವಳಾನ ತೀರ್ಪ್ ಕರಾನ ಮನ ಶನಿ ಅಧಿಕಾರ್ ಛಾ. ಮಹಿವಳನ ತೀರ್ಪ್ ಕರವಳೋಬಿ ತುಮೇಸ್‌ನಿ?

13 ಭಾರ್ ರ್ವವಳನ ತೀರ್ಪ್ ಕರಾವಳೊ ದೇವಸ್. ತುಮಾರ ಬೀಚ್ಕ್ ರ್ವವಳ ಯೋ ಖರಾಬ್ ಅದ್ವಿನ ಭಾರ್ ಕಾಡಿನಾಖೊ.

6

ಖ್ವಿಂಗೆನ ವಿಶ್ವಾಸಿಯೊಮ ಅಬ್ಬಾಜಬ್ಬಿ

1 ತುಮಾರಮ ಏಕ್‌ಜ್ಜಣಾನ ಬಿಜೇಕ್ ಜ್ಜಣಾಪರ್ ಶನುತೋಬಿ ವಿರೋದ್‌ರ್ವಯುತೊ ನ್ಯಾವ್‌ನ ವಿಚಾರ್ನ್ ದೇವ್ ಅದ್ವಿವೋಕನ ಲೀನ್‌ಗಯುಕೊಂತೆ, ದೇವ್ ವಿಶ್ವಾಸ್‌ಕೊಂತೆ ಅದ್ವಿನಖ್ವಾಪ್ಪೆ ಲೀನ್ ಜ್ಜಾವೋಸ್ತಿ ಶು?

2 ದೇವ್ನ ಅದ್ವಿಖ್ವಾರು ಜಗತ್ತ್ ತೀರ್ಪ್‌ಕರ್‌ಶೆಕರಿ ಬೋಲಾನು ತುಮೂನ ಮಾಲುಮ್ ಕೊಯ್ತಿಕಿಶು? ಜಗತ್ತಸ್ ತುಮಾರೇಥಿ ತೀರ್ಪ್‌ಲ್ಯವಾನು ಹುಯಿರ್ಲ್ವತೊ ಅಥಾನಿ ದರಾಶಿ ವಾತೆನಿ ಬಾರೇಮ ತುಮೆ ತೀರ್ಪ್‌ಕರಾನ ಯೋಗ್ಯ ಕೊಯ್ತಿಕಿ ಶು?

3 ಅಗ್‌ಲ್ಯ ದನ್ಮ ಅಪ್ಪೆ ದೇವ್ ದೂತರ್‌ನಾಬಿ ನ್ಯಾವ್ ಫೇಡಾವ್‌ಶುಕರಿ ಬೋಲಾನು ತುಮೂನ ಮಾಲುಮ್ ಕೊಯ್ತಿಕಿಶು? ಅಮ್‌ರ್ವಾಪರ್ ಆ ಜಗತ್ತಿ ಜೀವಿತ್‌ನ ಬಾರೇಮಾಬಿ ಕೆತ್ತೇಕ್ಕಿ ಮಹಾನ್ ಕಾಹೆಕಿಶು?

4 ಅಮ್‌ರ್ವಾಪರ್, ತುಮಾರಮ ಕಚ್ಚರ್ ರ್ವ್ವಿನ್ ಇನ ನ್ಯಾವ್‌ಕರಾನು ಭರೂರತ್ ರ್ವವಾನಿವಖ್ತೆ ಸಬೆಮ ಖ್ವಾಯಿಕೊಂತೆ ಅದ್ವಿಕನ ಆ ಖ್ವಾರಿವಾತೆನಿ ಲೀನ್ ಶನಜ್ಜಾವೋಸ್?

5 ತುಮೂನ ಖ್ವರಮ್‌ಕಾಡಾನ ಟೇಕೆ ಮೆ ಅಮ್ ಬೋಲುಸ್ಕಿ, ವಿಶ್ವಾಸಿ ಭೈಯೇನ ಇಚ್ಛೆಮ ನ್ಯಾವ್‌ನ ಪರ್ವಿಲ್ಯವಾಳು ಅಕ್ಕಿ ತುಮಾರಮ ಏಕ್‌ಜಣೂಬಿ ಛಾಕಿಶು?

6 ಕತೋಬಿ ಇನ ಬದಲ್‌ಥಿ ಏಕ್ ವಿಶ್ವಾಸಿ ಬಿಜೇಕ್ ವಿಶ್ವಾಸಿನ ವಿರೋದ್ ನ್ಯಾವ್‌ನಿ ಕಛೇರಿನ ಜಾವನು ಕಾಹೆತೆ ಇನ ಬಿಣ್‌ವಿಶ್ವಾಸಿನ ಖ್ವಾಪ್ಪೆ ಲೀನ್ ಜಾವಾನು ಬರೋಬರ್‌ಕಿಶುಲಾ!

7 ಖ್ವಾಚಮಾಬಿ ತುಮಾರಮ ಛಾತೆ ಖೋಟ್ಟು ವಿವಾದ್ ರೈಯುತೊ ತುಮೆ ಹರಿಗಾಕರಿ ಅಸ್ ಖ್ವಣೇದ್ ಹುಯಿರ್ಲ್ವಸ್. ಇನೇಥಿಬಿ ಶನ ಗಲ್ಲಿನ ಖ್ವಮಾಳುಣು ನಾ? ರಗಾವಮ ಶನ ಖ್ವಮಾಳುಣು ನಾ?

8 ಕತೋಬಿ ತುಮೆ ತುಮಾರ ವಿಶ್ವಾಸಿ ಭೇನೆ ಭೈಯೇವ್ವ ಗಲತ್ ಕರಿರಾಖ್ಯಾಸ್ ಅಜು ರಗೈರಾಖ್ಯಾಸ್.

9 ಅನೀತಿಥಿ ಚಾಲವಾಳು ದೇವ್ನಿ ರಾಜ್ಯನ ಖ್ವಾಯಿಕ್ಕೊಯ್ನಿ ಕರಿ ತುಮೂನ ಮಾಲುಮ್ ಕೊಯ್ನಿಕ್ ಶು? ಮಂಕ್ ನಕೊಹುವೊ: ವ್ಯಬಿಚಾರಿಖ್ವಾರು, ಮೂರತ್ನ ಆರಾದನೆ ಕರವಾಳು, ಪಾಪೇಲು, ಪರ್ವ್ವಾನಿಜೋಡ್ಡ ಭೋಗ್ ಕರವಾಳು,

10 ಚೋರಿಕರಾವಳು, ನಿಕ್‌ಚ್ಯಾಜಾನ್‌ವಾಳು, ಪಿಯ್ಯಾವಾಳು, ಝೂಟಿ ಖಬರ್ ಪೈಲಾವವಾಳು, ಬಿಜಾನು ಖೋತಿಲ್ಯವಾಳು, ಅವ್ವಾಮ ಏಕ್‌ಜಣೂಬಿ ದೇವ್ನಿ ರಾಜ್ಯನ ಖ್ವಾಯ್ ಕೊಲುಪೇನಿ.

11 ತುಮಾರಮ ಕೈಯೇಕ್‌ಜಣು ಇಮ್ಮಸ್ ಹುಯಿರ್ಲ್ವಧು. ಕತೋಬಿ ತುಮೆ ಪ್ರಭು ಹುಯಿರೋತೆ ಯೇಸುಕ್ರಿಸ್ತನ ನಾಮ್‌ಥಿಬಿ ಅಜು ಅಪ್ಪ ದೇವ್ನಿ ಆತ್ಮಥಿಬಿ ಧೊವೈನ್ ಶುದ್ಧಹುಯಿರ್ಲ್ವಸ್. ದೇವ್‌ಥಿ ನೀತಿವಾಳಕರಿ ಚೂಣೈರಲ್ವಾಸ್.

ತುಮಾರಿ ಶರೀರ್‌ಥಿ ದೇವ್ನಿ ಮಹಿಮೆ

12 ತುಮಾರ ಕೋಣ್‌ಬಿ ಬೋಲೆಜಾಯ್, “ಖ್ವಾರಕಾಮ್ ಕರಾನ ಮನ ಹಕ್ ಛಾ”. ಕತೋಬಿ ಯೋ ಖ್ವಾರು ಫಾಯಿದೊಕಾಹೆ. ಕತೋಬಿ ಅಖ್ವಾನಾಬಿ ಕರಾನ ಮನ ಹುಕುಮ್‌ಛಾ ಕತೋಬಿ ಮೆ ಖೆವಾನಬಿ ಚಪ್ಪಣ್‌ಮ ಕೊಯ್ನಿ.

13 ಖಾಣು ಅಖ್ಲು ಪೇಟ್ಟುಖ್ವಾಜೇಸ್. ಪೇಟ್ ಖಾಣನ ಖ್ವಾಜೇಸ್ ಲ್ಲಾ.” ಕರಿ ಬೋಲೆಜಾಯ್ ಯೋ ಖ್ವಾಜಾಸ್. ಆ ಭೇನ ಪೂರ ಕರಾವಾಳೊ ದೇವಸ್. ಶರೀರ್‌ಲ್ಲಾತೆ ವ್ಯಬಿಚಾರ್ ಕರಾನಖ್ವಾಜೆ ಕಾಹೆ ಪ್ರಭುನ ಸೇವೆ ಕರಾನಖ್ವಾಜೆಸ್. ಪ್ರಭು ಶರೀರ್‌ನಖ್ವಾಜೆ ಲ್ಲಾ.

14 ದೇವ್ ಪ್ರಭುನ ಇನ ಶಕಥಿ ಮರ್ಯಮಾಥು ಜಿವ್ತೊಲುಲ್ಯಾಡ್ಲ್ಯೊ ಇಮ್ಮಸ್ ಅಪ್ಪುನಾಬಿ ಇನು ತಾಖತ್ತಿ ಉರಾಡ್‌ಶೆ.

15 ತುಮಾರು ಶರೀರ್ ಕ್ರಿಸ್ತನು ಭಾಗ್‌ಖ್ವಾರು ಹುಯಿರಲ್ವಾಸ್‌ಕರಿ ತುಮೂನ ಮಾಲುಮ್ ಕೊಯ್ನಿಕಿ ಶು? ಅಮ್‌ರಲ್ವಾಪರ್ ಕ್ರಿಸ್ತಾನ ಭಾಗ್‌ಖ್ವಾರನ ಲೀನ್ ವ್ಯಬಿಚಾರಿಣಿನ ಭಾಗ್‌ನಿಜೋಡ್ ಮಳಾವನು ಬರಬರ್‌ಕಿ ಶು? ಕದೇಬಿ ನಾ ಕರಲ್ವ.

16 ವ್ಯಬಿಚಾರಿಣಿನ ಮಳೆಹುಯೊ ಇನಿಜೋಡ್ಲ್ಯಾ ಎಕ್ಕ್‌ಸ್ ಶರೀರ್ ಹುಯಿರಲ್ವಾಸ್‌ಕರಿ ತುಮೂನ ಮಾಲುಮ್ ಕೊಯ್ನಿಕಿ? “ಯೊ ಬೇಜ್ಜಣ ಎಕ್ಕ್‌ಸ್ ಶರೀರ್ ಹುಯಿರಲ್ವಾಸ್‌ಕರಿ ಪವಿತ್ರ ದಪ್ತರ್ ಬೋಲಸ್ಸಿ”.

17 ಕತೋಬಿ ಪ್ರಭುನೆ ಖ್ಲಿಂಗ್ ರಾಖವಾಳೊ ಆತ್ಮಮ ಪ್ರಭುನ ಜೋಡೆ ಏಕ್ ಹುಯಿರಲ್ವಾಸ್.

18 ವ್ಯಬಿಚಾರ್‌ನ ಮ್ಹೇಲಿನ್ ದೂರ್ ಮಿಲೈಜಾವೊ. ಅದ್ತಿಖ್ವಾರು ಕರಾನು ಅಖ್ವಾಸ್ ಪಾಪ್ನು ಕಾಮ್‌ಖ್ವಾರು ಶರೀರ್‌ನ ಭಾರ್ ಹುಯಿರುಸ್. ಕತೋಬಿ ವ್ಯಬಿಚಾರ್ ಪಾಪ್‌ಕರವಾಳೊ ಏಕ್‌ಜಣೊ ಇನು ಶೊಂತ್ ಶರೀರ್‌ನು ವಿರೋದ್ ಪಾಪ್ ಕರಾವಾಳೊ ಹುಯಿರಲ್ವಾಸ್.

19 ತುಮಾರು ಶರೀರ್ ಪವಿತ್ರಾತ್ಮನ ಮಂದಿರ್ ಹುಯಿರಲ್ವಾಸ್‌ಕರಿ ಬೋಲಾನು ತುಮೂನ ಮಾಲುಮ್ ಕಿಶು? ಯೋಸ್ ಆತ್ಮ ತುಮಾರಮ ಲ್ಲಾಕರಿ ಮಾಲುಮ್ ಕೊಯ್ನಿಕಿಶು? ತುಮೆ ದೇವ್‌ಥಿ ಇನ ಲೀಲಿದ. ತುಮೆ ತುಮಾರು ಶೊಂತ್ ಕಾಹೆ.

20 ತುಮೆ ದೇವ್‌ಥಿ ಮೋಲ್ ಲೆವಾಯಹುಯ ಇನಖ್ವಾಜೆ ತುಮಾರ ಶರೀರ್‌ಖ್ವಾರಥಿ ದೇವ್ ಮಹಿಮೆ ಕರೊ.

7

ವ್ಯಹಾನಿ ವಾತೆನಿ ಬಾರೇಮ

1 ತುಮೆ ಲೀಖಿನ್ ಮೋಕ್ಲೊತೆ ವಾತೆನಿ ಬಾರೇಮ ಮೇ ಬೋಲ್ಪುಕತೊ, ತಯೇಡಾನಿ ಶರೀರ್‌ನ ನಾ ಛಿಮಾನುಸ್ ಅದ್ವಿನ ಅಲ್ಪು.

2 ಕತೋಬಿ ವ್ಯಬಿಚಾರ್ ಚಾಲುಕರಾತೆಖ್ವಾಜೆ ಹರೇಕ್ ಜಞನಾಬಿ ಶೊಂತ್ ಬಾವಣ್ ರ್ವಾದೆ ಅಜು ಹರೇಕ್‌ಜಞಿನಾಬಿ ಶೊಂತ್ ಬಾವಿ ರ್ವಾದೆ.

3 ಬಾವಿ ಯೋ ಕರ್ನುತೆ ಕಾಮ್ ಕರಾದೆ, ಅಜು ಇಮ್ಮಸ್ ಬಾವಣ್ ಯೋ ಕರ್ನುತೆ ಕಾಮ್ ಕರಾದೆ. ಭೇಜಣಾಬಿ ವೆತ್ಯು ಜಿವ್ವಮ ಏಕ್‌ಥಿಏಕ್ ಜರೂರತೆನ ಪೂರಕರಿನ್ ಥಕ್‌ತೋಡ್.

ವ್ಯಹಾಕೊಂತೆ ಅಜು ಮುಂಡಚ್ಚಿಯೆನಿ ಬಾರೇಮ

4 ಬಾವಣ್ಣ ಇನಿ ಶೊಂತ್ ಶರೀರ್‌ಪರ್ ಅಧಿಕಾರ್ ಕೊಯ್ಚಿ ಯೊ ಬಾವಿನ ಲ್ಹಾ. ಇಮ್ಮಸ್ ಪರ್ಖ್ವಾ ಇನ ಶೊಂತ್ ಶರೀರ್‌ಪರ್ ಅಧಿಕಾರ್ ಕೊಯ್ಚಿ ಯೊ ಬಾವಣ್ಣ ಲ್ಹಾ.

5 ಪ್ರಾರ್ಥನೇನಿ ವಖ್ವತ್‌ನಖ್ವಾಜೆ ತುಮೆ ಏಕ್‌ಥಿಏಕ್ ಒಪ್ಪಂದಾನ್‌ಥಿ ಥೋಡಿ ವಖ್ವತ್ ಮ್ಹೇಲಿನ್ ರ್ವಯೇಜಾಯ್ ಪಣ್ಣಿ ಅಮ್ಮಿತರ ನಾ ಕರ್ನ್. ಶೈತಾನ್ ತುಮಾರಿ ಕಮ್‌ಜೋರಿನ ದೇಖಿನ್ ತುಮೂನ ಖರಾಬ್‌ಖ್ವಯಾಲ್‌ಮ ನಾ ಖೇಚಾನಿತರ ಪಾಳ್ಳು ಎಕ್ಚು ಹುಯಿಜಾವೊ.

6 ಮೇ ಅಮ್ ಕರೇಜಾಯ್‌ಕರಿ ಬೋಲುಕರುತೆ ಹುಕುಮ್ ಕಾಹೆ. ಮಾರಿ ಖಲಿ ಖ್ವಾಜ್ ಹುಯಿರ್ಲೆಸ್.

7 ಮೇ ರ್ವವಾನಿತರ ಅಖ್ವಾಸ್ ಅದ್ವಿಖ್ವಾರು ರ್ವೇವ್ವುಕರಿ ಮಾರಿ ಆಖ್ವ್ ಕತೋಬಿ ದೇವ್ನೆ ಹರೇಕ್‌ನಾಬಿ ವಿಶೇಷ್ ವರ ಮಳಿರ್ಲೆಸ್. ಏಕ್‌ಜಞಾನ ಏಕ್‌ಪರಕ್‌ನಿ ವರ ರ್ವಯೂತೊ ಬಿಜೇಕ್‌ನ ಏಕ್‌ಪರಕ್ಚು ವರ ಹುಯಿರ್ಲೆಸ್.

8 ಬಿಣ್ ವ್ಯಹಾಕಾಳು ಅಜ್ಜು ಮುಂಡಚ್ಚಿಯೇನಿ ಬಾರೇಮ ಮೇ ಬೋಲಾನು ಶಾತ್‌ಕತೊ, ಮೇ ರ್ವವಾನಿಫೋಣಿ ಎಕ್ಲೊ ರ್ವವಾನುಸ್ ಇವ್ವುನ ಅಱ್ಫು.

9 ಇವ್ವೆ ಖ್ವಮಾಳಿನ್ ನಾರ್ವಯುತೊ, ವ್ಯಹಾಕರಾದೆ. ಶನಕತೊ ಭೋಗ್ನಿಹರಖ್ವಿಧಿ ಕೊರ್‌ಗಾಥೀಬಿ ವ್ಯಹಾ ಕರಿಲ್ಯಾವನುಸ್ ಬರೋಬರ್.

10 ವ್ಹೆತ್ಯಾವ್ವ ಮೇ ಆ ಹುಕುಮ್ ದೆವುಸ್. ಆ ಹುಕುಮ್ ಮಾರುಕಾಹೆತೆ ಪ್ರಭುನು ಹುಯಿರಲ್ವೊಸ್. ಬಾವಣ್ ಇನ ಬಾವ್ರಿನ ಮ್ಹೇಲ್ವುಸ್ ನಾ.

11 ಬಾವಣ್ ಇನ ಬಾವ್ರಿನ ಮ್ಹೇಲಿದಿದಿತೊ ಯೊ ಹುಯಿರೀತೆ ಅಜೇಕ್ ವ್ಯಹಾ ನಾಕರ್ವ್. ನಾರ್ವಯುತೊ ಬಾವ್ರಿನ ಜೋಡ್ ಪಾಱು ಮಳಿಜಾವ್ವು ಅಜ್ಜು ಬಾವ್ರಿ ಇನಿ ಬಾವಣ್ ನಾ ಮ್ಹೇಲ್ವು.

12 ಬಿಜ್ಜುಖ್ವಾರು ಅದ್ಮಿಖ್ವಾರಾನ ಬಾರೇಮ ಮೇ ಬೋಲಾನು ಶಾತ್‌ಕತೊ ಆ ಖ್ವಾರಿ ವಾತೇನ ಬೋಲುಕರುತೆ ಮೇಸ್ ಪಣ್ಣಿ ಪ್ರಭುಕಾಹೆ. ಕ್ರಿಸ್ತಮ ಭೈನ ಏಕ್‌ಭಣಿ ಕ್ರಿಸ್ತ ವಿಶ್ವಾಸ್‌ಕೊಂತೆ ಬಾವಣ್ ರ್ವಯುತೊ ಅಜ್ಜು ಯೋ ಇನಿ ಜೋಡ್ ಸಂಸಾರ್ ಕರೀನ್ ಜಿವ್ವುಕರಾನ ಮಾನಿಲಿದಿತೊ ಯೋ ಪರ್ಖೊ ಇನ ನಾ ಮ್ಹೇಲ್ವು.

13 ಇಮ್ವುಸ್ ಏಕ್ ತಯೇಡನ ಕ್ರಿಸ್ತಮ ವಿಶ್ವಾಸ್‌ಕೊಂತೆ ಬಾವ್ರಿರ್ಟೀನ್ ಯೋ ಇನಜೋಡೆ ಸಂಸಾರ್ ಕರಾನ ಮಾನಿಲಿದಿತೊ ಯೊ ತಯೇಡ ಇನ ನಾ ಮ್ಹೇಲ್ವು.

14 ಶನಕತೊ ಕ್ರಿಸ್ತಮ ವಿಶ್ವಾಸ್‌ಕೊಂತೆ ಬಾವ್ರಿ ಇನಿ ಬಾವಣ್ ಖ್ವಾಜೇಧಿ ಸಮರ್ಪಣ್ ಹುವಾನಿಫೋಣಿ ಹುಯೊ. ಇಮ್ವುಸ್ ಪರಕ್ವಿಶ್ವಾಸ್‌ಕೊಂತೆ ಬಾವಣ್ ಇನ ಬಾವ್ರಿನಖ್ವಾಜೇಧಿ ಸಮರ್ಪಣ್ ಹುವಾನಿಫೋಣಿ ಹುಯಿ. ಇಮ್ ನಾ ರ್ವಯುಹೊತ್ತೊ ತುಮಾರ ಲಡ್ವಿಖ್ವಾರು ಅಪವಿತ್ರಸ್ ಹುಯಿರಲ್ವೊಹೆತ್. ಕತೋಬಿ ಇವ್ವೆ ಪವಿತ್ರ ಹುಯಿರಲ್ವೊಸ್.

15 ಕತೋಬಿ ಕ್ರಿಸ್ತ ವಿಶ್ವಾಸ್‌ಕೊಂತೆ ಏಕ್‌ಭಣು ಮ್ಹೇಲಿನ್ ಜಾವ್ವುಕರಿ ನಿರ್ಧಾರ್ ಕರಲ್ವೊತೊ ಯೊ ಪರ್ಖೊ ಮ್ಹೇಲಿನ್ ಭವಾದೆ. ಅಮ್ವಿ ಪರಕ್ ಚಾಲ್ಯುತೊ ಕ್ರಿಸ್ತಮ ಭೈನ ರ್ವವೊ, ನತರ್ ಭೇನ್ ರ್ವವೊ ಜಿಮ್ವೆದಾರಿ

ಕಾಹೆ. ಸಮಾಧಾನ್‌ಮ ರ್ವೇವ್ವಕ್ಕರಿ ದೇವ್ವೆ ಅಪ್ಪುನ ಬುಲೈರಾಖ್ಯೊಸ್.

16 ಅಲಿ ವಿಶ್ವಾಸಿ ಬಾವಣ್ ತೂ ತಾರ ಬಾವಿನ ಬಚ್ಚಾಡಿಲಿಶ್‌ಕರಿ ತುನ ಕಿಮ್ ಮಾಲುಮ್? ಅಲ ವಿಶ್ವಾಸಿ ಬಾವಿ, ತೂ ತಾರಿ ಬಾವಣ್ ಬಚ್ಚಾಡಿಲಿಶ್‌ಕರಿ ತುನ ಕಿಮ್ ಮಾಲುಮ್?

ದೇವ್ವು ಬುಲಾವತೆ ತಿಮ್ ಚಾಲೊ

17 ಕತೋಬಿ ಹರೇಕ್‌ಚ್ಚಣಾನ ಪ್ರಭುನೆ ದಿರಾಖ್ಯೊಸ್ತೆ ಜಿಮ್ಮೇದಾರಿನಾಬಿ. ಅಚ್ಚು ಇನೆ ಇವ್ವುನ ಶನಖ್ವಾಜೆ ಬುಲಾಯೋಕಿ ಇನಾಬಿ ಬರೋಬರ್ ಜಿವ್ವಕ್ಕರಾದೆ. ಅಮ್ ನಿಯಮಸ್ ಅಖ್ವೀಸ್ ಸಬೆಮ ಚಾಲಿಲೇವ್ವಕ್ಕರಿ ಮೇ ಶಿಕಾಡುಸ್.

18 ದೇವ್ ಬುಲಾಯೋತೆ ದನ್ಯ ಕೋಣ್‌ತೋಬಿ ಖ್ವತ್ವ ಹುಯಿರ್ದವಾನು ರ್ವಯುತೊ ಇನ ಖ್ವತ್ವ ಕರಾಯೋತೆ ಇನಖ್ವಾಜೆ ಸೋಚಾನು ಹೋಣುಕೊಯ್ನಿ. ದೇವ್ ಬುಲಾವನಿ ವಖ್ವತ್‌ಮ ಕೋಣ್‌ತೋಬಿ ನಾ ಖ್ವತ್ವ ಕರೈರಾಖ್ಯೊತೊ ಯೋ ಖ್ವತ್ವಕರಾವನಿ ಜರೂರತ್ ಕೊಯ್ನಿ.

19 ಖ್ವತ್ವ ಕರಾವನುಕಿ ನತರ್ ಖ್ವತ್ವ ಕರಾವ್ವಕ್ಕರಿ ಯೋಸ್ ಮುಖ್ಯ ಕಾಹೆ. ದೇವ್ವು ಹುಕುಮ್‌ನ ಪಾಡಿನ ಚಾಲನೂಸ್ ಮುಖ್ಯ ಹುಯಿರ್ದುಸ್.

20 ದೇವ್ ಬುಲಾವನಿ ವಖ್ವತ್ ಹರೇಕ್‌ಚ್ಚಣೊ ಖಿವಿ ಲಖಣ್ ರ್ವೇಸ್ಕಿ ಯೋ ರಹಾಮಸ್ ರ್ವೇಣು.

21 ದೇವ್ ಬುಲಾವನಿ ವಖ್ವತ್ ತೂ ಬಿಜೇಕ್ ಗುಲಾಮ್ ಹುಯಿರೊ ಉಷೇತೊ ಸೋಚ್‌ನಕೊ. ಕತೋಬಿ ಛುಟ್ಕಾರ್ ಹುವಾನ ಅವಕಾಶ್ ಮಳಿತೊ ತೂ ಛುಟ್ಕಾರ್ ಹುಯಿಚ್ಚಾ.

22 ಶನಕತೊ ಪ್ರಭುಧಿ ಬುಲಾವನಿ ವಖ್ವತ್ ಗುಲಾಮ್ ರ್ವವಾಳೊ ಪ್ರಭುಮ ಛುಟ್ಕಾರ್ ಹುಯಿರ್ದೊಸ್. ಪ್ರಭು ಬುಲಾವನಿ ವಖ್ವತ್ ಛುಟೊರ್ದವಾಳೊ ಹಮೈ ಕ್ರಿಸ್ತನ ಗುಲಾಮ್ ಹುಯಿರ್ದೊಸ್.

23 ತುಮೆ ಮೋಲ್ ಲೆವೈರ್ದಾಸ್. ಇನಖ್ವಾಜೆ ತುಮೆ ಅದ್ವಿನ ಗುಲಾಮ್ ನಕೊ ಹುಯಿರ್ದಿಶು.

24 ಭೇನೆ ಭೈಯೇವೊ ಹರೇಕ್‌ಜುಬಿ ದೇವ್‌ಧಿ ಬುಲಾವನಿ ವಖ್ವಾತೆ ಖಿವಿ ಲಖಣ್‌ಮ ಧಾಕಿ ಯೋಸ್ ಪರಕ್ಮ ದೇವ್ವ ಜೋಡ್ತ ರ್ಲವೊ.

ವೈತ್ಯುಕಾಹೆತೆ ಅಜು ಮುಂಡಚ್ಚಿಯೆನು ಸವಾಲ್

25 ವ್ಯಹಾಕೊಂತೆ ಕವಾರವ್ವಿ ಬಾರೇಮ ಪ್ರಭುಧಿ ಖಿವಿ ಹುಕುಮ್ ಮನ ಕೋ ಮಳ್ಳುನಿ. ಕತೋಬಿ ವಿಶ್ವಾಸ್‌ನ ಯೋಗ್ಯ ಹುಯಿರ್ಲ್ವಾನಖ್ವಾಜೆ ಪ್ರಭುಧಿ ಮನದೆವೈರ್ದೀತೆ ದಯಾನ ಲೀನ್ ಮಾರಿ ಸೋಚ್ಚ ಬೋಲುಸ್.

26 ಹಮ್ಕೇನು ಕರಣ್ ದನ್ನಖ್ವಾಜೆ ಏಕ್ ಪಖ್ಲೊ ಕಿಮ್ ಲಾಕಿ ಇಮ್ಮಸ್ ರ್ಲವಾನು ಅಟ್ಟುಕರಿ ಮೇ ಸೋಚುಸ್.

27 ತುನ ಬಾವಣ್ ಲಾಕತೊ ಇನೇಧಿ ಅಲಕ್ ಹುವಾನ ಕೋಶಿಶ್ ನಕೊಕರ್. ತುನವ್ಯಹಾ ನಾ ಹುಯಿರೊ ಉಷೇತೊ ಬಾವಣ್‌ಕರಾನ ಥೊಂಡ್‌ನಕೊ.

28 ಏಕ್ ವಖ್ವಾತೆಮ ತೊ ವ್ಯಹಾ ಕರೈತೋಬಿ ಯೋ ಪಾಪ್‌ಕಾಹೆ. ಕವಾರಿ ವ್ಯಹಾ ಕರಿತೋಬಿ ಪಾಪ್‌ಕಾಹೆ. ಕತೋಬಿ ವ್ಯಹಾಕರಿಲ್ಯವಾಳನ ಕೈಯೆಕ್ಕಿ ದುಖ್ ಆವ್‌ಶೆ ಯೋ ತುಮೂನ ನಾ ಹೋಣುಕರಿ ಬೋಲಾನುಸ್ ಮಾರಿ ಖ್ವಿಯಾಲ್ ಹುಯಿರ್ಲ್ವೀಸ್.

29 ಅಲ ಭೇನೆ ಭೈಯೆ, ಮೇ ಶಾತ್ ಬೋಲುಕರುಸ್‌ಕತೊ, ವಖ್ವಾತ್ ತೀರ ಕಮ್‌ಲಾತೆ ಇನಖ್ವಾಜೆ ಅನ ಅಗ್ಗಳ್ ಬಾವಣ್‌ರ್ಲ್ವಾಳ ಇವ್ಣೆ ಅಮ್ ಬಾವಣ್ ಕೊಯ್ತಿಕರಿಬಿ ಜಿವ್ಣು.

30 ರೋವವಾಳು ನಾ ರೊವಾನಿತರಾಬಿ, ಶಂತೋಖ್ವ್ ಕರವಾಳು ನಾ ಶಂತೋಖ್ವ್ ಕರಾನಿತ್ರಬಿ, ಮೋಲ್‌ಲ್ಯವಾಳು ಸೋಚೊ, ಹಮಾರಕನ ಶಾತ್ಪಿ ಕೊಯ್ತಿಕರಿ ಮಾರು ಕಾಹೆಕರೀಬಿ,

31 ಜಗತ್‌ನು ಭೋಗ್‌ಮ ರ್ಲ್ವವಾಳು ಇನಾಮಾಸ್ ಮಗನ್ ನಕೊರ್ದಿಶು. ಶನಕತೊ ಆ ಜಗತ್‌ನು ವೈಭೋಗ್ ಬದ್ಲಿಜಾಶೆ.

32 ಕತೋಬಿ ತುಮೆ ವೇಚ್‌ಣೆ ನಾಕರ್ಲ್ವಿಕರಿ ಬೋಲಾನುಸ್ ಮಾರಿ ಹರಖ್ವ್ ಹುಯಿರ್ಲ್ವೀಸ್. ಬಿಣ್ ವ್ಯಹಾವಾಳು ಇನುಯೋ ಪ್ರಭುನ ಕಿಮ್ ಪಸಂದ್‌ಕರಾವ್ಣು ಕರಿ ಪ್ರಭುನು ಖ್ವಾರಕಾಮ್ವಿ ಬಾರೇಮ ಸೋಚುಸ್.

33 ಕತೋಬಿ ವ್ಯಹಾ ಹುಯಿರ್ದವಾಳೊ ಏಕ್‌ಜಣೊ ಆ ಜಗತ್ತ್ ಕಾಮ್ಮ ಡುಬಿರ್ದೊಸ್. ಯೋ ಇನಿ ಬಾವಣ್ಣಾ ಪಸಂದ್ ಕರಾವಮಸ್ ಕೋಶಿಶ್ ಕರಾವಾಳೊ ಹುಯಿರ್ದೊಸ್.

34 ಅಜ್ಜು ಅನಖ್ವಾಜೆ ವ್ಯಹಾಕೊಂತೆ ಅಜ್ಜು ವ್ಯಹಾ ಹುಯಿರ್ದೆಯ್ತೆ ಇಮ್ ಭೇಬಾಜ್ಜು ಖೇಚಾವನಿಫೋಣಿ ಹುಯಿರ್ದೊಸ್. ನತರ್ ಏಕ್ ವ್ಯಹಾ ಕೋಹುಯಿರೆನ್ನೆ ಕವಾರಿಯೆ ಇನುಯೋ ಶರೀರ್ ಆತ್ಮಮ ಕಿಮ್ ಪರಿಶುದ್ ರ್ದೆವ್ವುಕರಿ ಪ್ರಭುನಿ ಕಾಮ್ಮಬಾರೇಮ ಸೋಚಸ್. ಕತೋಬಿ ವೆತ್ತಿ ಜಗತ್ತ್ ಕಾಮ್ಮ ಡುಬಿರ್ದೊಸ್, ಯೋ ಇನೊ ಬಾವ್ರಿನ ಪಸಂದ್ ಕರಾವ್ವುಕರಿ ದೇಖಾಸ್.

35 ಆ ವಾತೆ ತುಮಾರ ರಗಾವನಖ್ವಾಜೆ ಕಾಹೆ ಫಾಯಿದಾನಖ್ವಾಜೆಸ್. ಕತೋಬಿ ತುಮೆ ಬರೊಬರ್‌ನ ಮಾರಗ್‌ಮ ಜಿವ್ವುಕ್‌ರ್ದುಕರಿ ಮಾರಿ ಆಖ್ತ್. ಅಜ್ಜು ತುಮೆ ತುಮಾರಿ ವಖ್ವತ್‌ನ ಬಿಜ್ಜ ಕಾಮ್ಮ ನಾದೇವ್ವುತೆ ಪ್ರಭುನಿ ಸೇವೆಮ ಭರ್‌ಪೂರ್‌ಧಿ ಅರ್ಪಣ್ ಕರವ್.

36 ಏಕ್ ವೇಳ್ ಏಕ್‌ಜಣೊ ಖ್ವಿಗೈಹುಯಿರ್ದವಾಳಿ ಕವಾರಿನಿ ಜೋಡ್ತೆ ಖ್ವಿಮಾಳನ ಕೊಹೊವಾಂತೆ ಮಳಾನ ಯೊ ಜಾಖ್ವತ್ ಹರ್ಖ್ವಾವಾಳೊ ಉಷೇತೊ ಅಜ್ಜು ವ್ಯಹಾಹುಣುಕರಿ ಹರಖ್ವಿಯುತೊ ಯೋ ವ್ಯಹಾ ಕರಿಲ್ಯವಾದೆ. ಅಮ್‌ಕರಾಧಿ ಯೊ ಪಾಪ್ ಕಾಹೆ.

37 ಕತೋಬಿ ಏಕ್‌ಜಣೊ ಎಕ್ಕ್‌ಸ್ ಖ್ವಿಜ್ಞೊನೊ ರ್ದೊನ್ ಜುಲಮ್ ಶಾತ್‌ಕೊಂತೆ ಇನಿ ಮರ್ಜಿನ ಚಲಾವನಿ ಹಕ್‌ರ್ದಾವಳೋ ರ್ದೊನ್ ಯೋ ಕವಾರಿನ ವ್ಯಹಾ ಕರಿಲ್ಯಾವನು ನಕೋಕರಿ ಇನ ದಿಲ್ಮ ಖ್ವಿಯಾಲ್ ಕರಿಲಿದೋತೊ ಯೋ ಇಮ್ಮಸ್ ಕರಾನು ಅಛ್ವು.

38 ಅಮ್‌ರ್ದೊನ್ ಯೊ ಕವಾರಿನ ವ್ಯಹಾಕರಿಲ್ಯವಾನು ಅಛ್ವುಸ್, ವ್ಯಹಾ ಕರಿಲೇಯಿ ಕೊಂತೆ ರ್ದವಾನುಬಿ ಅಜ್ಜುಬಿ ಅಛ್ವುಸ್.

39 ಏಕ್‌ಜಣಿ ತಯೇಡ ಇನೊ ಬಾವ್ರಿ ಬಚಿರ್ದವಲಗು ಇನ ಛುಟ್ಕಾರ್‌ವಾಳಿ ಕೊ ಹುಯಿರ್ದಿನಿ. ಬಾವ್ರಿ ಮರಿಗೋತೊ ಯೊ ತಯೇಡ ಹೋಣುತೆ ಇನ ವ್ಯಹಾ ಕರಾನ ಛುಟ್ಕಾರ್ ಹುಯಿರ್ದೊಸ್. ಕತೋಬಿ ಯೋ ಪ್ರಭುನ ವಿಶ್ವಾಸಿ ಹುಯಿರ್ದೊಣು.

40 ರೆವೋಬಿ ವ್ಯಹಾ ನಾ ಕರೀನ್ ಇಮ್ಮಸ್ ರ್ವವಾನು ಇನ ಕೆತ್ರೇಕ್ಕಿ ಶಂತೋಖ್ಡ್ ಹುಯಿರ್ವ್ವಸ್ಕರಿ ಮಾರಿ ಖ್ವಿಯಾಲ್ಕರಿರಾಖ್ಯೊಸ್. ಅಜ್ಜು ಮನಾಬಿ ದೇವ್ನು ಆತ್ಮ ಲ್ಹಾಕರಿ ಖ್ವಿಯಾಲ್ ಕರುಸ್.

8

ಮೂರತ್ವ ಅರ್ಪಣ್ ಕರಾತೆ ಖಾಣಾನಿ ಬಾರೇಮ ಫೇಡ್

1 ಮೂರತ್ವಬಲಿ ಕರಿಹುಯು ಖಾವಾನಿ ರಾಲ್ಹಾನಿ ಬಾರೇಮ ಅಪ್ಪುನ ಖ್ವಾರಾನ ಅಕ್ಕಲ್ ಲ್ಹಾಕರಿ ಮಾಲುಮ್ ಪಡಾಸ್, ಅಕ್ಕಲ್ ಪುಗೈನಾಖಿಸ್, ಕತೋಬಿ ಪ್ಯಾರ್ ಜಾಖ್ವತ್ ಕರಸ್.

2 ಏಕ್‌ಜಣೊ ಇನುಯೋ ಶಾತ್ವೋಬಿ ಮಾಲುಮ್ ಕರಿರಾಖ್ಯೊಸ್ಕರಿ ಲಹಿರಾಖ್ಯೊತೊ ಯೋ ಕಿಮ್ಚಿ ಪರಕ್ಮ ಮಾಲುಮ್ ಕರ್ನುಕಿ ಯೊ ಪರಕ್ಮ ಬಿಜ್ಜಾಬಿ ಮಾಲುಮ್ ಕೋ ಕರಿರಾಖ್ಯೊನಿ.

3 ಕತೋಬಿ ಕೋಣ್ ದೇವ್ನು ಲಾಡ್‌ಕರಸ್ಚಿ ದೇವ್ನು ಇನ ಮಾಲುಮ್ ಕರಿರಾಖ್ಯೊಸ್.

4 ಅಮ್‌ರರ್ವಾಪರ್ ಮೂರತ್ವ ಅರ್ಪಣ್ ಕರಿಹುಯು ಖಾಣನ ರಾಲ್ಹನ ಖಾವಾನು ಬಾರೇಮ ಜಗತ್‌ಮ ಮೂರತ್ ಶಾತ್ವಿ ಕಾಹೆಕರಿ ಅಪ್ಪುನ ಮಾಲುಮ್‌ಲ್ಹಾ. ಅಜ್ಜು ದೇವ್ ಎಕ್ವಸ್‌ಜಣೊ ಪಣ್ಣಿ ಬಿಜ್ಜ ಖಿವೊಬಿ ದೇವ್ ಕೊಯ್ನಿಕರಿ ಮಾಲುಮ್ ಲ್ಹಾ.

5 ಆಬ್‌ಪರ್‌ರ್ವೊ, ಧರ್ತಿಪರ್‌ರ್ವೊ ದೇವ್‌ಕರಿ ಬೋಲೈಲ್ಯವಾಳು ಕೈಯೆಕ್ಕಿ ರ್ವಯುತೋಬಿ, ದೇವ್‌ಕರಿ ಪ್ರಭುಕರಿ, ಖ್ವಮ್‌ಜಾಡವಾಳು ಜಾಖ್ವತ್ ಲ್ಹಾ.

6 ಅಪ್ಪುನತೋಬಿ ಎಕ್ವಸ್ ದೇವ್ ಲ್ಹಾ. ಯೋ ಬಾಕರಿ ಬೋಲೈಲ್ಯವಾಳೊ; ಅಖ್ವೊಸ್ ಉಬ್‌ಜ್ಯೊತೆ ಇನೇಥಿ ಹಮೆ ಇನಖ್ವಾಜಿ ಜಿವೇಸ್ ಅಜ್ಜು ಏಕ್‌ನೊ ಏಕ್ವಸ್‌ಜಣೊ ಪ್ರಭು ಲ್ಹಾ. ಯೋಸ್ ಯೇಸು ಕ್ರಿಸ್ತ ಇನೇಥಿಸ್ ಹರೇಕ್ ತಯಾರ್‌ಹುಯು. ಇನೇಥಿಸ್ ಹಮೇಬಿ ಇನೇಥಿಸ್ ಥಿಯೈ.

7 ರಝಯುತೋಬಿ ಆಕ್ಕಲ್ ಖ್ವಾರಮಾಬಿ ಕೊಯ್ನಿ. ರಝೀನ್‌ಬಿ ಥೋಡುಜಣು ಹಮ್ಮೆಲಗು ಮೂರತ್‌ಕನ ಜಾವನು ಆದತ್ ಛಾ. ಅಮ್‌ರಝೀನ್ ಖಿವು ಅದ್ವಿಖ್ವಾರು ಖಾಣು ಖಾವನಿ ವಖ್‌ತೆ ಯೋ ಮೂರತ್ ಅರ್ಪಣ್ ಕರಿಹುಯು ಕರಿ ಸೋಚಾಸ್. ಕತೋಬಿ ಇವ್ಣೆ ದಿಲ್ವಿಸಾಕ್ಷಿ ಕಮ್‌ಜೋರ್ ಹುಯಿರಝೀತ್ ಇನಖ್ವಾಜಿ ಯೋ ಖಾಣು ಖಾವಾನು ಮೈಲು ಹುಯಿರಝೀಸ್ ಕರಿಲ್ವಾವಸ್.

8 ಕತೋಬಿ ಅಪ್ಪೆ ಖಾವನು ಖಾಣು ದೇವ್ನ ಖನ್ನೆ ಮ್ಹೇಲಾಕೊಯ್ನಿ. ನಾ ಖಾವಾಥಿ ಲುಕ್ಷಾನ್‌ಬಿ ಕೊಯ್ನಿ. ಖಾದೋತೊ ಫಾಯಿದೊಬಿ ಕೊಯ್ನಿ.

9 ಕತೋಬಿ ಆ ತುಮಾರು ಛುಟ್ಕಾರನಿ ಬಾರೇಮ ಹೊಷಾರ್‌ಥಿ ರಝವೊ. ವಿಶ್ವಾಸ್ತ ಕಮ್‌ಜೋರ್‌ರಝವಾಳ ಅದ್ವಿನ ತುಮಾರಿ ಹಕ್ ಪಾಪ್‌ಮ ರಡ್ತಾನ ಕಾರಣ್ ಹೋಣುತೆ ಜತನ್‌ರಝೀಣು.

10 ಅಕ್ಕಿ ಹುಯಿರಝೀವಾಳೊ ತೂಸ್ ಮೂರತ್ ಮಂದಿರ್‌ಮ ಖಾಣನ ಬೇರುರಝೀವಾನು ಕಮ್‌ಜೋರ್ ದಿಲ್‌ವಾಳು ಬೈ ದೇಖ್‌ತೊ, ಯೋಬಿ ಮೂರತ್ ಪೂಜಕರಝೀಹುಯು ಖಾಣನ ರಾಛಾನ ಖಾವನ ಭಾಲ್ ಉಷೆ ಕೊಯ್ನಿಶು?

11 ಅಮ್ ಆ ತಾರಿ ಅಕ್ಕಲ್‌ಥಿ ಯೋ ಕಮ್‌ಜೋರ್ ಭೇನೆ ಬೈಯೆ ನಾಶ್‌ಹುಯಿಜಾಸ್. ಇನಖ್ವಾಜೀಬಿ ಕ್ರಿಸ್ತ ಇನ ಜಾನ್ನ ದಿದೋತೆ ಫಾಯಿದೊಕೊಂತೆ ಹುಯಿಜಾಶೆ.

12 ಅಮ್‌ರಝೀನ್ ತುಮೆ ವಿಶ್ವಾಸಿ ಭೇನೆ ಬೈಯೇನಿ ವಿರೋದ್ ಪಾಪ್‌ಕರೀನ್ ಇವ್ಣ ಕಮ್‌ಶಿಲ್ ಮನ್ನಿಸಾಕ್ಷಿನ ದುಖ್ ಕರಾಯತೊ ತುಮೆ ಕ್ರಿಸ್ತನಿ ವಿರೋದ್ ಪಾಪ್‌ಕರವಾಳ ಹುಯಿರಿಶು.

13 ಇನಖ್ವಾಜಿ ಖಾವಾನು ರಾಛು ಮಾರ ಭೇನೆ ಬೈಯೇನ ಪಾಪ್ ಹುವಾನುರಝೀಯೂತೊ ಅಜ್ಜು ಮೇ ಕದೇಬಿ ಬೋಟಿನ ಕೋ ಖೈಶ್‌ನಿ, ಅಮ್ ಮೇ ಇವ್ಣುನ ಪಾಪ್ ಕರಾನ ಕಾರಣ್ ನಾಹೋಣು.

9

ಅಪೊಸ್ತಲರಝಿ ಹಕ್‌ಬಿನ್ ಕರ್ನುತೆ ಕಾಮ್

1 ಮೇ ಛುಟ್ಟಾರ್ ಕಾಹೆಕಿ ಶು? ಮೇ ಅಪೊಸ್ತಲ ಕಾಹೆಕಿ ಶು? ಮಾರೊ ಪ್ರಭು ಯೇಸುನ ದೇಖೊಹುಯೊ ಕೊಯ್ತಿಕಿಶು? ಮೇ ಪ್ರಭುಮ ಕರಂತ್ಯೊತೆ ಪ್ರಚಾರ್‌ನಿ ಖಣ್ಣೇದ್ ತುಮೇಸ್ ಕಾಹೆಕಿಶು?

2 ಅಲ್ಹಾವ್ ಅದ್ಮಿನ ಮೇ ಅಪೊಸ್ತಲ ನಾ ಹುಯಿರಂತ್ಯೊತೊಬಿ ತುಮೂನ ತೋಬಿ ಅಪೊಸ್ತಲ ಹುಯಿರಂತ್ಯೊಸ್. ಮೇ ಪ್ರಭುನೊ ಅಪೊಸ್ತಲಕರಿ ಬೋಲೈಲ್ಯವಾನ ತುಮುನ ಮಾರು ಮುದ್ರೊ ನಾಖಿರಾಖೊಸ್.

3 ಮನ ವಿಚಾರ್ ಕರಾವಾಳನ ಮಾರಿ ಆಸ್ ಜವಾಬ್.

4 ಹಮುನ ಖಾಣುಪಾಣಿ ಖಾವಾನ ಹಕ್‌ಕೊಯ್ತಿಕಿ ಶು?

5 ಕ್ರಿಸ್ತಮ ವ್ಯಹಾ ಹುಯಿರಂತ್ಯವಾಳ ವಿಶ್ವಾಸಿ ಭೈನಿ ಬಾವಣ್ಣ ಬುಲೈಲಿನ್ ಚಾಲ್ತನ ಬಿಜಾಖ್ತಾರ ಅಪೊಸ್ತಲನಿತರ ಪ್ರಭುನ ಭೈಯೇನಿತರ ಅಜ್ಜು ಕೇಫಾನಿಫೊಣಿ ಹಮೂನ ಹಕ್‌ಕೊಯ್ತಿಕಿ ಶು?

6 ನತರ್, ಮ್ಹಿನತ್‌ಕೊಂತೆ ಜಿವ್ಣ ಕರಾನ ಮನಾಬಿ ಬಾರ್‌ನಬನಾಬಿ ಹಕ್‌ಕೊಯ್ತಿಕಿ ಶು?

7 ಖಿವು ಶಿವಾಯಿಬಿ ಇನು ಶೊಂತ್ ಖರ್ಚ್‌ಥಿ ಚಾಕ್ರಿ ಕರ್ಶೆಕಿ ಶು? ದ್ರಾಕ್ಷಿನಬಾಗ್‌ನ ಪಿಕಾವವಾಳೊ ಇನುಫಲ್ ಖಾಯಿಕೊಂತೆ ರಂತ್ಲೆಕಿಶು? ಇನ ಮಂಧಾನ ಪಾಳವಾಳೊ ಖೇವೊರಂತ್ಲೆವೊ ಇನು ದೂದ್ ಪಿಯಾಕೊಂತೆ ರಂತ್ಲೆ?

8 ಮೇ ಬೋಲ್ಯೊತೆ ಖಲಿ ಅದ್ಮಿನಿ ವಾತೆಕಿಶು? ಧರ್ಮಶಾಸ್ತ್ರಬಿ ಅನ ಬೋಲಸ್‌ಕೊಯ್ತಿಕಿ ಶು?

9 ಖಳು ಖುಂದ್ಲಾತೆ ಡಾಂಡನ ಮ್ಹೊಡಾನ ಮ್ಹೊರ್ಕಿನಾಫಾಲ್ತುಕರಿ ಮೋಶೆನ ಧರ್ಮಶಾಸ್ತ್ರಮ ಲೀಖೈರುಸ್. ದೇವ್ ಸೋಚಸ್ತೆ ಡಾಂಡವ್‌ನಖ್ವಾಜೆಕಿಶು?

10 ಖ್ವಾಚಮಾಬಿ, ಅಪ್ಪಖ್ವಾಜೇಸ್ ಯೋ ಬೋಲಸ್ ಕೊಯ್ತಿಕಿಶು? ಓಹೊ. ಅಪ್ಪಖ್ವಾಜೆ ಲೀಖೈರುಸ್. ನಾಗ್ರವಾಳೊ ಪಿಕಾವ್ಣಿಮ ಇನು ಭಾಗ್ ಮಳಾಶೆಕರಿ ಭರೋಖ್ವಾಧಿ ಕರಂತ್ಯು. ಅಜ್ಜು ಖಳುಕರವಾಳೊ ಇನ ಖ್ವಿಗ್ಗಿಮ ಭಾಗ್ ಮಳಾಶೆಕರಿ ಆಖ್ವಾಧಿ ಖಳುಕರಂತ್ಯು.

11 ಹಮೆ ತುಮಾರಮ ಆತ್ಮಿಕ್ ಹುಯಿರ್ದತ್ತೆ ಪಂಡಾನ ನಾಖ್ಯಾತೊ ಇನ ಬದಲ್ ತುಮಾರೇಥಿ ಜಗತ್ತ್ ಉಬ್‌ಭಾವ್ಣಿನ ಜಿನಖ್ವೊನ್ ವ್ಹಾಡ್‌ನು ಮೋಟಿ ವಾತ್‌ಕಿಶು?

12 ಅಲ್ಹಾವ್ನ್ ತುಮಾರಪರ್ ಅತ್ರಿ ಅಧಿಕಾರ್ ರಡ್ಡಿಯುತೊ ಹಮೂನ ಬಿಜ್ಜು ಕೆತ್ರಿ ಭಾಖ್ವತ್ ರಡ್ಡೀಣುನಿ? ಕತೋಬಿ ಹಮೆ ಯೋ ಅದಿಕಾರ್‌ನ ಚಲಾಯಕೊಯ್ನಿ ಕ್ರಿಸ್ತನಿ ಸುವಾರ್ತೆ ನಾ ಆಡುಹೋಣುಕರಿ ಆ ಅಖ್ವಾನ ಖ್ವಮಾಳಿಲೀದ.

13 ದೇವ್ನಿ ಮಂದಿರ್‌ಮ ಚಾಕ್ರಿ ಕರವಾಳು ದೇವ್ನ್ ಮಂದಿರ್‌ಥು ಇವ್ನ್ ಜಿವ್ನ್ ಚಲಾವ್ಣುಕರಿ ಅಜ್ಜು ಚಾಚರ್‌ಕನ ಚಾಕ್ರಿಕರವಾಳು ಹಿಜ್ಜಾ ಆವಸ್ತೆ ರಾಲ್ಫ್‌ವಮ ವಾಟೊ ಹುಯಿರ್ದೆಸ್ ಕರಿ ತುಮೂನ ಮಾಲುಮ್ ಕೊಯ್ನಿ?

14 ಆಸ್ ಪರಕ್ ಪ್ರಭುನೇಬಿ ಸುವಾರ್ತೆನ ಬೋಲಿದ್ಯಾವಳು ಯೋ ಸುವಾರ್ತೆಥೀಸ್ ಜಿವ್ಣುಕರಿ ಹುಕುಮ್ ಕರಖ್ಯೊಸ್.

15 ಮೇತೊ ಅನಾಮ ಏಕ್‌ನಾಬಿ ಪಾಲನ್ ಕರಯ್ಕೊಯ್ನಿ. ಮನ ಶಾತ್ಕೊಬಿ ಮಳ್‌ಣುಕರಿ ಉದ್ದೇಶ್‌ಥಿ ಲೀಖುಕರುಕೊಯ್ನಿ. ಕಿನಾತೋಬಿ ಆ ಖ್ವರಾವ್ಣಿಥಿ ಫಾಯಿದೊ ನಾಹುಯುತೊ ಮೇ ಮರಿಭಾವನೂಸ್ ಅಲ್ಪ್.

16 ಮೇ ಸುವಾರ್ತೆನ ಬೋಲ್ಯೊತೋಬಿ ಖ್ವರಾವನು ಶಾತ್‌ಕೊಯ್ನಿ; ಯೊ ಬೋಲಾನು ಮಾರಿ ಜಿಮ್ಮೆದಾರಿ. ಮೇ ಸುವಾರ್ತೆನ ನಾ ಬೋಲ್ಯೊತೊ ಮಾರಿ ಹಾಲ್ವಾ ಶಾತ್‌ಕರಿ ಬೋಲು!

17 ಮೇ ಶೊಂತ್ ಮರ್ಜಿಥಿ ಆ ಕಾಮ್‌ಕರಯ್ಕೊಹೊತ್ತೊ ಮನ ಪ್ರತಿಫಲ್ ಮಳ್‌ಶೆ; ಕತೋಬಿ ಮೇ ಕರ್ನುಸ್‌ಕರಿ ಮೇ ಕರಯ್ಕೊ.

18 ಇಮ್‌ಕತೊ ಮನ ಮಳಾತೆ ಇನಾಮ್ ಶಾತ್? ಮೇ ಸುವಾರ್ತೆನ ಬೋಲಾನಿ ವಖ್ವೆತೆ ಇನೇಥಿ ಮಳಾತೆ ಪ್ರತಿಫಲ್‌ನಿ ಹಕ್‌ನ ಲೇಯಿಕೊಂತೆ ಇನ ಪುಗಟ್ಟ ಬೋಲನುಸ್ ಮನ ಮಳ್ಕುತೆ ಪ್ರತಿಫಲ್ ಹುಯಿರ್ದೆಸ್.

19 ಮೇ ಅಖ್ವಿ ವಿಚಾರ್‌ಮ ಭುಟ್ಕಾರ್ ಹುಯಿರ್ದೆತೋಬಿ

ಘನುಜ್ಞಾನನ ಮಾರಿ ಕಬ್ಬಾಳಮ ರಾಕ್ಷುಕರಿ ಮೇ ಅಖ್ವಾನ ದಾಸಹುಯೊ.

20 ಯೆಹೂದ್ಯವಾಳನ ಕಮೈಕರಾನಖ್ವಾಜೆ ಯೆಹೂದ್ಯರನ ಮೇ ಯೆಹೂದ್ಯವಾಳೊ ಹುಯೊ. ಮೆ ಧರ್ಮಶಾಸ್ತ್ರನ ಅಧೀನ್ ನಾ ಹುಯೊತೋಬಿ, ಧರ್ಮಶಾಸ್ತ್ರನ ಕಬ್ಬಾಳಮ ರ್ವವಳಾನ ಕಮೈಕರಿಲ್ಯವಾನಖ್ವಾಜೆ ಇವ್ವಖ್ವಾಜೆ ಧರ್ಮಶಾಸ್ತ್ರನ ಅಧೀನ್ ಹುವಾಳನಿತರ ಹುಯೊ.

21 ಮೇ ದೇವ್ನಿ ಧರ್ಮಶಾಸ್ತ್ರಮ ನಾ ರ್ವಿಯೊನಾತೋಬಿ ಕ್ರಿಸ್ತನಿ ನಿಯಮ್ಮ ಪಡಿಗಯೊ; ಭಾರ್ ರ್ವವಾಳಾನ ಕಮೈ ಕರಾನಖ್ವಾಜೆ ಧರ್ಮಶಾಸ್ತ್ರನಭಾರ್ ರ್ವವಾಳಾನಿಘೋಣಿ ಹುಯೊ. ಅನಿ ಮತ್ಲಭ್ ದೇವ್ನಿ ನಿಯಮ್ಮ ಅದೀನ್ ಹುಯೊ ಕರಿಕಾಹೆ, ಕ್ರಿಸ್ತನಿ ನಿಯಮ್ಮನಾಬಿ ಅಧೀನ್ ಹುಯಿರರ್ವೊಸ್.

22 ಕಮ್ಜೋರಿವಾಳಾಮ ಇವ್ವುನ ಕಮೈಕರಾನಖ್ವಾಜೆ ಕಮ್ಜೋರಿವಾಳಾನಿ ಬೀಚ್ತ ಮೇಬಿ ಕಮ್ಜೋರಿವಾಳೊ ಹುಯೊ. ಖಿವಿ ತರೀಖಾಮತೋಬಿ ಧೋಡಾನ ಬಘಾಡ್‌ಣುಕರಿ ಖ್ವಾರನಖ್ವಾಜೆ ಖ್ವಾರನಿಘೋಣಿ ಹುಯೊ.

23 ಆ ಅಖ್ವಾನ ಸುವಾರ್ತೆನಖ್ವಾಜೀಸ್ ಕರೀನ್. ಮೇ ಬೀಜಾನಿ ಜೋಡ್ತ ಸುವಾರ್ತೆನ ವಾರ್ಖಾಮ ಭಾಗ್‌ಲ್ಯವಾನಖ್ವಾಜೆ ಆ ಅಖ್ವು ಕರುಕರೂಸ್.

24 ಖೇಲ್ವ ಮೈದಾನ್‌ಮ ಕೈಯೇಕ್‌ಜ್ಞಣು ನಖ್ವಾನ ಖೇಲ್ವ ಭಾಗಿಹುವಾಸ್, ಕತೋಬಿ ಖಲಿ ಏಕ್‌ಜ್ಞಣೊ ಜೂತಸ್ ಕರಿ ತುಮೂನ ಮಾಲುಮ್ ಕೊಯ್ನಿಕ್‌ಶು? ಇವ್ವಿನಿಘೋಣಿ ತುಮೇಬಿ ಇನಾಮ್ ಜುತಾನ ಖ್ವಾಜೆಕರಿ ಮಿಲಾವೊ.

25 ಹರೇಕ್‌ಜ್ಞಣು ಖೇಲ್ ಖೇಲವಾಳು ಯೊ ಅಖ್ವಿ ಬಾರೆವ್‌ಮ ಶಿಕೆಹುಯೊ ಹುಯಿರರ್ವೊಸ್. ಇವ್ವೆ ಖರಾಬ್ ಹುಯಿಜಾಸ್ ಕೊಯ್ನಿತ್ ಕಿರೀಟ್ಟ್ ಲ್ಯವಾನಖ್ವಾಜೆ ಹಿಮ್ಮತ್ ಕರಸ್. ಕತೋಬಿ ಅಪ್ಪೆತೋಬಿ ಕದೇಬಿ ಮಟಿಜಾಯಿಕೊಂತೆ ಕಿರೀಟ್ಟ್ ಲ್ಯವಾನಖ್ವಾಜೆ ಹಿಮ್ಮತ್ ಕರಾವಾಳು ಹುಯಿರರ್ವೊಸ್.

26 ಇನಖ್ವಾಜಿ ಮೇಬಿ ಶುಶತ್‌ಕೊಂತೆ ನಾಖ್ವುಕೊಯ್ನಿ, ವಹಿರಾನಿಜೋಡೆ ಮಾರ್‌ಪೀಟ್ ಕರಾನಿಘೋಣಿ ಲಡುಕೊಯ್ನಿ.

27 ಬಿಜ್ಜಖ್ವಾರನಿ ಜೋಡ್ತ ಬೋಧನೆ ಕರಾನ ಪಾರ್ ತದೆ ಮೇಸ್ ನಾಲಾಯಕ್ ನಾ ಹುವಾನಖ್ವಾಜಿ ಶರೀರ್‌ನ ನಿಶತ್ ದೀನ್ ಮಾರಿ ಚಪ್ಪಣ್‌ಮಾಸ್ ರಾಮುಸ್.

10

ಮೂರತ್ವ ಬಾರೇಮ ರ್ಪೀತಾವ್ಣಿ

1 ಭೇನೆ ಭೈಯೇವೊ ಮೇ ತುಮುನ ಬೋಲಾನ ಶಾತ್ ಅಖ್ವ್ ಕರುಸ್‌ಕತೊ, ಅಪ್ಪೊ ಗುರುಗುರಬ್‌ಲ್ಯ ಖ್ವಾರುಬಿ ವಾದ್ತಾನ ಆಖ್ವಾರಾಮ ಥಾ, ಇವ್ಣೆಖ್ವಾರುಬಿ ಭತನ್‌ಥಿ ದರ್ರ್ಯಾವ್‌ನ ಉಲಾಂಗಿಗಯ್.

2 ಇವ್ಣೆಖ್ವಾರು ಮೋಶೆನ ಪೀರೆಜ್ಜಾವಾನ ಖ್ವಾಜಿ ವಾದ್‌ಳಾಮಾಬಿ ದರ್ರ್ಯಾವ್‌ಮಾಬಿ ಮೋಶೇಥಿ ಬ್ಯಾಪ್ತಿಸ್ಮ್‌ಲೀಲಿದು.

3 ಇವ್ಣೆಖ್ವಾರು ಎಕ್ಕ್‌ಸ್ ಆತ್ಮಿಕ ಖಾಣನ ಖಾದು.

4 ಶನಕತೊ ಎಕ್ಕ್‌ಸ್ ಆತ್ಮಿಕ ಪಾನ್ಹ ಪೀದು. ಇವ್ಣೆ ಇವ್ಣೆಜೋಡ್ತ ಆಯುತೆ ಆತ್ಮಿಕ ಬಂಡಾಮಾಥು ವ್ಹಯುತೆ ಇನ ಪೀದು. ಯೋ ಬಂಡೋಸ್ ಕ್ರಿಸ್ತಹುಯಿರ್ರೋಥೊ.

5 ಕೋಬಿ ಇವ್ಣಾಮ ಘಣ ಅದ್ವಿನ ದೇವ್ ಇಷ್ಟ ಕರ್ರೊಕೊಯ್ನಿ. ಇನಖ್ವಾಜಿ ಇವ್ಣು ಮುರ್ದುಖ್ವಾರು ಜಂಗಳ್‌ಮ ಛಿಡ್‌ಕ್ಯೆಗಯ್.

6 ಇವ್ಣೆ ಕರ್ರುತೆ ತಿಮ್ ಅಪ್ಪೇಬಿ ಖರಾಬ್‌ಅಖ್ವಾನ ಆಖ್ವ್ ನಾಕರ್ರುಕರಿ ರ್ಪೀತಾವ್ಣಿ ಹುಯಿನ್ ಆ ಹಮ್ಮೆ ಅಪ್ಪುನ ಸಾಕ್ಷಿ ಹುಯಿರುಸ್.

7 “ಇವ್ಣಾಮ ಥೋಡುಜಣು ಮೂರತ್ವ ಆರಾದನೆ ಕರಾವಾಳು ಹುಯಿನ್ ಖೈನ್ ಪೀನ್, ನಗರ್‌ನಾಚ್‌ತು ನಿಕ್‌ಳ್ಳು.” ಕರಿ ಲೀಖ್ಪಿರ್ರೊತ್ತೆ ತಿಮ್ ತುಮೆ ಮೂರತ್ವ ಆರಾದನೆ ಕರಾವಾಳ ನಕೊಹುವೊ.

8 ಇವ್ವಾಮ ಧೋಡುಙ್ಗಣು ಪಾಪೇಲು ಕಾಮ್ ಕರೀನ್ ಎಕ್ಕಸ್ ರೋಙ್ಗಮ ತೀನ್ ಉಪ್ಪರ್ವೀಖ್ವ್ ಹಜಾರ್ ಅದ್ಮಿ ಮರಿಗಯು. ಅಪ್ಪೆ ಪಾಪೇಲುಕಾಮ್ ನಾ ಕರ್ನುತೆ ರ್ಹಿಯೆ.

9 ಇವ್ವಾಮ ಧೋಡುಙ್ಗಣು ಪ್ರಭುನ ತರೀಪ್ಪ ಕರೀನ್ ಖ್ವಾಪ್‌ಥಿ ಮರ್ಯ್ತೆ ತಿಮ್, ಅಪ್ಪೆಬಿ ಇವ್ವಿನಿತರ ತರೀಪ್ಪನಾ ಕರ್ಯ್.

10 ಇವ್ವಾಮ ಧೋಡುಙ್ಗಣು ಗುಣ್‌ಗುಣ್ಣೆನ್ ನಾಶ್ ಕರಾವಾಳು ದೂತ್‌ನ ಹಾತೇಥಿ ಮರ್ಯ್ತೆಗಯು. ಇನಖ್ವಾಜೆ ಇವ್ವಿನಿತರ ಅಪ್ಪೆಬಿ ನಾ ಭಣಕ್ಕು.

11 ಯೋ ಅದ್ಮಿವೋನ ಹುಯೂತೆ ಆ ಪೀಣಿಖ್ವಾರಿ ಸಾಕ್ಷಿಹುಯಿರ್ಲ್ವಸ್. ಹಗಾಮ್ನಿ ಖ್ವರ್ತಿನ ಆಯಿರ್ಲ್ವಾತೆ ಅಪ್ಪುನ ರ್ಹೀತಾಪ್ಪಿದ್ಯವಾನ ಆ ಅಖ್ವು ಲಿಖ್ವಿರ್ಲ್ವಸ್.

12 ಇನಖ್ವಾಜೆ ಘಟ್‌ಥಿ ಭೀಯಾಸ್‌ಕರಿ ಖ್ವಮ್‌ಜಾವಾಳ ತುಮೆ ರಡ್ಕಿನಾಜಾವ್ವುತೆ ತಿಮ್ ದೇಖಿಲೇವೊ.

13 ಅದ್ಮಿವೋನ ಮಾಮುಲಿ ಅವಾತೆ ಖ್ವತಾಪ್ಪಿ ಮ್ಹೆಲ್ವುತೊ ಬಿಜು ಖೆವುಕಿ ತುಮೂನ ಆಯುಕೊಯ್ನಿನಿ. ಕತೋಬಿ ದೇವ್ ವಿಶ್ವಾಸ್‌ವಾಳೊ. ತುಮೂನ ಖ್ವಮಾಳನ ಹೋಯಿಕೊಂತೆ ಶೋದನೆಖ್ವಾರಾನ ಯೋ ತುಮಾರಪರ್ ಆವಾನಿತರ ಮ್ಹೆಲಕೊಯ್ನಿ. ಕತೋಬಿ ತುಮೂನ ಶೋದನೆ ಆಯುತೊ ಯೊ ಅಖ್ವಾನ ಖ್ವಮಾಳನ ಶಕತ್‌ವಾಳ ಹುವಾನಿತರ ಯೋ ಅಖ್ವೇಥಿ ಛುಕಿಜಾವಾನೊ ಮಾರಗ್ ಬಣಾವಸ್.

14 ಇನಖ್ವಾಜೆ ಮಾರ ಪ್ಯಾರ್‌ನ ಬೈಯೇ ಭೇನೆವೊ, ಮೂರತ್ತಿಆರಾಧನೆ ಮ್ಹೇಲಿನ್ ನಿಕೊ.

15 ತುಮೆ ಅಕ್ಕಿಕರಿ ಮೇ ತುಮಾರಿಜೋಡ್ಡ ಅನ ಬೋಲುಸ್. ಮೇ ತೀರ್ಪ್‌ಕರಾನು ಖ್ವದ್ ತುಮೇಸ್ ಸೋಚಿದೇಖೊ.

16 ಅಪ್ಪೆ ದ್ರಾಕ್ಷಿನರಖ್ವನು ಕಟೋರಮ ದೇವ್ವ ಧನ್ಯವಾದ್ ಕರೀನ್ ಪಿಯಾನಿವಖ್ವತೆ ಕ್ರಿಸ್ತನ ಲ್ಲೋಯಿಮ ಭಾಗ್‌ಲ್ವವಾಳ ಹುಯಕೊಯ್ನಿಕಿ ಶು? ಅಪ್ಪೆ ರೋಟಾನ ತೋಡಿನ್ ಖಾವಾನಿ ವಖ್ವತೆ ಕ್ರಿಸ್ತನ ಶರೀರಮ

ಭಾಗ್ಲಿದ ಕೊಯ್ತಿಕಿ ಶು?

17 ರೋಟೊ ಎಕ್ಕ್ಸ್ ಇನಖ್ವಾಜಿ ಅಪ್ಪಾಮ ಕೈಯೇಕ್‌ಜಣು ರ್ಡ್ಡಯುತೋಬಿ ಅಪ್ಪೆ ಎಕ್ಕ್ಸ್ ಶರೀರ್‌ನ ಹುಯಿರಾಸ್. ಶನಕತೊ ಅಪ್ಪೆಖ್ವಾರು ಯೋ ಎಕ್ಕ್ಸ್ ರೋಟಾಮ ಭಾಗ್ಲಿಯೆಸ್.

18 ತುಮೆ ಇಸ್ರಾಯೇಲ್ ಅದ್ಮಿಯೇವ್‌ನ ಬಾರೇಮ ಸೋಚೊ. ಬಲಿ ಕರ್ಯಾಹುಯಾನ ಖಾವವಾಳು ಬಲಿಪೀತ್ಮ ಭಾಗ್ಲಾವಾಳು ಹುಯುಕೊಯ್ತಿಕಿ ಶು?

19 ಇಮ್‌ಕತೊ ಮೇ ಶಾತ್ ಬೋಲುಕರುಸ್? ಮೂರತ್ತ್ ಚಡಾಯಹುಯ ಖಾಣುನು ಚೀಜ್ ಖ್ವಾಳು ಕರಿ ಬೋಲಾನ ಹುವಾಸ್ಕಿ? ಕೊಯ್ತು ಮೂರತ್ ಖ್ವಾಳು ದೇವ್‌ಕರಿ ಬೋಲಸ್.

20 ಕತೋಬಿ ಅಲ್ವಾವ್ ಚಡಾವಾತೆ ಬಲಿ ದೇವ್‌ನಕಾಹೆ. ಭೂತ್‌ನ ಅಖ್ವಾನಿ ಜೋಡ್ಡವಾಟೊ ನಾ ಹುಯಿರ್ದೇಣು ಮಾರಿ ಆಖ್ವ್.

21 ತುಮೆ ಪ್ರಭುನ ಕಟೋರಮಾಬಿ ಭೂತ್ ಅಖ್ವಾನ ಕಟೋರಮಾಬಿ ಪೀಶುಕೊಯ್ತು. ತುಮೆ ಪ್ರಭುನಿ ಪಂತಿಮಾಬಿ ಶೈತಾನ್ ಅಖ್ವಾನಿ ಪಂತಿಮಾಬಿ ಖಾಣುಖಾವಾಳ ಹುಯಿರ್ದೇಶುಕೊಯ್ತು.

22 ಅಪ್ಪೆ ಪ್ರಭುನ ಇರಾದೊ ಆವನಿತರ ಛೇಡಾವ್ಣು ಕಿಶು? ಅಪ್ಪೆ ಇನೇಥಿಬಿ ತಾಖತ್‌ವಾಳ ಹುಯಿರಾಸ್ ಕಿಶು?

ತುಮಾರಿ ಛುಟ್ಕಾರ್ ದೇವ್ನಿ ಮಹಿಮೆನಖ್ವಾಜಿ

23 “ಅಖ್ವಾಸ್ ಕಾಮ್‌ಬಿ ಕರಾನ ಛುಟ್ಕಾರ್ ಛಾ” ಕತೋಬಿ ಅಪ್ಪೆ ಕರಿಯೇತೆ ಖ್ವಾರು ಕಾಮ್‌ಬಿ ಅಲ್ಫುಕರಿ ಬೋಲಾನು ಬರೋಬರ್ ಕೊಯ್ತು.” ಖ್ವಾರುಸ್ ಕಾಮ್ ಕರಾನ ಅದಿಕಾರ್‌ಛಾ ಕತೋಬಿ ಅಖ್ವಾಬಿ ಅದ್ಮಿವೋನ ಫಾಯಿದೊ ಕೊಹುಯಿರ್ದೇಯ್ತು.

24 ಹರೇಕ್‌ಜಣು ಇವ್ಣ ಅಲ್ಛಾನ ಖಲಿ ನಾ ಸೋಚ್ತೆ ಬಿಜ್ಞಾನ ಅಲ್ಛಾನಾಬಿ ಸೋಚಾದೆ.

25 ಕಖ್ವಯ್‌ಮ ವೇಳಾವತೆ ಶಾತ್‌ರ್ದೇಯುತೋಬಿ ದಿಲ್ಮ ಕಚ್ ಹುವಾನಿಘೊಣಿ ವಿಚಾರ್ ಕರ್ನುನಾತೆ ಖಾವೊ.

26 ಶನಕತೊ ಭಮೀನೊಬಿ ಇನಾಮಲ್ಲಾತೆ ಖ್ವಾರುಬಿ ಪ್ರಭುನು ಹುಯಿರ್ದ್ವೊ.

27 ಕ್ರಿಸ್ತ ವಿಶ್ವಾಸಿ ಕಾಹೆತೆ ಕೋಣ್ತೋಬಿ ತುಮೂನ ಖಾಣನ ಬುಲಾಯೂತೊ ತುಮೂನ ಶಾತ್ ನಾಖ್ಯತೋಬಿ ದಿಲ್ಲಿಸಾಕ್ಷಿನ ವಿಚಾರ್ ಕರ್ನುನಾತೆ ಇನ ಖಾವೊ.

28 ಕತೋಬಿ ಏಕ್‌ಞ್ಣೊ ತುಮೂನ ಹೈರುತೆ ಮೂರತ್ ಬಲಿದಿದುಹುಯು ಕರಿ ಕೋಣ್ತೋಬಿ ತುಮೂನ ಬೋಲ್ಯತೊ, ಆ ವಿಚಾರ್ ಬೋಲ್ಯೊತೆ ಇನಖ್ವಾಜೇಬಿ ದಿಲ್ಲಿಸಾಕ್ಷಿನಖ್ವಾಜೇಬಿ ಇನ ಖಾವೊನಕೊ.

29 ಕತೋಬಿ ಆ ತುಮಾರು ದಿಲ್ಲಿಸಾಕ್ಷಿ ಕರಿ ಮೇ ಬೋಲುಕರುಕೊಯ್ನಿ ರ್ವಯುತೋಬಿ ಬಿಜೇಕ್‌ಞ್ಣು ಇನ ಖಾವಾನು ಬರೋಬರ್ ಕರಿ ಮಾಲುಮ್ ಕರಿರಾಖ್ಯತೆ ಇನಖ್ವಾಜೆ ಇನಿ ದಿಲ್ಲಿ ಸಾಕ್ಷಿನಖ್ವಾಜೆ ಇವ್ಣಿ ಛುಟ್ಕಾರ್‌ನ ಶನ ತೀರ್ಪ್ ಹೋಣು?

30 ಮೇ ದೇವ್ ಧನ್ಯವಾದ್ ಕರೀನ್ ಖಾದೋತೆ ಖಾಣನಖ್ವಾಜೆ ಮಾರಪರ್ ದೂಷಣೆ ಶನ?

31 ಹವ್ವೆ ಮಾರಿ ಜವಾಬ್ ಅತ್ರೇಸ್; ತುಮೆ ಖಾಣುಖಾದತೋಬಿ, ಪೀದತೋಬಿ ಶಾತ್‌ಕರ್ಯತೋಬಿ ದೇವ್ನಿ ಮಹಿಮೆನಖ್ವಾಜೆ ಯೋ ಕರೊ.

32 ಬಿಜ್ ಅದ್ವಿಯೇವ್ ಕತೊ, ಯೆಹೂದ್ಯಾರ್ವೊ, ಯೆಹೂದ್ಯಕಾಹೆತೆ ರ್ವೊ, ನತರ್ ದೇವ್ನಿ ಸಬೆವಾಳನರ್ದೊ; ಇವ್ಣೆಗಲತ್‌ಮ ಪಡಾನಿಘೋಣಿ ಕದೇಬಿ ನಕೊಕರ್ಷು.

33 ಮೇತೊ ಮಾರಿ ಶೊಂತ್ ನಫ್ಫಾನಖ್ವಾಜೆ ಡೂಂಡುಕೊಂತೆ ಖ್ವಾರುಸ್ಲಣು ರಕ್ಷಣೆ ಲೇವ್ಣುಕರಿ ಇವ್ಣಿ ನಫ್ಫಾನಖ್ವಾಜೆ ಅಖ್ವಜ್ಞಾಮ ಅಖ್ವೀಸ್ ವಾತೇಮ ಖ್ವರ್ದೆಲೆವುಸ್.

11

1 ಮೇ ಕ್ರಿಸ್ತನ ಪೀಠೆ ಕಿಮ್ ಚಾಲೂಸ್ಕಿ ಇಮ್ ಮಾರ ಪೀಠೆ ತುಮೆ ಚಾಲವಾಳ ಹುಯಿರ್ದೊ.

ಆರಾಧನೆಮ ಘುಮ್‌ಟೊ ನಾಖನಿ ಬಾರೇಮ

2 ತುಮೆ ಅಖ್ಬಾಸ್‌ಮಾಬಿ ಮನ ಖ್ವಿಯಾಲ್‌ಕರಿನ್ ಮೇ ತುಮೂನ ದೀರಾಖ್ಯೊತೆ ಪದತ್ತಿನ ಘಟ್‌ಥಿ ಧರಿರಾಖ್ಯಾಕರಿ ತುಮೂನ ಖ್ವಿರವುಸ್.

3 ಹರೇಕ್ ಪಖ್ವಾನ್ ಕ್ರಿಸ್ತ ಮುಡ್‌ಕ್ಯು ತಯೇಡಾನ್ ಪಖ್ವೊ ಮುಡ್‌ಕ್ಯು ಅಜ್ಜು ಕ್ರಿಸ್ತನ ದೇವ್ ಮುಡ್‌ಕ್ಯು ಹುಯಿರಲ್ವೊ ಕರಿ ಬೋಲಾನು ಯೊ ಮಾಲುಮ್ ರ್ಲೇವ್ಣು.

4 ಸಬೇಮ ಇನ ಮುಡ್‌ಕ್ಯಾನ್ ಮೂಚಿಲೀನ್ ಪ್ರಾರ್ಥನೆ ರ್ಲವೊ ಪ್ರವಾದ್‌ನೆ ರ್ಲವೊ ಕರಾವಾಳೊ ಪಖ್ವೊ, ಯೊ ಇನ ಮುಡ್‌ಕ್ಯಾನ್ ಖ್ವಿರಮ್ ಕಾಡಿಲೇಸ್.

5 ಕತೋಬಿ ಮುಡ್‌ಕ್ಯನಪರ್ ಘುಮ್‌ಟೊ ನಾಖಕೊಯಿನ್ ಪ್ರಾರ್ಥನೆ ಕರಾವಾಳಿ ಪ್ರವಾದ್‌ನೆ ಬೋಲವಾಳಿ ತಯೇಡ ಇನ ಮುಡ್‌ಕ್ಯಾನ್ ಖ್ವಿರಮ್ ಕಾಡಾವಾಳಿ ಹುಯಿರಲ್ವೊ. ಅಮ್ ಕರಾವಾಳಿ ತಯೇಡ ಇನು ಮುಡ್‌ಕ್ಯು ನಾ ಮೂಚಿರಾಖನಾಬಿ ಮುಡ್‌ಕ್ಯು ಬೋಳಿಸೈಲ್ಯವಾಳಿನ ಸಮ ಹುಯಿರಲ್ವೊ.

6 ಕತೋಬಿ ತಯೇಡ ಘುಮ್‌ಟೊ ನಾಖಿನಾತೊ, ಯೊ ಇನು ಮುಡ್‌ಕ್ಯು ಬೋಳಿಸೈಲ್ಯವಾದೆ. ಕೇಖ್ತ್ ಕತ್‌ರೈಲ್ಯಾವಾನು ರ್ಲವೊ ಮುಡ್‌ಕ್ಯು ಬೋಳಿಸೈಲ್ಯವಾನು ರ್ಲವೊ ತಯೇಡಾನ್ ಖ್ವಿರವ್ನಿ ವಾತೆ ಹುಯಿರಲ್ವಿಲಿಷೇತೊ, ಯೋ ಘುಮ್‌ಟೊ ನಾಖಿಲ್ಯವಾದೆ.

7 ಪಖ್ವೊ ದೇವ್ನಿ ರೂಪ್ ಅಜ್ಜು ಮಹಿಮೆನು ಪ್ರತಿರೂಪ್ ಹುಯಿರೋತೆ ಇನಖ್ವಾಜೆ ಮುಡ್‌ಕ್ಯಪರ್ ಘುಮ್‌ಟೊ ನಾಕ್ವುಕೊಯ್ನಿ ಕತೋಬಿ ತಯೇಡ ಪಖ್ವಾನ್ ಇಜ್ಜತ್ ಹುಯಿರೀಸ್.

8 ಶನಕತೊ ತಯೇಡಧಿ ಪಖ್ವೊಕಾಹೆ, ಕತೋಬಿ ಪಖ್ವೊಧಿ ತಯೇಡ ಉಬ್ಬಿರಲ್ವೊ.

9 ತಯೇಡನಖ್ವಾಜೆ ಪಖ್ವೊ ಉಬ್‌ಜೊಕೊಯ್ನಿ. ಕತೋಬಿ ಪಖ್ವಾನ್‌ಖ್ವಾಜೆ ತಯೇಡ ಉಬ್ಬಿರಲ್ವೊ.

10 ಅನಖ್ವಾಜೇಧಿ ಸೊರ್ಗ ದೂತರ್ನ್ ಖ್ವಾಪ್ಪೆ ಇನು ಬಾವಿನ ಹಕ್ಮ ಛಾಕರಿ ವತಾಳನಖ್ವಾಜೆ ಘುಮ್‌ಟೊ ನಾಖಾನು ಜರೂರತ್ ಹುಯಿರ್ಲ್ವಸ್.

11 ಕತೋಬಿ ಪ್ರಭುಮ ಮಳಿರ್ಲ್ವಾಮ ಪಖ್ವೊಕೊಂತೆ ತಯೇಡಬಿ ತಯೇಡಕೊಂತೆ ಪಖ್ವೊಬಿ ಪೂರ ಕೊ ಹುಯಿರ್ಲ್ವೆಯ್.

12 ಶನಕತೊ ತಯೇಡ ಪಖ್ವಾಧಿ ಪೈದಹುವಸ್. ಕತೋಬಿ ಖ್ವಾರುಸ್ ದೇವ್‌ಧಿಸ್ ಹುಯಿರ್ಲ್ವಸ್.

13 ತುಮಾರಮ ತುಮೇಸ್ ವಿಚಾರ್ ಕರಿನ್ ತೀರ್ಮಾನ್ ಕರಿಲೆವೊ. ತಯೇಡ ಘುಮ್‌ಟೊಕೊಂತೆ ದೇವ್ ಪ್ರಾರ್ಥನೆ ಕರಾನು ಬರೋಬರ್ ಕಿಶು?

14 ಪಖ್ವೊ ಕೇಖ್ ವಧೈಲಿದೋತೊ ಯೊ ಇನ ಖ್ವರಮ್ ಕರಿ ದೆಖಾಡಸ್ಸಿ.

15 ತಯೇಡ ಕೇಖ್ ವಧೈಲಿದಿತೊ ಯೊ ಇನ ಘುಮ್ಮಾನ ಬದಲ್ ದೆವೈರ್ಟೀನ್ ಕೇಖ್ ಇನ ಶನ್‌ಗಾರ್‌ನ ಏಕ್ ಭಾಗ್ ಹುಯಿರ್ಲ್ವಸ್. ಮಾಮೂಲಿಮ ತುಮೂನ ಮಾಲುಮ್‌ಪಡಕೊಯ್ತಿ ಕಿಶು?

16 ಕತೋಬಿ ಅನಿಬಾರೇಮ ಕೋಣ್‌ತೋಬಿ ಅಬ್ಬಾಜಬ್ಬಿ ಕರಾನು ರಟ್ಟಿಯುತೊ ಇನ ಮೇ ಅತ್ರೇಸ್ ಬೋಲುಸ್; ಅಥ್ರಾನಿ ಪದತ್ತಿ ಹಮಾರಮ ರ್ವೊ ಅಜ್ಜು ದೇವ್ ಸಬೆವ್‌ಮ ರ್ವೊ ಕೊಯ್ತಿ.

ಪ್ರಭುನಿ ಭೋಜನ್ನಿ ಬಾರೇಮ ಶಿಕಾಡನು

(ಮತ್ತಾಯ 26:26-29; ಮಾರ್ಕ 14:22-25; ಲೂಕ 22:14-20)

17 ಹಮ್ಮೆ ತುಮೂನ ಬೋಲಾನ ಆಯೋತಿ ವಾತೆಮ ತುಮೂನ ಖ್ವರವ್‌ಕೊಯ್ತಿ, ಶನಕತೊ ತುಮೆ ಸಬೆ ಹುಯಿನ್ ಮಳಿನ್ ಆವಾನಿ ವಖ್ವೆತಿ ಅಲ್ಪು ಹುವಾಥೀಬಿ, ಜಾಖ್ವತ್ ಲುಕ್ವಾನ್ ಹುವ್‌ಕರಸ್.

18 ಕಿಮ್‌ಕತೊ ಪಹಿಲೆ, ತುಮೆ ಸಬೆಹುಯಿನ್ ಮಳಿನ್ ಆವಾನಿ ವಖ್ವೆತಿ ತುಮರಾಮ ಕಚ್ಚರ್ ಹುವಾನು ಖ್ವಮ್‌ಜುಸ್. ಅನ ಜರ ವಿಶ್ವಾಸ್‌ಬಿ ಕರುಸ್.

19 ಥೋಡುಜ್ಜಣು ದೇವ್‌ಥಿ ಯೋಗ್ಯಕರಿ ಬೋಲೈಲ್ಯವಾಳು ಛಾಕರಿ ದೆಖಾವನಖ್ವಾಜೆ ತುಮಾರಮ ಬೇಭಾಗ್ ಹುವಾನು ಜ್ಜರೂರತ್ ಅನೇಥಿ ಕೋಣ್ ಬರಬ್ಬರ್ ಛಾಕರಿ ಮಾಲುಮ್ ಪಡಾಸ್.

20 ಇನಖ್ವಾಜೆ ತುಮೆ ಸಭೆಹುಯಿನ್ ಮಳಾನಿ ವಖ್ವಾತೆ ತುಮೆ ಕರಸ್ತೆ ಪ್ರಭುನು ಭೋಜನ್ ಯೊ ಪ್ರಭುನು ಭೋಜನ್ ಕಾಹೆ.

21 ಶನಕತೊ, ಹರೇಕ್‌ಜ್ಜಣು ಬಿಜೇಕ್ ಜ್ಜಣಾನಖ್ವಾಜೆ ಟಿವಾವಕೊಂತೆ ಇನು ಭೋಜನ್ನ ಅಗಾಡಿಸ್ ಶುರುಕರಸ್. ಅನೇಥಿ ಏಕ್‌ಜ್ಜಣೊ ಭುಕ್ಕೊರ್ಲ್ವೆಸ್, ಬಿಜೇಕ್ ಜ್ಜಣೊ ಪೀರಾಖಸ್.

22 ಖಾವಾನಬಿ, ಪೀಯಾನಾಬಿ ತುಮೂನ ಘರ್ ಕೊಯ್ಚಿ ಶು? ನತರ್ ದೇವ್ನಿ ಸಬೆನ ಝೀಟ್ಯಾರೀನ್ ಶಾಕ್ತಿಕೊಂತೆ ಇವ್ವುನ ಖ್ವರಮ್ ಕಾಡೋಸ್‌ಕಿ ಶು? ಮೇ ತುಮೂನ ಶಾತ್ ಬೋಲು? ಮೇ ತುಮೂನ ಖ್ವರಾಯೆಜಾಯ್? ಆ ಬಾರೇಮ ಖ್ವಚಂಬಿ ಕೊಯ್ಚಿ.

23 ಮೇ ಪ್ರಭುಥಿ ಲೀಲಿದೋತೆ ಯೊ ತುಮೂನ ದಿನಾಖ್ಯೊ; ಪ್ರಭು ಹುಯಿರೋತೆ ಯೇಸು ಯೊ ಧರೈ ದೆವೈಗಯೋತೆ ರಾತ್ಮ ರೋಟಾನ ಪಾಡಿನ್,

24 ಧನ್ಯವಾದ್ ಕರೀನ್, ತೋಡಿನ್ “ಆ ತುಮಾರಖ್ವಾಜೆ ಹುಯಿರಲ್ವೆತೆ ಮಾರು ಶರೀರ್, ಮನ ಯಾದ್‌ಕರಾನಖ್ವಾಜೆ ಅನ ಕರೊ” ಕರಿ ಬೋಲ್ಯೊ.

25 ಯೋಸ್ ಪರಕ್ಮ ಖಾಣು ಹುವಾದಿನ್ ಇನೆ ಕಟೋರಿನ ಪಾಡೀನ್ ಬೋಲ್ತೊಹುಯಿನ್, “ಆ ಕಟೋರಿ ಮಾರ ಲೈಲ್ವೆಯಿಥಿ ಮುದ್ರೊ ನಖೈರಲ್ವೆತೆ ನವು ಒಪ್ಪಂದ ಹುಯಿರುಸ್. ತುಮೆ ಅನಾಮ ಪೀಯಾನಿ ಖ್ವಾರಿ ವಖ್ವಾತೆ ಮನ ಯಾದ್ ಕರಿಲ್ಯಾವಾನಖ್ವಾಜೆ ಪೀಯೊ” ಕರಿ ಬೋಲ್ಯೊ.

26 ಶನಕತೊ ಕದೆಕದೇಬಿ ತುಮೆ ಆ ರೋಟಾನ ಖಾಸ್ತಿ, ಅಜ್ಜು ಆ ಕಟೋರಿಮ ಪೀಯಾಸ್ತಿ ತದೆ ಯೊ ಆವಾನಿ ವಖ್ವಾತೆ ಪ್ರಭುನಿ ಮರಣ್ಣ ಊಚು ಪಾಡ್ತು ರ್ಲೆಶು.

27 ಅಮ್‌ಛಾತೆ ಇನಖ್ವಾಜೆ ಕೋಣ್‌ತೋಬಿ ನಾಲಾಯಕ್ ಹುಯಿನ್ ಪ್ರಭುನ ರೋಟಾನ ಖಾದುತೊ ಕೊಯಿಂತೊ, ಇನ ಕಟೋರಿಮ

ಪೀದುತ್ತೋ ಯೋ ಪ್ರಭುನ ಶರೀರನಾಬಿ ಲ್ಲೋಯಿನಾಬಿ ಧೋಕ ಕರಾವಾಳೊ ಹುಯಿರ್ದೆಶೆ.

28 ಕತೋಬಿ ಹರೇಕ್ ಅದ್ವಿ ಇನು ಯೋ ತರೀಪ್ ಶ ಕರಿಲ್ವವಾಳೊ ಹುಯಿನ್ ಯೋ ರೋಟಾಮ ಪಾಡಿಲೀನ್ ಖಾವಾದೆ, ಯೋ ಕಟೋರಿಮ ಪೀಯಾದೆ.

29 ಶನಕತೋ ಪ್ರಭುನು ಶರೀರಕರಿ ಪರ್ವಿಲೇಯಿಕೊಂತೆ ಪೈನ್ ಪೀಯವಾಳು ಇಮ್ ಪೈನ್ ಪೀಯಾಥಿ ಇವ್ವಪರ್ ನ್ಯಾವ್ನಿ ತೀರ್ಪ್ನ ಲೀಲಾವಳು ಹುಯಿರ್ದೆಶ್.

30 ಅನೇಥಿ ತುಮಾರಮ ಘಣು ಅದ್ವಿ ಕಮ್ಜೋರಿಬಿ, ರೋಗ್ವಾಳುಬಿ ಹುಯಿರ್ದೆಶೆ. ಅಜು ಕೈಏಕ್ ಜಣು ಮರಿರ್ದೊಸ್.

31 ಅಪ್ಪುನ ಅಪ್ಪೆಸ್ ಪರ್ವಿಲಿದಾತೋ ನ್ಯಾವ್ನಿ ಝಗೋಮ ಭೀರಿಶುಕೊಯ್.

32 ಕತೋಬಿ ಪ್ರಭು ಅಪ್ಪುನ ನ್ಯಾವ್ನಿ ಝಗೋಮ ಭೀರಾಖನಿ ವಖ್ತೆ, ಅಪ್ಪೆ ಜಗತ್ವಾಳಾನಿ ಜೋಡ್ಡ್ ಖತ್ತಾಪ್ಪಿಮ ಖಪ್ಪಡ್ ನಾ ಕರಿ ಯೋ ಅಪ್ಪುನ ನಿಶತ್ ದೇಸ್.

33 ಅಮ್ ಛಾತೆಖ್ವಾಜೆ ಮಾರ ಭೇನೆ ಬೈಯೇವೊ, ತುಮೆ ಭೋಜನ್ನಖ್ವಾಜೆ ಮಳಿನ್ ಆವಾನಿ ವಖ್ತೆ ಏಕ್ಥಿ ಏಕ್ಥಣಾನ ಖ್ವಾಜೆ ಭಪಿರ್ದೆವೊ.

34 ಕೋಣತೋಬಿ ಭುಕ್ಕೊರ್ದೆಯೋತೋ ಯೋ ಘರ್ಮಾಸ್ ಖಾವಾದೆ. ಅನೇಥಿ ತುಮೆ ದೇವ್ನಿ ತೀರ್ಪ್ನಮ ಮಳಿನ್ ಆಪ್ಪು ನಾ. ಬಿಜು ಉಬ್ರಿಹುಯಿ ವಾತೆಖ್ವಾರಿ ಮೇ ಐನ್ ಖಮ್ಜಾಡಿಸ್.

12

ಪವಿತ್ರಾತ್ಮನು ವರ

1 ಭೇನೆ ಬೈಯೇವೊ, ಹಮ್ಮೆ ಪವಿತ್ರಾತ್ಮಧಿ ಮಳಾತೆ ವರಾನಿಬಾರೇಮ ತುಮೆ ಬಿಣ್ಣೆಲ್ವೊಲಿ ನಾ ಹುಯಿರ್ದೆಣು. ಕರಿ ಆಖ್ವ್ ಕರುಸ್.

2 ತುಮೆ ಅಲ್ವಾಪ್ ಅದ್ವಿ ರ್ದೆವಾನಿ ವಖ್ತೆ ವಾಟ್ ಬೈಕಿನ್ ಕಿಮ್ ಮುಕ್ ಮೂರತ್ ಭಣಿ ಫರಿರಾಥ ಕರಿ ತುಮೆ ಮಾಲುಮ್ ಕರಿರಾಖ್.

3 ಅಮೆಲ್ಲಾತೆ ಇನಖ್ವಾಜೆ ಮೇ ತುಮೂನ ಖ್ವಮ್‌ಜಾಡ್ಯತೆ ಯೊ ಖ್ವಮ್‌ಜೊ. ದೇವ್ ಆತ್ಮಾಧಿ ವಾತ್ ಬೋಲವಾಳೊ ಕೋಣ್‌ಬಿ, “ಯೇಸು ಶಾಪವಾಳೊ” ಕರಿ ಬೋಲಕೊಯ್ನಿ. ಪವಿತ್ರಾತ್ಮನಿ ಖ್ವಾಜ್‌ಧೀಸ್ ಪಣ್ಣಿ ಕೋಣ್‌ಬಿ “ಯೇಸುಸ್ ಪ್ರಭು” ಕರಿ ಬೋಲಾನ ಹೋಯಿಕೊಯ್ನಿ.

4 ಅಖ್ವಿಆತ್ಮಾನು ವರಾಮ ಅಲಕ್ ಅಲಕ್ ತರ ಛಾ. ಕತೋಬಿ ಇನ ದೈವಾಳೊ ಪವಿತ್ರಾತ್ಮ ಎಕ್ಸ್‌ಜೆಣೊ.

5 ಅಖ್ವಿ ಸೇವೆಮ ಕೈಯೇಕ್ ತರ ಛಾ. ಕತೋಬಿ ಎಕ್ಸ್‌ಜೆ ಛೊ ಪ್ರಭುನ ಸೇವೆ ಕರಿಯೇಸ್.

6 ಅಖ್ವಿಕಾಮ್ಮಿ ಪರಕ್ಮ ಅಲಕ್ ಅಲಕ್ ತರ ಛಾ ಖ್ವಾರಾಸ್‌ಮ ಅಖ್ವಾಸ್ ಕಾಮ್ ಕರಾನ ಶಕತ್ ದೈವಾಳೊ ದೇವ್ ಎಕ್ಸ್‌ಜೆಣೊ.

7 ಹರೇಕ್ ಜಣಾನ ನಫ್ಫಾನಖ್ವಾಜೆ ಪವಿತ್ರಾತ್ಮನು ದರ್ಶನ ಹರೇಕ್ ಜಣಾನ ದೆವೈರೊಸ್.

8 ಕಿಮ್‌ಕತೊ, ಪವಿತ್ರಾತ್ಮ ಏಕ್‌ಜೆಣಾನ ಗ್ಯಾನ್‌ಧಿ ಭರೈರೊವನಿ ಸಂದೇಶ್‌ಬಿ ಬಿಜೇಕ್ ಜಣಾನ ಅಕ್ಕ್‌ಲೊಧಿ ಭರೈರೊವನಿ ಸಂದೇಶ್‌ಬಿ ದೇಸ್.

9 ಏಕ್‌ಜೆಣಾನ ವಿಶ್ವಾಸ್‌ಧಿ ಯೋಸ್ ಆತ್ಮಾನು ವರ ಹುಯಿರೊಸ್, ಬಿಜೇಕ್‌ಜೆಣಾನ ರೋಗ್ ಅಛ್ಚು ಕರಾನು ಯೋಸ್ ಆತ್ಮಾಧಿ ದೆವೈರೊಸ್.

10 ಏಕ್‌ಜೆಣಾನ ಅದ್ಭುತ್ ಕಾಮ್‌ಕರಾನಿ ಶಕತ್‌ನಾಬಿ ಅಜೇಕ್ ಜೆಣಾನ ಪ್ರವಾದನೆನಾಬಿ, ಏಕ್‌ಜೆಣಾನ ಆತ್ಮಾನ ಸೋಚ್‌ಸಮಜ್‌ಕರಾನಿ ವರಾಬಿ, ಬಿಜೇಕ್‌ಜೆಣಾನ ಹರೇಕ್ ತರೀಖಾನಿ ಬೋಲಿ ಬೋಲಾನಿ ವರಾಬಿ, ಏಕ್‌ಜೆಣಾನ ಬೋಲಿನಿ ಮತಲಬ್‌ನ ಫೋಡಿಸ್ ಬೋಲಾನಿ ವರಾಬಿ ದೇವಾವ್‌ಶೆ.

11 ಕತೋಬಿ ಆ ಖ್ವಾರೀಸ್ ವರಾನ ಎಕ್ಸ್‌ಜೆಣೊ ಆತ್ಮ ಇನಿಖ್ವಾಜ್‌ನಿಫೊಣಿ ಅಲಕ್ ಅಲಕ್ ಜೆಣಾನ ಭಾಗ್ ಪಾಡಿದೇಸ್.

ಕೈಯೆಕ್ಚಿ ಭಾಗ್‌ನಿ ಜೋಡ್ತ ಎಕ್ಸ್‌ಜೆ ಶರೀರ್

12 ಕ್ರಿಸ್ತ ಕೈಯೀಕ್ ಭಾಗ್ ಬಣ್ಣೊಹುಯೊ ಎಕ್ಕಸ್ ಶರೀರ್ ಹುಯಿರ್ದೋಸ್. ಇಮ್ಮಸ್ ಶರೀರ್‌ನು ಬಾಗ್‌ಅಖ್ವು ಕೈಏಕ್ ರ್ವೋನ್ ಎಕ್ಕಸ್ ಶರೀರ್ ಹುಯಿರ್ದೋಸ್ತೆ ಇಮ್ಮಸ್ ಕ್ರಿಸ್ತಬಿ ಹುಯಿರೋಸ್.

13 ಅಮ್ಮಸ್ ಯೆಹೂದ್ಯರ್ ರ್ವೋ, ಯೆಹೂದ್ಯಕಾಹೇತೆ ರ್ವೋ ಗುಲಾಮ್ ರ್ವೋ ಛುಟ್ಕಾರ್ ರ್ವೋವಾಳು ರ್ವೋ ಅಪ್ಪೆಖ್ವಾರು ಎಕ್ಕಸ್‌ಜಣೊ ಆತ್ಮಧಿ ಎಕ್ಕಸ್ ಶರೀರ್‌ನ ಮಹಿ ಬ್ಯಾಪ್ತಿಸ್ಮ ಲೀಲಿದ. ಅಪ್ಪೆಖ್ವಾರಾನ ಎಕ್ಕಸ್‌ಜಣೊ ಪವಿತ್ರಾತ್ಮನ ಪಿಯಾನ ದೆವಾಯು.

14 ಏಕ್ ಶರೀರ್ ಎಕ್ಕಸ್ ಭಾಗ್‌ವಾಳು ಕಾಹೆ, ಕೈಏಕ್ ಭಾಗ್‌ವಾಳು ಹುಯಿರ್ದೋಸ್.

15 ಗೋಡೊ” ಮೇ ಹಾತ್‌ಕೊಂತೆ ಟೇಕೆ ಶರೀರ್‌ನ ಮಳ್ಳುಕೊಯ್ತಿಕರಿ ಬೋಲೆಜಾಯ್, ಕತೋಬಿ ಅಮ್ ಖಲಿ ಬೋಲ್ಯುತೆ ಗೋಡೊ ಶರೀರ್‌ಧಿ ಅಲಕ್ ಹುಯಿಗುಕೊಯ್ತೆ.

16 ಅಜು ಕಾನ್, “ಮೇ ಡೋಳೊ ಕಾಹೆ ಇನಖ್ವಾಜೆ ಶರೀರ್‌ಮ ಮಳ್ಳೊಕೊಯ್ತೆ” ಕರಿ ಬೋಲ್ಯುತೋಬಿ ಯೋ ಶರೀರ್‌ಮ ಮಳ್‌ಶೆಕೊಂತೆ ರ್ವೆಶೆಕಿಶು?

17 ಶರೀರ್ ಅಖ್ವು ಡೋಳೊಹುಯಿಗುತೊ ಅಪ್ಪೆ ಖ್ವಮ್‌ಜಾನು ಕಿಮ್? ನತರ್ ಯೋ ಅಖ್ವು ಕಾನ್ ಹುಯಿಗುತೊ ಖ್ವಂಗಾನು ಕಿಮ್?

18 ಇನಖ್ವಾಜೆ ಶರೀರ್‌ನ ಅಖ್ವುಭಾಗ್‌ನ ದೇವ್ ಯೋ ಇನು ಮರ್ಜಿಫಿ ಪರಕ್ಮ ಹರೇಕ್‌ಜಿನು ಬರೋಬರ್‌ಧಿ ಬಣ್ಣೆರಾಖೊಸ್.

19 ಯೋ ಖ್ವಾರೊಸ್ ಎಕ್ಕಸ್ ಭಾಗ್ ಹುಯಿರ್ದೊತೊ ಶರೀರ್ ಕಿಜ್ಜಾ ರ್ವೆಶೆ?

20 ಕತೋಬಿ ಹಮ್ಮೆ ಭಾಗ್ ಕೈಏಕ್ ರ್ವಯುತೋಬಿ ಶರೀರ್ ಖಲಿ ಎಕ್ಕಸ್.

21 ಡೋಳೊ ಹಾತ್ತ್, “ತೂ ಮನ ಜರೂರತ್ ಕೊಯ್ತೆ” ಕರಿ ರ್ವೋ ಬೋಲಾನ ಹೋಯಿ ಕೊಯ್ತೆ. ಮುಡಕ್ಕು ಪಂಜಾನ ಜರೂರತ್ ಕೊಯ್ತಿಕರಿ ಬೋಲಾನ ಕೊಹೊಯ್ತೆ.

22 ಕತೋಬಿ ಶರೀರ್‌ಮ ಕಮ್‌ಜೋರಿನು ಕರಿ ದೆಖಾವತೆ ಭಾಗ್

ಅಖ್ಖು ಕೆತ್ತೂಕಿ ಜಾಖ್ಹತ್ ಜರೂರತ್ ಲ್ಲಾ.

23 ಕಮ್ ಮರ್ಯಾದಿ ಕರಾವಾಳು ಕರಿ ಸೋಚಿಯೇಸಾತೆ ಖ್ಹಾರನ ವಿಶೇಷ್ ಮರ್ಯಾದಿಧಿ ದೇಖೆಸ್. ಖೆವ ಶರೀರ್‌ನ ಭಾಗ್ನ ಅಖ್ಖುನ ಕಡ್‌ತೇಲಾಕಿ ಯೊ ಭಾಗ್ನ ದೇವ್ ವಿಶೇಷ್ ಮರ್ಯಾದಿ ದೇಸ್.

24 ಘಣು ಶನ್‌ಗಾರ್ ರ್ಲವಾನ ಶರೀರ್‌ನ ಭಾಗ್ನ ಅಮ್ಮು ವಿಶೇಷ್ ಖ್ಹಿದ್ರಕರಾನಿ ಜರೂರತ್ ಕೊಯ್ನಿ. ಕತೋಬಿ ಖಿವು ಭಾಗ್ ಕೀಳ್ ಧೂಕಿ ವಿಶೇಷ್ ಮರ್ಯಾದಿ ದೇವ್ ದಿದೊ.

25 ಶರೀರ್‌ಮ ಅಲಕ್ ಕರಿ ಕಚ್‌ಕೊಂತೆ ಅಖ್ಖು ಏಕ್‌ಧಿ ಏಕ್ ಮಳೆನ್ ಜಾವಾನಿತರ ಕರಿರಾಖ್ಲೊಸ್.

26 ಶರೀರ್‌ನು ಏಕ್ ಭಾಗ್ನ ಅಜ್ಹುಯಿತೊ ಅಖ್ಖುಸ್ ಭಾಗ್ನಾಬಿ ಅಜ್ಹ ಹುವಾಸ್; ಏಕ್ ಭಾಗ್ನ ಖ್ಹಿರಾವ್ಣಿ ಮಳ್ಳುತೊ ಅಖ್ಖುಸ್ ಭಾಗ್ನಾಬಿ ಖುಷಿ ಹುವಾಸ್.

27 ಹಮ್ಗೆ ತುಮೆ ಕ್ರಿಸ್ತನು ಶರೀರ್ ಹುಯಿರಾಸ್. ತುಮಾರಮ ಹರೇಕ್ ಜಣುಬಿ ಯೋ ಶರೀರ್‌ನು ಭಾಗ್‌ಅಖ್ಖು ಹುಯಿರಾಸ್.

28 ದೇವ್ ಇನಿ ಸಬೆಮ ಪಹಿಲೆ ಅಪೊಸ್ತಲರ್ನ್ ಬೇನು ಪ್ರವಾದಿಖ್ಹಾರನ, ತೀನ್ನು ಸಂದೇಶ್ ಶಿಕಾಡವಳನ ಮಿಲ್ಹಾಣ್ಯೊಸ್. ಪಾಲ್ಟಳ್‌ಧು ಅದ್ಭುತ್ ಕಾಮ್ನ ಕರಾವಳನ, ರೋಗ್ ಅಖ್ಖು ಅಲ್ಟು ಕರವಾಳನ, ಅಲಕ್‌ನ ಮದತ್ ಕರವಾಳನ, ವಾಟ್‌ವತಾಳವಾಳನ, ಥರಥರಾನಿ ಬೋಲಿ ಬೋಲಾನಿ ವರಾನ ದೀರಾಖ್ಲೊಸ್.

29 ಅಖ್ಖುಸ್‌ಜಣು ಅಪೊಸ್ತಲರ್‌ಕಿ ಶು? ಅಖ್ಖುಸ್ ಪ್ರವಾದಿಕಿ ಶು? ಅಖ್ಖುಸ್ ಅದ್ಭುತ್‌ಕಾಮ್ ಕರಾವಾಳುಕಿ ಶು?

30 ರೋಗ್ನ ಅಲ್ಟುಕರಾನಿ ವರ ಅಖ್ಖುನಾಬಿ ಲ್ಲಾಕಿಶು? ಥರಥರಾನಿ ಬೋಲಿ ಬೋಲವಾಳುಕಿ ಶು? ನತರ್ ವಾತೆನಿ ಮತಲಬ್‌ನ ಛೋಡಿ ಬೋಲವಾಳುಕಿ ಶು?

31 ಕತೋಬಿ ತುಮೆ ಮಹಾನ್ ವರಾನ ಆಖ್ಹೆಕರೊ. ಮೇ ತುಮೂನ ಬಿಜೂಬಿ ಅಖ್ಖುಸ್ ಊಚೊ ಮಾರಗ್‌ನ ವತಾಳುಸ್.

ಪ್ಯಾರ್

1 ಮೇ ಅದ್ವಿವೋನಿ ವಾತೆಖ್ವಾರಿಬಿ ದೇವ್ನ ದೂತರ್‌ನಿ ವಾತೆ ಬೋಲವಾಳೊ ರ್ವಿಯೊತೋಬಿ ಮನ ಪ್ಯಾರ್ ನಾರ್ವಯುತೊ ವಾಙ್ ದ್ಯವಾಳೊ ಘಟೊಬಿ, ಘಣಘಣ ಕರಾನು ಕಖ್ವಾಳಿಬಿ ಹುಯಿರುಸ್.

2 ಮನ ಪ್ರವಾದನೆ ವರ ರ್ವಯುತೋಬಿ, ಮೇ ಖ್ವಾರುಸ್ ಗಪ್ಲಧಿ ರ್ವಿಯಿತೇಬಿ ಅಖ್ವಿಧರಾನು ಪಥಂತನ ಮಾಲುಮ್ ಕರಿರಾಖ್ಯೊತೋಬಿ, ಪಹಾಡ್ನ ಖ್ವರ್ಕಾವಯೆತ್ರಿ ವಿಶ್ವಾಸ್ ರ್ವಿತೋಬಿ ಮನ ಪ್ಯಾರ್ ನಾರ್ವಯುತೊ, ಶಾತ್ತ್ವಿನಾ ರ್ವವಾಳೊ ಹುಯಿರೋಸ್.

3 ಮೇ ಮಾರಿ ಖ್ವಾರಿಶೊತ್ತನ ಧರಮ್ ದೀನಾಖ್ಯೊತೋಬಿ, ಮಾರ ಶರೀರ್‌ನ ಬಾಳಿನಾಖನ ದೀನಾಖ್ಯೊತೋಬಿ, ಪ್ಯಾರ್ ಮನ ನಾರ್ವಯುತೊ ಮನ ಶನೊ ಫಾಯಿದೊಬಿ ಕೊಯ್ನಿ.

4 ಪ್ಯಾರ್ ಘಣು ಖ್ವಮಾಳಿಲ್ವವಾಳು, ಪ್ಯಾರ್ ಗೋರ್‌ಕರಾವಾಳುಬಿ, ಪ್ಯಾರ್ ಪೇಟ್ನೊ ಬಳಾಪೊ ಕೊಕರಾನಿ, ಪ್ಯಾರ್ ಖ್ವರೈಲೇಯಿಕೊಯ್ನಿ ಅಙ್ಕು ಯೊ ಹಂಕಾರ್ ಕರಾಕೊಯ್ನಿ.

5 ಯೊ ಬಿಜೇಕ್‌ಜಣಾನಿ ಖ್ವರಮ್ ಕಾಡಕೊಯ್ನಿ, ಇನ ಅಲ್ಟಾನಾಸ್ ಡೂಂಡಕೊಯ್ನಿ, ಒಗ್ಗಿಮ ಇರಾದೊಕರಾಕೊಯ್ನಿ, ಗಲತ್‌ನ ಗಣ್ತಿಮ ಫಾಲಕೊಯ್ನಿ.

6 ಖಿರಾಬ್ತು ಖುಷಿಕರಾಕೊಯ್ನಿ, ಖ್ವಾಙ್‌ನಿಜೋಡ್ನು ಖ್ವಶಿಕರಸ್.

7 ಅಖ್ವಾನಸ್ ಲಪಾಡಸ್, ಅಖ್ವಾಸ್ನ ವಿಶ್ವಾಸ್‌ಕರಸ್, ಅಖ್ವಾಸ್ನ ಭರೋಖ್ವೊ ಕರಸ್, ಅಖ್ವಾಸ್ನ ಖ್ವಮಾಳಿಲೇಸ್.

8 ಪ್ಯಾರ್ ಕದೇಬಿ ಮಟಿಜಾಯಿಕೊಯ್ನಿ, ಪ್ರವಾದನೆ ಖ್ವಾರುತೋಬಿ ಅಖ್ವು ಮಟಿಜಾಶೆ, ಅಲ್ವಾವ್ ಬೋಲಿ ಅಖ್ವು ಭೀರಿಜಾಶೆ, ಪಥಂತತೊ ಮಟಿಜಾಶೆ.

9 ಅಪ್ಲೆ ಆಧು ಖ್ವಮ್‌ಜಿನ್ ಆಧು ಪ್ರವಾದನೆ ಕರೇಸ್.

10 ಕತೋಬಿ ಪೂರಲ್ಹಾತೆ ಆಯುತೊ ಪೂರಹುವಾಕೊಂತೆ ಯೋ ಮಟಿಜಾಶೆ.

11 ಮೇ ಅಡ್ಡಾಣಿ ರ್ವವಾನಿ ವಖ್ವೆತೆ, ಅಡ್ಡಾಣಿನಿ ವಾತೆಖ್ವಾರಿ

ಬೋಲ್ಯೊ ಅಡ್ಡಾಣಿನಿತರ ಖ್ವಿಯಾಲ್‌ಕರೊಯ್, ಅಡ್ಡಾಣಿನಿತರಸ್ ಸೋಚ್ಚೊ ಶಾಣೊ ಹುವಾದಿನ್ ಅಡ್ಡಾಣಿನುಖ್ವಾರು ಮ್ಹೇಲಿದಿದೊ.

12 ಹಮ್ಮೆ ಅಪ್ಲೆ ಐನಾಮ ದೆಖಾತೆ ತಿಮ್ಮಸ್ ಭುಂಬ್‌ಳ್ಳು ದೇಖಿಸ್. ತದೆ ಆಮಖ್ವಾಮೆ ದೇಕ್‌ಶು. ಹಮ್ಮೆ ಮನ ಖಲಿ ಜರ ಮಾಲುಮ್ ಛಾ. ತದೆ ಮೆ ಪೂರ ಖ್ವಮ್‌ಜಾಡ್‌ಶೇತೆ ತಿಮ್ ಪೂರ ಖ್ವಮ್‌ಜಿಲೀಶ್.

13 ಅನಖ್ವಾಜೆ ಹಮ್ಮೆ ವಿಶ್ವಾಸ್, ಟಿವೈರ್‌ವಾನು, ಪ್ಯಾರ್ ಆ ತೀನಸ್ ಬಚಿರ್ದೆಸ್. ಆ ಅಖ್ವಾಮ ಮೋಟು ಪ್ಯಾರಸ್.

14

ಅಲಕ್ ಬೋಲಿ ಅಜ್ಜು ಪ್ರವಾದನೆ ಕರಾನು ವರ

1 ಪ್ಯಾರ್‌ನ ಮಾರಗ್‌ಪರ್ ಛಾಲೊ. ನಾಹುಯಿನ್ ಪವಿತ್ರಾತ್ಮನ ವರಖ್ವಾರು ಲೀಲ್ಯಾವಾನ ವಿಶೇಷ್‌ಧಿ ಪ್ರವಾದ್‌ನೇನು ವರಾನ ಘಣು ಆಖ್ವಾಕರೊ.

2 ಅಲ್ಟಾವ್‌ಬೋಲಿ ಬೋಲವಾಳೊ, ಅದ್ನಿನಿ ಜೋಡ್ಡ ಕಾಹೆ ದೇವ್‌ಜೋಡ್ಡ ವಾತೆಬೋಲಸ್. ಶನಕತೊ ಯೋ ಪವಿತ್ರಾತ್ಮಧಿ ಗಪ್ಲತ್‌ನಿ ವಾತೆಖ್ವಾರಿ ಬೋಲವಾಳೊ ಹುಯಿರ್ದೆಸ್ ಇನಖ್ವಾಜೆ ಕೋಣ್‌ಬಿ ಮಾಲುಮ್ ಕರಾನ ಕೋಹೊಯ್ನಿ.

3 ಕತೋಬಿ ಪ್ರವಾದ್‌ನೆ ಕರವಾಳೊತೊ ಅದ್ನಿವೊನಿ ಜೋಡ್ಡ ವಾತೆ ಬೋಲಸ್. ಇವ್ಚಿ ಭಕ್ತಿ ಜಾಖ್ವತ್‌ಕರಾನ, ಭಾಲಿದ್ಯವಾನ, ಸಮಾಧಾನ್ ಕರಾನಖ್ವಾಜೆಕರಾಸ್.

4 ವಾಣಿ ಬೋಲವಾಳೊ ಇನಿ ಭಕ್ತಿನ ಜಾಖ್ವತ್ ಕರಸ್. ಕತೋಬಿ ಪ್ರವಾದ್‌ನೆ ಕರವಾಳೊ ಸಬೆನ ಭಕ್ತಿಧಿ ಭಡಾವಸ್.

5 ತುಮೆಖ್ವಾರುಬಿ ವಾಣಿಖ್ವಾರು ಬೋಲ್ವುಕರಿ ಮೇ ಹಮ್ಮೆ ಹರಖ್ವೊತೋಬಿ, ಇನೇಧಿ ಜಾಖ್ವತ್ ತುಮೆ ಪ್ರವಾದ್‌ನೆ ಕರ್ನುಕರಿ ಹರ್‌ಖ್ವುಸ್. ವಾಣಿಖ್ವಾರು ಬೋಲವಾಳು ಸಬೇನಿ ಭಕ್ತಿ ಜಾಖ್ವತ್ ಕರಸ್. ಇನೇಧಿಬಿ ಪ್ರವಾದ್‌ನೆ ಕರವಾಳೊ ಮೋಟೊ ಹುಯಿರ್ದೆಸ್.

6 ಅಮೆರ್ವವಾಪರ್ ಭೇನೆ ಬೈಯೇವೊ, ಮೇ ತುಮಾರಕನ ಐನ್ ಪಡಂತ್‌ಧಿರ್ದೇವೊ, ಪ್ರವಾದನೆಧಿರ್ದೇವೊ, ವಾಟ್ ವತಾಳನುರ್ದೇವೊ ಬೋಲವಾಳ ನಾಹುಯಿರಿನ್ ಅಲ್ವಾವ್‌ಬೋಲಿಧಿ ಬೋಲವಾಳ ಹುಯಿರ್ದತ್ತೊ ಮಾರೇಧಿ ತುಮೂನ ಶನು ಫಾಯಿದೊ?

7 ವಾಖ್ಲೆ ಖ್ವಾರಂಗೊ ಬಿಜು ಕೆತ್ತುಕ್ಕಿ ಜಾನ್ ಕೊಂತೆ ವಾಜವಜಂತಿನು ಲ್ಹಾರ್‌ಮ ಶನುಪರಕ್‌ಬಿ ನಾ ದೆಖಾಯಿತೊ, ವಜಾಡ್ಯತೆ ಕೆಹು ಕರಿ ಕಿಮ್ ಮಾಲುಮ್‌ಪಡ್‌ಶೆ?

8 ತುತ್ತೂರಿನ ಬರೋಬರ್‌ಧಿ ಫೂಕ್ಕುನಾತೊ ಕೋಣ್‌ತೋಬಿ ಜಂಗ್‌ನ ತಯಾರ್ ಉಷೆ ಕಿಶು?

9 ಇಮ್ಮಸ್ ತುಮೆ ಬರೋಬರ್‌ನಿ ಬೋಲಿಮ ನಾ ಬೋಲ್ಯಾತೊ, ವಾತೆಬೋಲ್ಯತೆ ಶಾತ್‌ಕರಿ ಖ್ವಮ್‌ಜಾನ್ ಕಿಮ್? ತುಮಾರಿ ವಾತೆ ವಹಿರಾಮ ಉಡಿಜಾಶೆ ಎತ್ರೇಸ್:

10 ಜಗತ್ ಕೆತ್ತಿಧರಾನು ಬೋಲಿರ್ದತ್ತೊಬಿ ಯೋ ಅಖ್ವಾಮ ಏಕ್‌ತೋಬಿ ಮತ್ಲಬ್‌ಕೊಂತೆ ಕೊ ರ್ದೇಯಿನಿ.

11 ಬೋಲಿನಿ ಮತಲಬ್ ಮನ ಮಾಲುಮ್ ನಾ ಪಡ್ಯತೊ ಯೋ ವಾತ್ ಬೋಲವಾಳಾನ ಮೇ ಪರ್‌ದೇಖ್ವಾವಾಳನಿತ್ರ ರ್ದೇಶ್ ಯೋ ಮನ ಪರ್‌ದೇಖ್ವಾವಾಳನಿತ್ರ ರ್ದೇಶೆ.

12 ಇಮ್ಮಸ್ ತುಮೇಬಿ ಪವಿತ್ರಾತ್ಮನಿ ವರಾನ ಘಣುಆಖ್ವ ಕರೋಸ್ತೆ ಇನಖ್ವಾಜೆ ಸಬೇನಿ ಭಕ್ತಿ ಭಡ್ತುಜಾವಾನಿತರ ಮದತ್ ಹುವಾನಿ ವರಾನ ಲೀಲ್ಯಾವನಖ್ವಾಜೆ ಘಣು ಆಖ್ವ ಕರೊ.

13 ಇನಖ್ವಾಜೆ ಅಲಕ್ ಬೋಲಿ ಬೋಲವಾಳೊ ಇನಿ ಮತಲಬ್‌ನ ಬೋಲಾನ ದೇವ್‌ಕನ ಪ್ರಾರ್ಥನೆ ಕರಾದೆ.

14 ಶನಕತೊ ಮೇ ಅಲಕ್ ಬೋಲಿಮ ಪ್ರಾರ್ಥನೆ ಕರೊತ್ತೊ ಮಾರು ಆತ್ಮ ಪ್ರಾರ್ಥನೆ ಕರ್ಶೆ, ಕತೋಬಿ ಮಾರು ದಿಲ್ ಶನು ಫಲ್ ಕೋದಿಶೇನಿ.

15 ಇಮ್‌ಕತೊ ಮೇ ಶಾತ್‌ಕರು? ಮೇ ಆತ್ಮಾಧೀಬಿ ಅಕ್ಕಲ್‌ಧೀಬಿ ಪ್ರಾರ್ಥನೆ ಕರೀಶ್ ಅಜು ಆತ್ಮಾಧೀಬಿ ಗೀದ್ ಬೋಲಿಶ್ ಅಕ್ಕಲ್‌ಧೀಬಿ ಗೀದ್ ಬೋಲಿಶ್.

16 ತೂ ಖಲಿ ಆತ್ಮಮ ಧನ್ಯವಾದ್ ಕರಯ್ತೊ ಮೂಲಮ್ ಕೊಯಿನ್ತೆ ಬೇರೊರ್ದವಾಳೊ ತಾರಿ ದನ್ಯವಾದ್ನಿ ಸ್ತುತಿನ ಆಮೆನ್ ಕರಿ ಬೋಲಾಶೆ ಕಿಮ್? ತೂ ವಾತ್ ಬೋಲಿಶಾತೆ ಇನ ಮೂಲಮ್ ಪಡಾಶೆ ಕೊಯ್ನಿ?

17 ತೂ ಅಣ್ಣಿನಿತರ ಧನ್ಯವಾದ್ ಕರೀಶ್ ಖ್ವಾಚಿಸ್, ಕತೋಬಿ ಬಿಜೇಕ್‌ಙ್ಗಣಾನ ಶನು ಫಾಯಿದೊ.

18 ಮೇ ತುಮಾರ ಖ್ವಾರೇಥಿಸ್ ಙ್ಗಾಖ್ತ್ ಅಲಕ್ ಬೋಲಿ ಬೋಲುಸ್ ದೇವ್ ಧನ್ಯವಾದ್ ಕರುಸ್.

19 ಕತೋಬಿ ಅಖ್ವಿ ಸಬೆಮ ಮೂಲಮ್ ಪಡಕೊಯಿನ್ತೆ ಅಲಕ್ ಬೋಲಿಮ ದಖ್ವಾಹಜಾರ್ ವಾತೆ ಬೋಲಧೀಬಿ ಬಿಜೇಕ್ ಙ್ಗಣಾನ ವಾಟ್ ಒತಾಳನು ಪಾಚ್‌ವಾತೆ ಬೋಲಾನು ಅಱ್ಫು.

20 ಭೇನೆ ಭೈಯೇವೊ ಲಡ್ಕವಿತರ ಸೋಚಾನು ಮ್ಹೇಲಿದೆವೊ. ಖರಾಬ್‌ನಿ ಬಾರೇಮ ಅಡ್ಡಣಿನಿತರ ರಕ್ಷಿಯತೋಬಿ, ತುಮಾರಿ ಖ್ವಾಜ್‌ಮ ಸಮಜ್‌ಧಾರ್ ಹುಯಿರ್ದೆವೊ.

21 “ಅಲಕ್ ಬೋಲಿವಾಳಧೀಬಿ, ಅಲಕ್ ದೇಖ್‌ವಾಳಾನ ಮ್ಹೋಡಾನಿ ಬೋಲಿಮ ಮೇ ಆ ಅದ್ಮಿಯೇವಾನಿ ಜೋಡ್ಡೆ ವಾತೆ ಬೋಲುಸ್, ಕತೋಬಿ ಇವ್ಣೆ ಮನ ಕಾನ್‌ದೇಯಿಕೊಯ್ನಿ ಕರಿ ಪ್ರಭು ಬೋಲಸ್” ಕರಿ ಧರ್ಮಶಾಸ್ತ್ರಮ ಲೀಖ್ತಿರುಸ್.

22 ಇನಖ್ವಾಜೆ ಅಲಕ್‌ಬೋಲಿ ಬೋಲಾನು ವಿಶ್ವಾಸ್ ಕರವಾಳನ ಖಲಿ ಹುಯಿರ್ದ್ವಾಸ್, ವಿಶ್ವಾಸ್‌ಕೊಂತೆ ಇವ್ಣುನ ವತಾಳನಿ ಖ್ವಣೇದ್ ಹುಯಿರುಸ್. ಕತೋಬಿ ಪ್ರವಾದನೆ ಭರೋಖ್ವೊ ಕರವಾಳನಾಸ್,

23 ಇನಖ್ವಾಜೆ ಸಬೆ ಅಖ್ವಾಸ್ ಮಳಿ ಆವಾದಿನ್ ಖ್ವಾರೊಸ್ ಅಲಕ್ ಬೋಲಿ ಬೋಲ್ಕುತೊ, ಮೂಲಮ್ ನಾರ್‌ವಾಳು ನತರ್ ವಿಶ್ವಾಸ್‌ಕೊಂತೆ ರ್ವಾಳು ಮಹಿ ಐನ್ ತುಮೆ ದೀವಾನು ಲಾಗಿಗುಕರಿ ಬೋಲಾಶೆ ಕೊಯ್ನಿಶು?

24 ಕತೋಬಿ ತುಮೆಖ್ವಾರು ಪ್ರವಾದನೆ ಬೋಲಾನಿ ವಖ್ವಾತೆ ವಿಶ್ವಾಸ್

ನಾರ್ವವಾಳು ರ್ವವೊ, ಮಾಲುಮ್ ನಾರ್ವವಾಳು ರ್ವವೊ, ಮಹಿ ಆಯಿನ್ ಖ್ವಮ್ಜ್ಯತೊ ಮೇ ಪಾಪಿಕರಿ ದಿಲ್ಮ ಮಾಲುಮ್ ಕರಿಲೇಸ್. ಖ್ವಮ್ಜ್ಯತೆ ಪ್ರವಾದ್‌ನೆರ್ಥೀಸ್ ಇನ ತೀರ್ಪ್ ಹುವಾಸ್.

25 ಯೋ ಅದ್ಮಿನಿ ದಿಲ್‌ಮಾನಿ ಗಪ್ಲತ್‌ನಿ ವಾತೆಖ್ವಾರಿ ಭಾರ್ ಆವಸ್. ಯೋ ಅಡ್‌ಪಡೀನ್ ದೇವ್ ಆರಾದನೆ ಕರೀನ್ “ದೇವ್ ಖ್ವಾಚಮಾಸ್ ತುಮಾರ ಇಚ್ಛೆಮ ಛಾ.” ಕರಿ ಬೋಲಸ್.

ಸಬೆಮ ಹುಕುಮ್

26 ಇನಖ್ವಾಜೇಥಿ ಬೈಯೇ ಭೇನೆವೊ ಅಪ್ಪೆ ಶಾತ್ ಬೋಲೆಚಾಯ್? ತುಮೆ ಸಬೆಮಳಾದೀನ್, ಹರೇಕ್‌ಜಣಾನ ಕೀರ್ತನೆ ರ್ವವೊ, ಉಪದೇಶ್ ಕರಾನುರ್ವೊ ದೇವ್‌ಥಿ ನವು ಖ್ವಾಚನ ಖ್ವಮ್‌ಭಾಡಾನ ರ್ವವೊ, ಅಲಕ್ ಬೋಲಿಮ ಬೋಲಾನು ರ್ವವೊ, ಇನಿ ಮತಲಬ್‌ನ ಬೋಲಾನು ರ್ವವೊ, ಆ ಖ್ವಾರೂಸ್ ಸಬೆನ ಭಾಂದಾನು ರ್ವವೊ ಆತ್ಮಮ ಭಡಾವಾನಖ್ವಾಜೆ ಹುವಾದೆ.

27 ಕೋಣ್‌ತೋಬಿ ಅಲಕ್ ಬೋಲಿ ಬೋಲವಾಳು ಉಷೇತೊ ಬೇಜಣು ನತರ್ ಭಾಖ್ವತ್‌ಕತೊ ತೀನ್‌ಜಣು ಏಕೇಕ್‌ಜಣು ವಾತೆಬೋಲ್ಪು ನತರ್ ಬಿಜೇಕ್‌ಜಣು ಕೋಣ್‌ತೋಬಿ ಮತಲಬ್‌ನ ಬೋಲಿ ವತಾಳೆನು.

28 ಮತಲಬ್‌ನ ಬೋಲವಾಳು ನಾಉಷೇತೊ ಅಲಕ್ ಬೋಲಿ ಬೋಲವಾಳು ಸಬೆಮ ಖ್ವೊಪ್‌ರ್ವಾದೆ. ಯೋ ಇನುಯೋಸ್‌ಬಿ, ದೇವ್‌ನಾಬಿ ವಾತ್‌ಬೋಲಿಲ್ಪವಾದೆ.

29 ಪ್ರವಾದಿಖ್ವಾರು, ಭೇಜಣು ರ್ವವೊ, ತೀನ್‌ಜಣುರ್ವೊ ವಾತ್ ಬೋಲಾದೆ, ಬಿಜುಜಣು ಪರ್ವಿನ್ ಖ್ವಮ್‌ಭಾದೆ.

30 ಬೆರೂತೆ ಬಿಜೇಕ್‌ಜಣಾನ ದೇವ್‌ಥಿ ಶನುತೋಬಿ ನವು ಖ್ವಾಚುಮಳ್ಳುತೊ ಪಹಿಲೆನೊ ಖ್ವೊಪ್‌ರ್ವಾದೆ.

31 ಶನಕತೊ ತುಮೆಖ್ವಾರು ಏಕೇಕ್‌ಜಣು ಪ್ರವಾದ್‌ನೆ ಕರಾವಾಳು ಹುಯಿರ್ವೊತೊ ಅಖ್ವುಜಣು ಶಿಕಿಲಿಶೆ, ಅಖ್ವುಬಿ ಹುಮ್ಖ್ವೊಲಿಲಿಶೆ.

32 ಪ್ರವಾದಿಖ್ವಾರಾನು ಆತ್ಮಖ್ವಾರು ಪ್ರವಾದಿಯೇವ್‌ನು ಅಧೀನ್‌ಮ ಛಾ.

33 ದೇವ್ ಖ್ಹಾರಿ ಸಬೆನ ಸಮಾಧಾನ್ನೋ ದೇವ್ ಹುಯಿರೊಸ್ ಪಣ್ಣಿ ಕಲಾವ್ಣಿನ ಕಾರಣ್ ಕಾಹೆ.

34 ದೇವ್ನಿ ಸಭೆಮ ತಯೇಡಾಖ್ಹಾರಿ ಸಬೇನಿ ಟೋಳ್ತೊ ಖೊಪೊರ್ವಾದೆ. ಶನಕತೊ ವಾತೆಬೋಲಾನ ಇವ್ಣುನ ಶನಿ ಹುಕುಮ್ ಕೊಯ್ನಿ. ಧರ್ಮಶಾಸ್ತ್ರ ಬೋಲಿರಾಖ್ತೆ ತಿಮ್ ಇವ್ಣೆ ಅಧೀನ್‌ಮ ರೊಣ್ಣಿ.

35 ಇವ್ಣೆ ಶನಿತೋಬಿ ಬಾರೇಮ ಮಾಲುಮ್‌ಕರಿಲ್ಯವಾನು ರೊಯ್ತೊ, ಘರಮ ಬಾವ್ರಿಯೇವ್‌ನಿ ಪೂಲ್ವಾದೆ. ತಯೇಡಾಖ್ಹಾರು ಸಬೆಮ ವಾತೆಬೋಲಾನು ಖ್ಹರಮ್‌ಲಾಗಾನು ಹುಯಿರೊಸ್.

36 ನತರ್ ದೇವ್‌ವಚನ್ ತುಮಾರೇಥಿ ನಿಕಳಾಶೇಕಿ? ಕೊಯ್ನಿ ಯೋ ತುಮಾರಕನ ಖಲಿ ಆಯೂಕಿ?

37 ಕೋಣ್‌ತೋಬಿ ಇನುಯೋ ಪ್ರವಾದಿ ಕರಿರೊವೊ, ದೇವ್ನಿ ಆತ್ಮಥಿ ಭರೈರ್ವಾಳೊ ಕರಿರೊವೊ ಖ್ಹಮ್‌ಜಿಲ್ಯವಾಳೊ ರೊಯೊತೊ ಮೇ ತುಮೂನ ಲೀಖಿರಾಖೊತೆ ವಾತೆಖ್ಹಾರಿ ಪ್ರಭುನಿ ಹುಕುಮ್‌ಕರಿ ಆಲ್ಪಿನಿತರ ಮಾಲುಮ್ ಕರಿಲ್ಯವಾದೆ.

38 ಕೋಣ್‌ತೋಬಿ ಆ ಹೈರುತೆ ಮಾಲುಮ್ ಕೊಯ್ನಿಕರಿ ಬೋಲ್ಯೊತೊ ಯೊ ಖ್ಹಣೇದ್ ಕೊಂತೆ ತಿಮ್‌ರೊವಾದೆ.

39 ಇನಖ್ಹಾಜಿ ಮಾರ ಭೇನೆ ಬೈಯೇವೊ, ಪ್ರವಾದ್‌ನೆಕರಾನ ಘಣು ಆಖ್ಹಾಕೊ. ಅಲಕ್ ಬೋಲಿಬೋಲಾನ ಆಡು ನಕೊಹುವೊ.

40 ಕತೋಬಿ ಅಖ್ಹೂಸ್ ಬರೋಬರ್‌ಥಿ ಅಜ್ಜು ರೊವಾನಿ ಪರಕ್ ಬರೋಬರ್‌ಥಿ ರೊವಾದೆ.

15

ಕ್ರಿಸ್ತ ಮರೀನ್ ಜಿವೊತೆ ಇನಿ ಬಾರೇಮ

1 ಬೈಯೇ ಭೇನೆವೊ, ಮೇ ತುಮೂನ ಬೋಲ್ಯೊತೆ ಸುವಾರ್ತೆನ ಹಮ್ಮೆ ತುಮಾರಿ ಯಾದ್ವಲ್ಯವೂಸ್, ಖ್ಹಮ್‌ಜಾಡುಸ್. ತುಮೆ ಇನ ಮಾನಿಲಿದ. ಇನಾಮ ಭಿಯಾಸ್.

2 ಮೇ ಬೋಲ್ಯೊತೆ ಆ ಸುವಾರ್ತೆನ ತುಮೆ ಘಟ್‌ಥಿ ಧರಿಲಿದಾತೊ ತುಮೂನ ರಕ್ಷಣೆ ಉಷೆ. ನತರ್‌ತೊ ತುಮಾರಿ ವಿಶ್ವಾಸ್ ಬೇಕಾರ್ ಹುಯಿಜಾಶೆ.

3 ಶನಕತೊ ಮೇಬಿ ಜಿನು ಶಿಕೋತೆ ಪಹಿಲಿ ವಾತೆಮಾಥು ಮುಖ್ಯ ವಾತ್ಸಸ್ ತುಮೂನ ಖ್ವಮ್‌ಜಾಡ್ ರಾಖ್ಯೊಸ್. ಯೋ ಶಾತ್‌ಕತೊ ಧರ್ಮಶಾಸ್ತ್ರಮ ಖ್ವಮ್‌ಜಾಡಿರಾಖ್ಯೊತೆ ತಿಮ್ ಕ್ರಿಸ್ತ ಅಪ್ಪ ಪಾಪ್‌ಖಾಜೆ ಮರಯ್ಚೊ.

4 ಯೋ ಗಡ್ಯೆಗಯೊ, ಪವಿತ್ರ ದಪ್ತರ್‌ನಿ ಪರಕ್ಮಾಸ್ ತೀನ್ನೆ ರೋಚ್‌ಮ ಉರಿನ್ ಆಯೊ.

5 ಪೇತ್ರನಬಿ ಇನಪಾರ್ ಭಾರ ಜಣ ಅಪೊಸ್ತಲರ್‌ನಾಬಿ ದೇಖಾಯೊ. ಧರ್ಮಶಾಸ್ತ್ರ

6 ಅನಕೇಡೆಥು ಎಕ್‌ಕ್‌ಸ್ ವಖ್ವತ್‌ಮ ಪಾಚ್ ಖ್ವೊಥಿಬಿ ಜಾಖ್ವತ್ ಜಣ ಬೈಯೇ ಭೇನೆವ್‌ನ ದೇಖಾಯೊ. ಇವ್ಜಾಪು ಘಣುಅದ್ಮಿ ಹಮ್ಮೇಬಿ ಬಚಿರಯ್ಚೊಸ್. ಥೋಡುಜಣು ಮರಿಗಯು.

7 ಇನಕೇಡೆಥು ಯೋ ಯಾಕೋಬ್‌ನಾಬಿ ಇನಪಾರ್ ಬಿಜೇಕ್ ವಖ್ವತ್ ಖ್ವಾರ್‌ಸ್ ಅಪೊಸ್ತಲರ್‌ನಾಬಿ ದೇಖಾಯೊ.

8 ಖ್ವರ್ತಿಖ್ವುಗ್ಗಿಮ ದನ್ ಭರಾಯುಕೊಂತೆ ಪೈದಹುವಾಳಾನಿತರ ಲೊತೆ ಮನಾಬಿ ದೇಖಾಯೊ.

9 ಮೇತೊ ಅಪೊಸ್ತಲರ್‌ಮ ನ್ಹಾನೊ, ಅಪೊಸ್ತಲಕರಿ ಬೋಲ್ಯೆಲ್ಯವಾನ ಮೇ ಯೋಗ್ಯಕಾಹೆ. ಶನಕತೊ ಮೇ ದೇವ್ನಿ ಸಬೇನಾಸ್ ಖ್ವತಾಯೊ.

10 ಕತೋಬಿ ಮೇ ಕೆಥ್ರಾನವಾಳೊ ಹುಯಿರಯ್ಚೊಥೊಕಿ ಯೊ ದೇವ್‌ನೊ ವಾರ್‌ಖ್ವೊಸ್ ಹುಯಿರುಸ್. ಮನಹುಯುತೆ ಇನೊ ವಾರ್‌ಖ್ವೊಬಿಣ್‌ಫಾಯಿದೊ ಹುಯುಕೋಯ್ಚಿ. ಮೇ ಇವ್ಜ ಅಖ್ವೇಥೀಸ್ ಕೆತ್ರೇಕ್ಚಿ ಜಾಖ್ವತ್ ವಾಖ್ಯೊಕರಯ್ಚೊ ಕತೋಬಿ ಮ್ಹಿನ್‌ತ್ ಕರಯ್ಚೊತೆ ಮೇಸ್ ಕಾಹೆ ದೇವ್ನಿ ವಾರ್‌ಖ್ವೇಥೀಸ್ ಹುಯು.

11 ಇನಖಾಜೆ ಮೇ ರಯ್ತಿಯೋತೊ ಶಾತ್, ಇವ್ಜೆ ರಯ್ತಿಯೋತೊ ಶಾತ್ ಇನಾಸ್ ಹಮೆ ಬೋಲ್‌ಯೇಸ್ತೆ ಸುವಾರ್ತೆನ ಬೋಲಿರಾಖ್ಯಾಸ್. ತುಮೆ

ವಿಶ್ವಾಸ್ ಕರಿರಾಖ್ಯಾಸ್.

ಮರೃಹುಯ ಪಾಲ್ಟು ಜಿವಿನ್ ಉತಾನು

12 ಕತೋಬಿ ಕ್ರಿಸ್ತ ಮರೃಹುಯಾಮಾಥು ಉರಿನ್ ಆಯೋಕರಿ ಬೋಲುಕರಾನಿ ವಖ್ತಮ್ ತುಮಾರಮ ಥೋಡುಞ್ಣು ಮರೃಹುಯಾನ ಪಾಲ್ಟು ಜಿವ್ತುಹುವಾನು ಕೊಯ್ತಿಕರಿ ಬೋಲಾನು ಕಿಮ್?

13 ಮರೃಹುಯಾನ ಪಾಲ್ಟುಜಿವ್ತು ಹುವಾನು ಕೊಯ್ತಿಕತೊ, ಕ್ರಿಸ್ತಬಿ ಮರೃಹುಯಾಮಾಥು ಉರಿನ್ ಆಯೊ ಕೊಯ್ತಿಕರಿ.

14 ಕ್ರಿಸ್ತ ಉರಿನ್ ಆಯೊಕೊಯ್ತಿಕತೊ ಹಮಾರಿ ಉಪದೇಶ್‌ಬಿ, ತುಮಾರಿ ವಿಶ್ವಾಸ್‌ಬಿ ಫಾಯಿದೊಕೊಂತೆ ಹುಯಿರೃಸ್.

15 ಆನಾಹುಯಿನ್ ಮರೃಹುಯು ಉರಿನ್ ಆಯುಕರಿ ದೇವ್ ಕ್ರಿಸ್ತಾನ ಉತಾಡ್ಯೊಸ್ ಕೊಯ್ತಿ; ಉತಾಡ್ಯೊಕರಿ ಸಾಕ್ಷಿ ದಿದಾತೆ ಅಪ್ಪೆ ದೇವ್ ಬಾರೇಮ ಝುಟಿ ಬೋಲವಾಳ ಹುಯ ದೆಖೈಯೆಸ್

16 ಮರೃಹುಯು ಉರಿಆವಕೊಯ್ತಿಕತೊ ಕ್ರಿಸ್ತಬಿ ಜಿವ್ತೊಹುಯಿನ್ ಉರಿನ್ ಆಯೊಕೊಯ್ತಿ.

17 ಕ್ರಿಸ್ತ ಉರಿನ್ ಆಯೊಕೊಯ್ತಿಕತೊ, ತುಮಾರಿ ವಿಶ್ವಾಸ್ ಬಿಣ್‌ಫಾಯಿದಾನು ಹುಯಿರೃಸ್. ತುಮೆ ಆಞ್ಲಾಬಿ ತುಮಾರಿ ಪಾಪ್‌ಮಾಸ್ ಲ್ಲಾ.

18 ಆ ನಾಹುಯಿನ್ ಕ್ರಿಸ್ತಮ ರೆಡ್ಲಿನ್ ಮರೃಹುಯುಖ್ವಾರು ನಾಶ ಹುಯಿರೃಸ್ ಕರಿ ಇನಿ ಮತಲಬ್.

19 ಅಪ್ಪೆ ಆ ಞಿಂದ್‌ಗೀಮ ಖಲಿ ಕ್ರಿಸ್ತಮ ಭರೋಖ್ವಾವಾಳ ಹುಯಿರೃತೊ, ಜಗತ್ತ್ ಅದ್ಮಿಥೀಬಿ ಕಡತೇಲ್ ಹುಯಿರೃಯೇಸ್.

20 ಕತೋಬಿ ಖ್ವಾಳು ಶಾತ್‌ಕತೊ ಹಮೈ ಕ್ರಿಸ್ತ ಮರೃಹುಯಾಮಾಥು ಉರಿನ್ ಆಯಿರೃಯೇಸ್. ಮರೃಹುಯ ಖ್ವಾರಾಸ್‌ಮ ಮರಿನ್ ಉತಾನು ಲ್ಲಾಕರಿ ವಿಶ್ವಾಸಿಮ ಞಮೀನ್ ಹುಯಿರೃಯೇಸ್.

21 ಶನಕತೊ ಏಕ್ ಅದ್ಮಿಥಿ ಮರಣ್ ಆಯುತೆ ತಿಮ್ಮಸ್ ಏಕ್ ಅದ್ಮಿಥಿ ಮರೃಹುಯಾನ ಪಾಲ್ಟುಜಿವ್ತು ಹುವಾನು ಆವಸ್.

22 ಶನಕತೊ ಆದಾಮ್ನ ಖ್ವಾರೊಸ್ ಮರಾನಿ ತರಸ್, ಕ್ರಿಸ್ತಮ ಖ್ವಾರೊಸ್ ಜಿವ್ವು ಉಶೆ.

23 ಕತೋಬಿ ಕ್ರಿಸ್ತ ಖ್ವಾರೇಥಿ ಪಹಿಲೆ ಇನಪಾರ್ ಕ್ರಿಸ್ತ ಆವಾನಿ ವಖ್ವಾತೆ ಇನು ಅದ್ಮಿಖ್ವಾರು ಏಕ್‌ನ ಕೇಡೆಥು ಏಕ್ ಬರೋಬರಾನಿ ಪರಕ್ಮಲುರಿನ್ ಆವ್‌ಶೆ.

24 ಅನಕೇಡೆಥು ಯೋ ಖ್ವಾರೊಸ್ ದರ್‌ಬಾರ್‌ನಾಬಿ ಖ್ವಾರೊಸ್ ಅದಿಕಾರ್‌ನಾಬಿ, ಖ್ವಾರೊಸ್ ಶಕತ್‌ನಾಬಿ ನಾಶ್ ಕರೀನ್ ಬಾ ದೇವ್ನ ಹಾತ್ಮರಾಜ್ಯ ದಿನಾಖಿದ್ಯವಾನಿ ವಖ್ವಾತೆ ಖ್ವತಮ್ ಹುಯಿಜಾಶೆ.

25 ಶನಕತೊ ದೇವ್ ಅಖ್ವಾಸ್ ವಹೇರ್ರ್ಯಾಹರೈನ್ ಇನ ಪಗ್‌ಪರ್ ನಾಖೀಲ್ಯವಾಲಗು ರಾಜ್ ಚಲಾವಾನು ಜರೂರತ್ ಛಾ.

26 ಖ್ವರ್ತಿನ ನಾಶ್‌ಹುವಾಳೊ ವಹೇರ್ರ್ಯೊ ಮರಣಸ್.

27 ಶನಕತೊ “ದೇವ್ ತಮಾಮ್‌ನಾಸ್ ಇನ ಗೋಡಾನ ಹೇಟ್ ನಾಖಿನ್ ಇನ ಅಧೀನ್ ಕರ್ರ್ಯೊ” ಕರಿ ಬೋಲಾನಿ ವಖ್ವಾತೆ ಖ್ವಾರಸ್ನ ಅಧೀನ್ ಕರ್ರ್ಯೊಹುಯೊ ಇನಾಮ ಮಳ್ಳೊಕೊಯ್ತಿಕರಿ ದೆಖಾವಸ್.

28 ತಮಾಮ್‌ಬಿ ಇನ ಹಾತ್ಮದೀರಾಖನಪರ್ ಛಿಯೊತಮಾಮ್‌ನಾಬಿ ದೀರಾಖವಾಳನ ಇನಹಾತ್ ಹೇಟ್ ರ್ವವಾಳೊ ಹುಯಿರ್ರ್ಯೊಸ್; ಅಮ್ ದೇವ್ ತಮಾಮ್‌ಬಿ ತಮಾಮ್ ಹುಯಿರ್ರ್ಯೊಸ್.

29 ಮರ್ರ್ಯಹುಯಾನ ಪಾಳ್ತು ಜಿವ್ವುಹುವಾನು ನಾರ್ವಯುತೊ, ಮರ್ರ್ಯಹುಯಾನಖ್ವಾಜೆ ಬ್ಯಾಪ್ತಿಸ್ಮ ಕರೈಲ್ಯಾವಾಳು ಶಾತ್‌ಕರ್‌ಶೆ? ಮರ್ರ್ಯಹುಯು ಖ್ವಾಚಮಾಸ್ ಉರಿಆವಾಳು ನಾ ಉಶೇತೊ, ಉರಿಆವಾಳ ಇವ್ವಖ್ವಾಜೆ ಅದ್ಮಿಖ್ವಾರು ಬ್ಯಾಪ್ತಿಸ್ಮ ಶನಕರೈಲೇವ್ವು?

30 ಕ್ರಿಸ್ತಮ ತುಮೆ ಮಾರಿ ಜೋಡೆ ಛಾತೆ ಇನಖ್ವಾಜೆ ಅಪ್ಲೆ ಜಿನು ಹರ್‌ಘಡೀಮಾಬಿ ಖತ್ರಾಮ ಶನಲ್ಲಿಯೇ?

31 ಬೈಯೇ ಭೇನೆವೊ, ಅಪ್ಲೊ ಪ್ರಭು ಹುಯಿರೋತೆ ಕ್ರಿಸ್ತಯೇಸುಮ ತುಮಾರಿ ಬಾರೇಮ ಮನಲ್ಲಾತೆ ಪ್ಯಾರ್‌ಖ್ವಾಜೆ ಮೇ ಹರ್‌ರೋಜ್‌ಬಿ ಮರಣ್ಣ ಮ್ಹೋರೆ ಛೂಕರಿ ಬೋಲುಸ್.

32 ಮೇ ಅದ್ಮಿವೋನಖ್ವಾಜೆ ಎಫೆಸಮ ಜಾನ್ವರ್‌ನ ಜೋಡ್ಡ ಜಂಗ್ ಭೀಡ್ಯೊತೊ, ಮನ ನಫ್ಪೊತೋಬಿ ಶಾತ್? ಮರಿಜ್ಞಾವಳು ಉರಿಆವಾನು ನಾರ್ಡ್ಯುತೊ, 'ಖೈನ್ ಪೀನ್ ಮರಿಜ್ಞೆಯೆ?

33 “ಖರಾಬ್ ವಾಟ್ತ್ ಖೀಚ್ಚಿಜ್ಞಾಶುನಕೊ, ಖರಾಬ್‌ನೊ ಖ್ವಿಂಗ್ ಅಫ್ಫಿಜ್ಞಾಲ್‌ನ ಖರಾಬ್ ಕರ್ಶೆ”.

34 ನೀತಿನಖ್ವಾಜೆ ಹೊಷಾರಿ ಹುವೊ, ಪಾಪ್ಪ ನಕೊಕರೊ. ಥೋಡಭಣಾನ ದೇವ್ನಿ ಬಾರೇಮ ಮಾಲುಮ್ನಾಕೊಯ್ನಿ. ತುಮೂನ ಖ್ವರಮ್ ಲಾಗಾದೆಕರಿ ಮೇ ಆ ವಾತ್ ಬೋಲುಕರುಸ್.

ಪಾಠ್ಯ ಜಿವ್ವು ಹುಯುತೆ ಶರೀರ್

35 “ಮರೈಹುಯು ಕಿಮ್ ಉರಿಆವಾಶೆ, ಕಿಮ್ಮ ಶರೀರ್‌ಥಿ ಆವಾಶೆಕರಿ ಕೋಣ್‌ತೋಬಿ ಪುಲ್ಲಾವಾಶೆ.

36 ಬಿಣ್ ಖ್ವಿಯಾಲ್ನ ಅದ್ಮಿ ತೂ ಬಿತ್ ಕರಾತೆ ದಾಣೊ ಮರೈನಾತೊ ಯೋ ಜಾನ್ ಲೀಶೆಕಿಶು ಕೊಯ್ನಿ.

37 ತೂ ಏಕ್‌ಘಡಿ ಘವಾನ್ ರ್ವೊ ಜಿಜ್ಞು ಕೆಹೂಬಿ ದಾಣಾನ ರ್ವೊ ಬಿತ್ ಕರಾನಿ ವಖ್ವೆತೆ ಖಲಿ ಎಕ್ಕ್‌ಸ್ ದಾಣನಾಸ್ ಪಣ್ಣಿ ಅಗಾಡಿ ಮೋಟು ಹುವಾನು ಶೋಶಿನ ಗಾಡಕೊಯ್ನಿ.

38 ಕತೋಬಿ ಅಖ್ವಾ ದಾಣನಾಬಿ ಇನ ಹೋಣುತೆ ಶರೀರ್‌ನ ದೇಸ್, ದೇವ್ ಇನಿ ಖ್ವಿಜ್ಞೆನಿ ಘೋಣಿಸ್ ಇನ ಶರೀರ್‌ನ ದೇಸ್.

39 ಅಖ್ವಿಜ್ಞೆನಿ ಶರೀರ್ ಎಕ್ಕ್‌ಸ್ ತರ ರ್ವೊಯಿಕ್ಕೊಯ್ನಿ. ಅದ್ಮಿನು ಶರೀರ್ ಏಕ್‌ಥರ, ಜಾನ್ವರ್‌ನು ಶರೀರ್ ಏಕ್‌ಥರ, ಜಿನಾವರ್‌ನು ಶರೀರ್ ಏಕ್‌ಥರ, ಮಾಲ್ಟೊಲಾನುಸ್ ಬಿಜೇಕ್‌ತರ,

40 ಆ ನಾಹುಯಿನ್ ಸೊರ್ಗಾನ್ ಶರೀರ್‌ಖ್ವಾರು ಲ್ಹಾ; ಧರ್ತಿನ್ ಶರೀರ್‌ಖ್ವಾರು ಲ್ಹಾ, ಕತೋಬಿ ಪರಲೋಕಮ ಅಖ್ವಾಶರೀರ್‌ನು ಶನ್‌ಗಾರ್‌ನ ಅಲಕ್, ಧರ್ತಿನ್ ಶರೀರ್‌ನ್ ಶನ್‌ಗಾರ್ ಅಲಕ್.

41 ಚಾಂದ್‌ನು ಶನ್‌ಗಾರ್ ಅಲಕ್, ಚಂದರ್‌ಮಾನು ಉಜಾಖ್ತ್ ಬಿಜೇಕ್ ಪರಕ್. ಶನಕತೊ ಶುಕ್ಕ್‌ರ್ ಶುಕ್ಕ್‌ರ್‌ನುಸ್ ಶನ್‌ಗಾರ್‌ಮ ಪರಕ್ ರಕ್ಲೆಸ್.

42 ಮರ್ಯ್‌ಹುಯಾನ ಉಷೇತೆ ಪಾಳ್ತು ಜಿವ್ತುಹುವಾನಾಬಿ ಇಮ್ಮಸ್ ರಕ್ಲೆಶೆ. ಶರೀರ್ ನೂಟ್ಲೆಜಾವಾನಿ ಹಾಲತ್ತ್ ಗಡೈಜಾಸ್. ಅಜ್ಜು ಮರೀನ್ ಉರೀನ್ ಆವಾತೆ ನಾಶ ಹುವಾಕೊಂತೆ ರಕ್ಲೆಶೆ.

43 ಗಡೈಜಾವಾನಿ ವಖ್ತೆ ಖರಾಬ್ ಹಾಲತ್ಯಾಬಿ ಬಿತ್‌ಹುವಸ್, ಕತೋಬಿ ಮಹಿಮೆನಿ ಜೋಡ್ತ ಉರಿನ್ ಆವಸ್. ಕಮ್‌ಜೋರಿಮ ಗಡೈಜಾಸ್, ಶಕಡ್ಲಿ ಉರಿನ್ ಆವಸ್.

44 ಗಡಾಯುಹುಯು ಮಾಮೂಲಿ ಶರೀರ್‌ಹುಯಿನ್ ಗಡಾವಸ್, ಆತ್ಮಿಕ ಶರೀರ್‌ಹುಯಿನ್ ಉರಿನ್ ಆವಸ್. ಅಫ್ಫರ್‌ಧು ಉಬ್‌ಜ್ಜುಹುಯು ಶರೀರ್ ಛಾಕತೊ ಆತ್ಮಿಕ ಶರೀರ್‌ಬಿ ಛಾ.

45 ಪಹಿಲೊ ಅದ್ಮಿಹುಯಿರೋತೆ ಆದಾಮ್ ಜಾನ್ ಲಿದೋತೆ ಏಕ್ಲಣೊಹುಯೊ. ಖ್ವರ್ತಿನೊ ಅದಾಮ್‌ತೋಬಿ ಜಾನ್‌ದ್ಯವಾಳೊ ಆತ್ಮಹುಯೊ” ಕರಿ ಪವಿತ್ರ ದಪ್ತರ್‌ಮ ಲೀಖ್ಲಿರಲ್ಹೆಸ್.

46 ಆತ್ಮಿಕ ಹುವಾಳು ಪಹಿಲೆ ಆಯುಕೊಯ್ನಿ ಮ್ಹಾಮುಲಿಸ್ ಪಹಿಲು ಹುಯಿರಲ್ಹೆಸ್. ಇನಕೇಡೆಧು ಆತ್ಮಿಕ ಹುವಾಳು ಐರಲ್ಹೆಸ್.

47 ಪಹಿಲೊ ಅದ್ಮಿ ಜಮೀನ್ನು ಮಾಟಿವಾಳೊ ಹುಯಿರಲ್ಹೆಡೊ. ಬೇನೊ ಅದ್ಮಿ ಪರಲೋಕ್‌ಡೊ ಆಯೊ ಹುಯೊ.

48 ಮಾಟಿನೊ ಅದ್ಮಿ ಕೆಥ್ರಾನೋಕಿ, ಮಾಟಿನ ಸಂಬಂಧ್ ರಕ್ಲೆವಾಳುಬಿ ಎಥ್ರಾನಸ್‌ವಾಳು, ಪರ್‌ಲೋಕ್‌ನೊ ಅದ್ಮಿ ಕೆಥ್ರಾನವಾಳೋಕಿ ಪರ್‌ಲೋಕ್‌ ಸಂಬಂಧ್ ರಕ್ಲೆವಾಳುಬಿ ಎಥ್ರಾನಸ್‌ವಾಳು ಹುಯಿರಲ್ಹೆಶೆ.

49 ಅಪ್ಲೆ ಮಾಟಿನ ಅದ್ಮಿನು ರೂಪ್ ಫೇರಿರಾಖ್ಯಾತೀಸ್ ಪರಕ್, ಪರ್‌ಲೋಕ್‌ನು ಅದ್ಮಿನ ರೂಪ್‌ನಾಬಿ ಪೇರಲ್ಹಿಲಿಶೊ.

50 ಭೇನೆ ಭೈಯೇವೊ, ಮೇ ಶಾತ್ ಬೋಲಸ್‌ಕತೊ, ಲ್ಹೋಯಿ ಬೋಟಿ ದೇವ್‌ರಾಜ್ಯಮ ಭಾಗ್ ಲಿಶೆಕೊಯ್ನಿ. ನೂಟ್ಲೆಜಾಯ್ ಕೊಯ್ನಿಶೆ,

ಇನಾಮ ಭಾಗ್‌ಲ್ಯಾವಾನ ಉಶೆಕೊಯ್ನಿ.

51 ಮೇ ಗಪ್ಪತ್ ಹುಯಿರ್ದೀಥೀತೆ ವಾತೆನ ತುಮುನ ಬೋಲುಸ್ ಖ್ವಿಮ್‌ಜೊ ಅಪ್ಲೆಖ್ವಾರು ಮರಿಜಾಶು ಕೊಯ್ನಿ. ಅಪ್ಲೆಖ್ವಾರು ಬದ್ಲಿಜಾಶು.

52 ಕತೋಬಿ ಎಕ್ಕ್ಸ್ ಘಡೀಮ, ಪಾಪಣ್ ಮಾರಾನ ಮಹಿಮ ಖ್ವರ್ತಿನಿ ತುತ್ತೂರಿ ವಜಾಡನಿ ವಖ್ವೊತೆ ಮರಿಹುಯು ನಾಶ್‌ಕೊಹುವಾನಿತೆ ಹಾಲತ್ಯ ಉಟ್‌ಶೆ. ತದೆ ಅಪ್ಲೆ ಬದ್ಲಿಜಾಶು. ತುತ್ತೂರಿನುವಾಜನಿ ವಖ್ವೊತೆ ಮರ್ರ್‌ಹುಯು ಕದೇಬಿಜಿವಾನ, ಉತಾಡ್ಲೆಜಾಶೆ. ಅಪ್ಲೆ ಬದ್ಲಿಜಾಶು.

53 ಕತೋಬಿ ನೂಲ್ಟೆಜಾವಾನು ಶರೀರ್ ನೂಲ್ಟಾವಕೊಂತೆ ಇಮ್ ಬದ್ಲಿಜಾಶೆ. ಮರವಾಳು ಮರಾಕೊಂತೆ ಹುಯಿಜಾಶೆ.

54 ಅಮ್‌ರ್ದವಾಪರ್ ನೂಲ್ಟೆಜಾವಾಳು ಶರೀರ್ ನೂಲ್ಟೆಜಾವನುಕೊಂತೆ ಬದಲ್ ಹುವಾನಿವಖ್ವೊತೆ ಪವಿತ್ರ ದಪ್ತರಮ “ಜೀತ್ ಮರಣ್ಣ ಗಳಿಲಿದು” ಕರಿ ಲೀಖಾಯುತೆ ವಾತ್ ಚಾಲಸ್.

55 ಮರಣ್, ತಾರಿ ಜೀತ್ ಕ್ಯಾ? ಮರಣ್ ತಾರು ಝಾರ್ ಕಣ್ಣಿ ಕಿಜ್ಜಾ ಲ್ಲಾ.

56 ಮರಣ್ ಪಾಪ್‌ಥಿ ಅಜ್ಜ ದೈವಾನು ತಾಖತ್ನ ಲೇಸ್ ಅಜ್ಜು ಪಾಪ್ ಧರ್ಮಶಾಸ್ತ್ರಧಿ ಶಕತ್ ಲೀಲೆಸ್.

57 ಕತೋಬಿ ಅಪ್ಲೊಪ್ರಭು ಹುಯಿರೋತೆ ಯೇಸು ಕ್ರಿಸ್ತಧಿಸ್ ಅಪ್ಪು ನ ಜೀತ್‌ದ್ಯಾವಾಳ ದೇವ್ವ ಧನ್ಯವಾದ್.

58 ಇನಾಖ್ವಾಜೆ ಮಾರ ಪ್ಯಾರ್‌ನ ಭೇನೆ ಭೈಯೇವೊ, ಘಟ್‌ಥಿ ಭೀರ್ದೆವೊ. ಕೆಹೂಬಿ ತುಮುನ ಹಲಾವದೆ ನಕೊ. ಪ್ರಭುಮ ತುಮಾರೊ ವಾಖ್ಯೊ ಬಿಣ್‌ಫಾಯಿದೊ ಉಶೆಕೊಯ್ನಿ ಕರಿ ಖ್ವಿಮ್‌ಜಿನ್, ಪ್ರಭುನ ಕಾಮ್ನಾಜೆ ಕದೇಬಿ ತುಮಾರು ತುಮೆ ಪೂರ ಅರ್ಪಣ್ ಕರಿಲೆವೊ.

16

ಯೆರೂಸಲೇಮ್‌ನ ವಿಶ್ವಾಸಿನಖಾಜೆ ಕಾಣ್ತೆ

1 ದೇವ್ ಅದ್ವಿನಖಾಜೆ ಪೈಶ ಭಮ ಕರಾನಿ ಬಾರೇಮ ಮೇ ಗಲಾತ್ಯನಿ ಅಖ್ವಿ ಸಬೆನ ಬೋಲ್ಯೊತೆ ಇಮ್ಮಸ್ ತುಮೇಬಿ ಕರೊ.

2 ಮೇ ಆವಾದಿನ್ ಪೈಶಭಮಕರಾನು ನಾ ರ್ವಿವ್ವತೆ ತುಮಾರಮ ಹರೇಕ್‌ಞ್ಣು ಇನು ಕಮೈ ಕಿಮ್ಮಿ ತಿಮ್ ವಾರಾನ ಪೈಲದನ್ನೆ* ಭಮಕರಿರಾಖದೆ. ಮೇ ಆವಾದಿನ್ ತುಮೆ ರಪ್ಯಭಮಾವಾನಿ ಭರೂರತ್ ಕೊರೈಶೇನಿ.

3 ಮೇ ತುಮಾರಕನ ಆವಾದಿನ್ ತುಮೆ ಕಿನ ಪರ್ಖಿನ್ ನಿಯತ್‌ವಾಳೊ ವತಾಳಸ್ತಿ ಇವ್ವುನ ಚಿಟ್ಟಿದೀನ್ ತುಮಾರು ಇನಾಮ್ ಲೀನ್ ಯೆರೂಸಲೇಮ್ಮ ಭಾವ್ವುಕರಿ ಮೋಕ್ಲುಸ್.

4 ಮೇಬಿ ಭಾವಾನು ಅಲ್ಪುಕರಿ ಬೋಲಾಯುತೊ ಇವ್ವೆಮಾರಿ ಜೋಡ್ಡ ಆವಾದೆ.

ಪೌಲನಿ ಖ್ವೊಜ್‌ಖ್ವಾರು

5 ಮೇ ಮೆಕೆದೋನ್ಯಥೊ ಭಾವ್ವುಕರಿ ಲ್ಲೊ. ಇನಖಾಜೆ ಮೆಕೆದೋನಿಯನ ಜೈನ್ ತುಮಾರಕನ ಆಯಿಶ್.

6 ಥೋಡಿ ವಖ್ತತ್, ನತರ್ ರಣ್ಣಾ ಹಗಾಮ್ ತುಮಾರಿಜೋಡ್ಡ ಕಾಡ್ವುಕರಿ ಹರ್‌ಖ್ವುಸ್. ಅಮ್ಮಿಪರಕ್ತೆ ಮೇ ಭಾವ್ವುತೆ ಝಗೋನ ಭಾವಾನಖಾಜೆ ತುಮೆಮನ ಮದತ್ ಕರೆಜಾಯ್.

7 ಮೇ ಆ ವಖ್ತತ್‌ಮ ಭಾತೊಭಾತೊ ತುಮೂನ ದೇಕ್ತೊ ಭಾವಾನ ಆಖ್ವೊಕೊಯ್ತೆ; ಪ್ರಭುನಿ ಹುಕುಮ್ ಹುಯೂತೊ ತುಮಾರಕನ ಥೋಡದನ್ ರ್ವಿಶ್‌ಕರಿ ಖ್ವಿಯಾಲ್ ಕರಿರಾಖ್ವೊಸ್.

8 ಕತೋಬಿ ಯೆಹೂದ್ಯರ್‌ನಿ ಅಡೈವಿಖ್ವೊದನ್ನಿ †ಪಂಚಶತ್ತಮ ಪೂಜನ ದನಾಲುಗು ಎಫೆಸಮ ರ್ವಿವ್ವುಸ್.

9 ಶನಕತೊ ಕೆತ್ತಿಕ್ತಿ ವಿರೋದಿಖ್ವಾರು ರ್ವಿಯುತೋಬಿ ಏಕ್ ಊಚು ಅಜು ನಫ್ಫಾನು ಕಾಮ್ ಕರಾನ ಖ್ವಾಚಮಾಬಿ ವೇಳ್‌ಮಳಿ ಐರೈವ್.

* 16:2 16:2 ವಾರಾನೊ ಪಹಿಲೊ ದನ್ ಬಾನ್ವಾರ್ † 16:8 16:8 ಯೆಹೂದ್ಯವಾಳು ಪಂಚಶತ್ತಮ ದನ್ನ ಆಚರಣೆ ಕರ್ತುಛು

10 ಮಾರಿನಿತರ ತಿಮೋಥೆಬಿ ಪ್ರಭುನಿಸೇವೆ ಕರುಕರಸ್. ಯೋ ತುಮಾರಕನ ಆಯೋತೊ ಶನೂಬಿ ಡರಕೊಂತೆ ರ್ವಾವನಿತರ ದೇವಿಲೇವೊ.

11 ಕೋಣೆಬಿ ಇನ ಕಡತೇಲ್ ನಾಕರನ್. ಕತೋಬಿ ಯೋ ಮಾರಕನ ಆವಾನಿತರ ಇನ ಸಮಾಧಾನ್‌ಧಿ ಮೋಕಲ್‌ನು ಯೋ ಭೇನೆ ಬೈಯೇವ್ವಿ ಜೋಡ್ತ ಆವಾನು ಮೇ ಮ್ಹೋರೆ ದೇಖುಕರುಸ್.

12 ಹಮ್ಮೆ ಬೈ ಹುಯಿರೋತೆ ಅಪೊಲ್ಲೋಸನಿ ಬಾರೇಮ ಶಾತ್‌ಕತೊ, ಯೋ ವಿಶ್ವಾಸಿಯೆವ್ವಿ ಜೋಡ್ತ ತುಮಾರಕನ ಜಾವ್ವುಕರಿ ಇನಘಣು ಬೋಲ್ಯೊ ಯೊ ಹಮ್ಮೆ ಜಾವನ ಜರ ದಿಲ್ ಕರೈಕೊಯ್ವಿ. ಯೋ ಇನ ವಖ್ತ ಮಳಾದಿನ್ ಆವ್‌ಶೆ.

ಖರ್ತಿನಿ ವಾತೆ

13 ಜತನ್‌ರ್ದೇವೊ, ವಿಶ್ವಾಸ್‌ಮ ಘಟ್‌ಭೀರ್ದೇವೊ ದಿಲ್‌ಪಥಿ ರ್ವೇವೊ, ಅಜು ತಾವತ್‌ವಾಳ ಹುವೊ.

14 ತುಮಾರ ಹರೇಕ್ ಕಾಮ್ನ ಪ್ಯಾರ್‌ಧಿ ಕರೊ.

15 ಸ್ತೆಫನನ ಘರ್‌ವಾಳು ಅಖಾಯಮ ವಿಶ್ವಾಸ್ತ ಪಹಿಲು, ದೇವ್ವ ಅದ್ವಿಯೇವ್‌ನ ಚಾಕ್ರಿ ಕರಾನಖ್ವಾಜೆ ಇವ್ವುನಸ್ ದೀಲಿದುಹುಯು ಕರಿ ಬೋಲಾನು ತುಮೂನ ಮಾಲುಮ್ ಲ್ಹಾ. ಬೈಯೆ ಭೇನೆವೊ ಮೇ ತುಮುನ ಬಿಂತಿಕರೂಸ್,

16 ತುಮೆ ಅಧ್ರನವಾಳನಾಬಿ ಚಾಕ್ರಿಕರಾವಾಳ ಹರೇಕ್‌ನಾಬಿ, ಪೀರೆಫಾವ್ವುಕರಿ ತುಮೂನ ಗಿಂಗೈಲೆವುಸ್.

17 ಸ್ತೆಫನನಾಬಿ, ಪೊರ್ತುನಾತೊಸಬಿ, ಅಖಾಯಿಕ ಕರಿ ಆಯೂತೆ ಮನ ಶಂತೋಖ್ವಾ ಹುಯು. ಶನಕತೊ ತುಮೆ ನಾ ರ್ವಾನಿ ವಖ್ವಾತೆ ಮನಹುಯುತೆ ಕಮೀನ ಇವ್ವೆ ಕಾಡಿನಾಖ್ವಿ.

18 ಇವ್ವೆ ಮಾರ ಆತ್ಮನಾಬಿ ತುಮಾರ ಆತ್ಮ ಅಖ್ವಾನಾಬಿ ಛುಟುಕರ್ನ್. ಅಧ್ರಾನ ಅದ್ವಿನ ತುಮೆ ಖ್ವಣೇದ್ ರಾಖೊ.

19 ಏಷ್ಯಾನಿ ತಬಿರ್‌ಖಾನಿ ಸಬೆವಾಳು ತುಮೂನ ಖ್ವಲಾಮ್ ಕರಿ ಬೋಲಿರಾಖ್ವುಸ್. ಅಕ್ಷಿಲ ಅಜು ಪ್ರಿಸ್ತಿಲ್ಲನು ಘರ್‌ನು ಸಬೇಧು ಪ್ರಭುನ ನಾಮ್‌ಧಿ ತುಮೂನ ಘಣು ಖ್ವಲಾಮ್ ಕರಸ್.

20 ಅಖ್ಯೂಸ್ ಭೇನೆ ಭೈಯೇಖ್ವಾರು ತುಮೂನ ಖ್ವಲಾಮ್‌ಕರಸ್. ತುಮೆ ಪವಿತ್ರಥಿ ಹಾತ್‌ಮಳ್ಳೆನ್ ಖ್ವಲಾಮ್ ಕರೊ.

21 ಪೌಲಕರಿ ಮೇ ಮಾರ ಶೊಂತ್ ಹಾಥಿ ಆ ಖ್ವಲಾಮ್ನ ಲೀಖಿರಾಖ್ಯೂಸ್.

22 ಕೋಣ್‌ತೋಬಿ ಪ್ರಭುನ ಪ್ಯಾರ್ ಕರಾಕೊಂತೆ ರಕ್ಷಿಸ್ಕಿ ಯೊ ಶಾಪ್‌ವಾಳೊ ಹುವಾದೆ! ಮಾರೊ 'ಪ್ರಭು ತೂ ಆವ್'!

23 ಪ್ರಭುಹುಯಿರಕ್ಷೀತೆ ಯೇಸುನೊ ವಾರ್‌ಖ್ವೊತುಮಾರಿ ಜೋಡ್ ರ್ವಾವಾದೆ.

24 ಕ್ರಿಸ್ತ ಯೇಸುಮ ಮಾರಿ ಪ್ಯಾರ್ ತುಮಾರ ಖ್ವಾರಾಸ್‌ನಿಜೋಡ್ ರ್ವಾವಾದೆ. ಆಮೆನ್.

ದೇವ್ಲಿ ಖ್ವಾಚಿ ವಚನ್
The New Testament in the Vaagri Booli language of
India: ದೇವ್ಲಿ ಖ್ವಾಚಿ ವಚನ್ (Bible)

copyright © 2023 The Word for the World International

Language: (Vaagri Booli)

Contributor: The Word for the World International

ದೇವ್ಲಿ ಖ್ವಾಚಿ ವಚನ್
ವಿ ಒಪ್ಪಂದಾನ, 2023

The New Testament in Waghri Vathe Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

c0e4b622-a4d7-5e71-865e-40f2bf35bd06